

কাঙগাইতি বারাইটাকনি কেয়াঙ কথমা

উপেন্দ্র দেববর্মা

কমথিঙনাই

নরেশ চন্দ্র দেববর্মা



Tribal Research and Cultural Institute
Govt. of Tripura, Agartala

কাঙগাইতি বীৰাইচাঁকনি
কেৰাঙ কথমা

উপেন্দ্ৰ দেববৰ্মা

কমথিঙনাই
নৰেশচন্দ্ৰ দেববৰ্মা



**TRIBAL RESEARCH AND CULTURAL INSTITUTE
GOVERNMENT OF TRIPURA**

*a Kokborok folk tale, Kangaiti Bwrwichwknj Kerang Kothoma
written by Upendra Debbarma and edited by Naresh Chandra
Devvarma*

© Tribal Research & Cultural Institute
Government of Tripura

First edition :
21st August, 2020

Cover Design : Shabdachitra, Agartala

Type Setting : Shabdachitra, Agartala

Printed by : Kalika Press Pvt. Ltd., Kolkata

Published by :
Tribal Research & Cultural Institute
Government of Tripura.

ISBN : 978-93-86707-34-5

Price : ₹ 100/-

কাঙগাইতি বীৰাইচীকনি কেৰাঙ কথমা

সাইনাইনি কক

আঙ আগিঅ নানা-দাবুৰা-সঙনি থানি কাঙগাইতি বীৰাইচীকনি কেৰাঙ কথমা খীনামানি কক-ন' আ-ব' জততা সীয়সুগীই মানলিয়া, ত-ব' জে মুয়তু মানমানি ডান-সুগীই-ন' সীয়খা। সীয়মানি-ফা-ন' মিলিয়া জাগাঅ মিলিরিয়াই মারিখা। কিসা-কুসু জাগাঅ জততা সীয়মানি চায়া-ফা-ন' আংগীই মা-ন', চায়া হিনখাই সীনামাই তীলাংদি ব জাগাঅ বুবতাই কক-ন' রিনানি। কাঙগাইতি বীৰাইচীকনি কেৰাঙ কথমানি মুকুমু-ন' নারীকনানি বাগীই-ন' আগিঅ আঙ খীনামানি-ন' সীয়জাখা। আঙ আসা খাইয়' নরগনি থানি অনুমোদন মানানী হিনাই।

অনুমোদন মানখাই আনি সীয়মানি সার্থক আংগীনী, আনি আসীক-ন' কক, চুবাই সানজাঅ, জ-ত' নন' খুলুমবাইখা।

তাং ২০১৭ ইং ২রা জানুয়ারী
বাং ১৪২৪, ১৭ই পৌষ, সোমবার


য়াকজুর
উপেন্দ্র দেববর্মা

ককসীকাঙ

ট্ৰাইবেল ৱিসাৰ্চ এন্ড কালচাৰেল ইনস্টিটিউটনি তায় চাঙ বিসি বুরুম বুরুমন' হাশ্বেনি যন্ত দফানি লাইবুমা, তাঙমুঙ-তাইমুঙ, কেৰেংকথমা, ককলপ বিজাপৰগ কাৰিঅ, অব' চিনি সামুঙ বীতাঙগ' খবজাক। চিনি দফানি সাইকৌৰীঙ সিনাই - নুকনাইৰগ তাইব' আব' হায় দাল বিদাল বিজাপ সাইথানি সাকথারমুঙ নাথুঙ হিনয় চাঙ মাচাং শ্ৰী উপেন্দ্ৰ দেববৰ্মাবায় সাইজাক “কাঙগাইতি বীৰাইচীকনি কেৰাঙ কথমা” বিজাবন' কাৰিনা বাগীই সাকথারখা।

বিনি অ পালকতিনি কেৰাঙ কথমানি বিসিংতাই চিনি দফানি সিরিসিতিনি সিমি ফাইমা তাংৰাইদা হুকুমু, মুকুমুনি মারিন' খবীই ডানসুকমা ফেহেলীই তিসামা নুগজাগ'। অ বিজাব জতনি থানি হামজাকমুঙ মানানী খাখীলাইঅ।

আং শ্ৰী উপেন্দ্ৰ দেববৰ্মা তাই কমথাংনাই শ্ৰী নৰেশচন্দ্ৰ দেববৰ্মান' অ “কাঙগাইতি বীৰাইচীকনি কেৰাঙ কথমা” সাইথানি সাকথারমানি বাগীই বেলাইখে হামবাই যাফার'।



(ধনঞ্জয় দেববৰ্মা)

দাগিফাঙ

আগুলি,
১ সেপ্টেম্বৰ, ২০২০

ট্ৰাইবেল ৱিসাৰ্চ এন্ড কালচাৰেল ইনস্টিটিউট
ত্ৰিপুৱা হাফাঙ

কমথিঙনাইনি কক থাইসা-থাইনীয়

ককবরক ককরীবায়নি অ জরাত তাখুক অকরা মীচাঙ উপেন্দ্র দেববর্মা চিনি সঙদুক দফানি ককবরক ককরীবায় তাই হুকুমুন' কুচুগ' তিসানানি বাগাঁই চাইতক-জানাই বরক খরকসা। ব লামতি-রীর্গাঁই তাবুকফান' খুক বাই খুগ' সাজাগাঁই তঙনাই কেরাঙ কথমারগন' তাই ককবরক রীচাবমুঙরগন' নায়তুর্গাঁই চাবাঁই সীর্গাঁই তঙজাখ'। ইংরাজি ২০১৫ বিসিঅ হাসতে সরকারনি সঙদুক নায়ফিল তাই হুকুমু তাঙখর বিনি “চেরমা তীয়সা তাই বাসকীরা বলঙনি কেরাঙ কথমা” মুঙর্গাঁই বিজাব কাঙসা সাপর্গাঁই কারিখা। আবনি উল' বিনি “হাচীকনি খরাঙ জাদুকলিজানি রীচাবমুঙ (বীখাক সারেম)” মুঙর্গাঁই বিজাব-ব' কাঙসা অ তাঙখর সাপর্গাঁই কারিখা।

আঙ বিনি (১) কুউই কেনদীরাসানি কেরাঙ কথমা, (২) কাঙগাইতি বীর্গাঁইচীকনি কেরাঙ কথমা, (৩) তায়ুঙ তীয়সানি কেরাঙ কথমা, (৪) পালকতিনি কেরাঙ কথমা, তাই (৫) তিঙ-তিঙ-তরঙনি কেরাঙ কথমা,—অ কাঙবা কেরাঙ কথমা য়াক বাই সীর্গাঁইকান' কাহামখে পরিনা নাঙখা। য়াক বাই সীর্গাঁইকান বিনি তাইব' কেরাঙ কথমা কীবাংমা তঙগ' হিনাঁই আঙ সার্গাঁই মান'। য়াক বাই সীর্গাঁইকান বিনি ককবরক রীচাবমুঙরগব' কীবাংমা তাবুকফান' সাপর্গাঁই কারিজাক- য়াখ' হিনাঁই খীনাঅ।

তাখুক অকরা উপেন্দ্র দেববর্মা বিনি জত' কেরাঙ কথমা সীর্গাঁইথানি সাকলাইজাঅ ব বিনি নানা-দাবুরাসঙনি থানি খীনামানি কেরাঙ কথমারগন' মুয়তু খীলায়-খীলায়ীই উানসুর্গাঁই সীর্গাঁইজাঅ। হিনখাই অর' সীংমুঙ থাইসা কাসায়াই মান' ব জে আসীক কীবাংমা কেরাঙ কথমা হিনাঁই সীর্গাঁইজামানি অমরগনি জত'-নন' কেরাঙ কথমানি ককবীর্গাঁই সীর্গাঁই সই-সই কেরাঙ কথমা দে হিনাঁই মান? চিনি তিপরা দফাঅ হাকচাল জরা কীচামনি সিমি খুক বাই খুগ' সাজাগাঁই ফায়নাই কেরাঙ কথমারগ পাইসুর্গাঁইয়া-ফান' কীবাংকুক-ন' চিনি বরকরগ সার্গাঁই মানলাইঅ। তাখুক অকরা উপেন্দ্র দেববর্মা বাই মুঙ ফারজাক কেরাঙ কথমারগ উ খুক বাই খুগ' সাজাগাঁই ফায়নাই লুকু-হামজাক-জাক কেরাঙ কথমারগনি বিসিঙগ' কীর্গাঁই আহাই মা তঙগ'।

জেসাফান' আঁথুন অ ককবথমান' তাই-য়াই অ জরানি ককবরক ককরীবায়ন' হামজাকনাইরগ তাই কীৰীওফাৰগ তাখুক অকরা উপেন্দ্র দেববৰ্মানি কেৰাও কথমাৰগন' জায়খে আমজগীই তাই নায়ফিলীই নায়লাইজাথুন।

আনি উনসুকমা জৰাতীই, তাখুক অকরা উপেন্দ্র দেববৰ্মা সীয়কীৰীও সিমিয়া, বন' কক-কীৰীওব' হিনীই মান'। আঁয়াখে ব বাহাইখে আসীক কীবাংমা কেৰাও কথমাৰগ তাই রীচাবমুওৰগ সীয়াই মানজা বা? অমন' কাৰীইব' ব সীয়-কীসীরাও। তামনি হিনবা, আসীক উমর চাকীরা আঁফান' ব তাবুকব' মীথাকমা কীৰীইখে সীয়াই তঙজাখ'।

আও হিননা নায়' বিনি যাক বাই সীয়জাক কীবাংমা কেৰাও কথমাৰগ তাই ককবরক রীচাবমুওৰগ দাকতিন' সাপগীই কাৰিজাক-বাইথুন। হিনখাই চিনি ককবরক ককরীবায় তাইব' চাসারীজাক আঁনাই।

বিনি "চেরমা তীয়সানি তাই বাসকীরা বলঙনি কেৰাও কথমা" সাপগীই কাৰিজাক ফুৰুন' খুরসাজাকখা জে ব থীঙনুকনি রাইদাতীই কেৰাও কথমাৰগ সীয়জাঅ। আও পুয়তু কীরাক নারীগ' বিনি অ "কাঙগাইতি বীৰীইচীকনি কেৰাও কথমা" বিজাব-ব' ককবরক ককবীয়ায়নি রাঙখগ' রাঙচাকনি পুইসা-বেলেপ লেপসা হিনীই গসিজাকনাই।

আঙলি,
২১ এপ্রিল, ২০২০

নরেশচন্দ্র দেববৰ্মা

তীয়সা তখলাই কামিঙনি	বাসকীরা কামিঙনি
১। কিতিয়া	১। দয়াতি
২। কিতিয়ানি বিহিক মাদুতি	২। দয়াতিনি বাসাজীক কুতলা
৩। বিতিয়া	৩। চকদিরি
৪। বিতিয়ানি বিহিক সমবাতি	৪। চকদিরিনি বিহিক কুসুতি
৫। অচাই চনদিয়া	৫। খানদলনি বাসাজীক করমতি।
৬। অচাইনি বিহিক রঙগনি	৬। খানদল
৭। চকদিরি	৭। খুতিয়া
৮। চকদিরিনি বিহিক হতইতি	৮। খুতিয়ানি বিহিক বাগতি
৯। চকদিরিনি বাসাজীক মতিয়া	৯। খুতিয়ানি বাসাজীক কাঙগাইতি
১০। অচাইনি বাসীলা চনতিয়া	১০। মালিয়া
১১। অচাইনি বাসাজীক পাকইতি	১১। মালিয়ানি বিহিক কানচীলাইতি
১২। কানতিয়া	১২। মালিয়ানি বাসীলা বাদারাই
১৩। কানতিয়ানি বাসাজীক নাইথকতি	১৩। বাদারাই
১৪। বদন	১৪। গনিয়া
১৫। বদননি বাসাজীক নাইরীঙতি	১৫। গনিয়ানি বিহিক যাচঙতি
১৬। মাকই	১৬। মাখুরু
	১৭। চমাঙ
	১৮। বাদারাইনি বাচাই গেরকতি
	১৯। কাঙগাইতিনি বুখুরা চাকসিয়া
	২০। কাঙগাইতিনি বুখিরিজীক মিয়াতি

কাঙগাইতি বীরীচাঁকনি কেৰাঙ কথমা

কক-য়াফাঙ আংখা কাঙগাইতি বীরীচাঁকনি হিনজাকনাইনি কামিঙ আংখা বাসকীরানি কামিঙগ, বুফানি মুঙ হিনখাই খুতিয়া, বুমানি মুঙ হিনখাই বাগতি। ব বিসানি বরক আংখাই-ন' ছক-ন' তাঙথানি বুফা-ন' মীসা উথারীচাঁকনি চায়ীচাঁকনি থিবিরিখা, বুমা-ন' হিনখাই চিবুক কাঙসম সুগীচাঁকনি বুথারীচাঁকনি থিবিখা। কাঙগাইতি বুমা বাই বুফা থায়ীচাঁকনি থাং'বাইখাই ব-ন' বুথিরি'জীক পুসিনানি কীলাইখা।

বুথিরি'জীক মিয়াতি ফায়খা।

মিয়াতি

: (সাইচুঙ সাইচুঙ কক-ন' সাঅ), আঙ কাঙগাইতি-ন' পুসি'সুগীচাঁকনি মানগীলাক আসীক কাপকীরাক বীরীচাঁকনি-ন'। ব-ন' আঙ বলঙ কুথু-গ' তুনীচাঁকনি রিয়ীচাঁকনি ফায়মানি হা-ম' মীসা' ফা-ন' উথারীচাঁকনি চায়ীচাঁকনি থিবথুন, মায়ুঙ' ফা-ন' কাফিগীচাঁকনি বুথারীচাঁকনি থিবথুন। আনি যাক বাই আঙ ব-ন' বুথারীচাঁকনি থিবিয়ীচাঁকনি রিখাই বুই বাই আঙ মানজাগীচাঁকনি থায়য়ানী। বিনি সীলাই আঙ বলঙ কুথু-গ' তুনীচাঁকনি কাবুয়ীচাঁকনি ফায়মানি হা-ম'। বুই বাই নুকজাকয়াজাত খায়ীচাঁকনি তেবসা খাই তুনীচাঁকনি রিয়ীচাঁকনি ফায়মানি চাঅ, তিনিনি বিসিঙগ'-ন' তীলাংগীচাঁকনি থাংমানি হা-ম'।

চাকসিয়া ফায়খা।

চাকসিয়া

: আহা কাঙগাইতি কাপমানি কুল কীরীচাঁকনি বেলে। তামঙগীচাঁকনি কিসা বাৰ্মাই নাহার মানয়া আংখাবা নীঙ?

- মিয়াতি : আঙ বামমাং বামমাং মীসীক আংখা বেলে। তাই বীসীক ব-ন' বামসিনানি, আবসীক কাপকীরাক বীরীই-ন' জে বুমা বাই বুফা থায়ীই থাংখাই-ন' তুবুই আঙ বাম ফায়মানি তাই বীসীক বামসিনানি। তঙগীরাথুন কাবীই, উ-ল' নাহারই বামমানী, তাবুক নীঙ বিয়াং থানানি ?
- চাকসিয়া : নগ-ব' হাতি কিসাফা-ন' কীরীইখা, হাতিঅ কিসা থানানি হিনীই তঙতা। আঙ থাংখাই দাকতি-ন' ফাইয়ানী ন-গ'।
- মিয়াতি : ন-গ' হাতি হিনীই কিসাফা-ন' কীরীইখা, থানদি দাকতি-ন' ফায়দি বিসি লেরীই তা তঙদি, নীঙলে হাতি লেসীরা বরক।
- চাকসিয়া : লেরীই তঙয়া, হাতিনি কিফিল-ফুরং দাকতরনি ন-গ' কিসা হাবীই ফায়য়ানী।

মিয়াতি, চাকসিয়া থাংখা।
কিতিয়া, বিতিয়া ফায়খা।

- বিতিয়া : দা কিতিয়া, আনি নগবা মাইরুঙসে পাইয়ীই তঙখা বেলে। আঙ বাসকীরা বলঙগ' থাংগীই ডা তানীই তুবুই ফালয়াখাই আনি ন-গ' তাই মাইরুঙ কাফাইলিয়া। আঙ বাসকীরা বলঙগ' ডা তানীই তুবুই মা-ফালফায়-গীরানাই, আহাই খাইসে আনি গতি আংনাই। নীঙ খাই থানানি দা দাদা ?
- কিতিয়া : আনি ন-গ' খাই মাইরুঙ তাই কিসা তঙখ' তাবুক আঙ থাঙয়া হিনীই তঙমানি-তা, হিমাди তা নীঙ থানানি হিনীই তঙখাবা।
- বিতিয়া : নরগলে বাচীই বাই হিসাকনীয় বেলে। আনি বাই বাগসা নীঙ মাইরুঙ পায়মানি নিনিলে চানাই কীরীইবা, মাইরুঙ হানীই তঙখাতা। আনিলে ন-গ'

- চানাই পুরু-পুরুবা আনি খাই মাইরুঙ দাকতি-ন' পাইয়ীই থাংখাতা। আঙলে থাংয়া খাই অীংয়া দাদা।
- কিতিয়া** : নিনিলে নীসারগ কীবাঙ-জাবা দাকতি-ন' মাইরুঙ পাইয়ীই থাংজাখাতা, আনিলে বীসা-বীতাই কীরীই বাই মাইরুঙ হানীই তঙখাতা। বর-রগ' ফা-ন' চীলা ফা-ন' অীংথুন বীরীই ফা-ন' অীংথুন মানখাই পালক-ফা-ন' রিয়ীই নায়খামন, তাবুকনি সিমি নায়তুগমানি দা মানয়া।
- বিতিয়া** : আঙব' নিনি লগি লগি-ন' নায়তুগীই-ন' তঙগ', মানয়া বেলে কুসতাম জাগাঅ ফা-ন'। নীঙব' নায়তুগদি দাদা, আঙব' নায়তুগীই-ন' তঙগানী।

কিতিয়া, বিতিয়া, থাংখা।

মাদুতি, সমবাতি, ফায়খা।

- সমবাতি** : বাচীই চিনি আব-রগ থাংলাইখা জ-ন' মাইচু চুসা তীলাংলায়ীই। বরগ সাইরিগ'সে সর্গীইলাই-য়ানী বাসকীরা বলঙগ', ন-গ' চানানি কীরীই বাই মা থাংজালাইঅ, মীসাসে চায়ীই খিব-ন' চিবুক দে সুর্গীই খিব-ন' কিরিমানি-ন' কিরিয়া খায়ীই লাচিমানি-ন' লাচিয়া খায়ীই।
- মাদুতি** : আউ কীকীইনি বিহিক, নিনি আ-ব' নাঙমানি কক-ন', আনি খাই-ত' বীসাসে মাসা-ফা-ন' কীরীইজা, পালকফা-ন' কায়সাসীক মানখাই পুসিউানী হিনীই তঙমানি আবব' মানয়া নায়তুগ নায়বাইখা।
- সমবাতি** : নীপ্রাঙরগ-ব' আ-র' আ-র' ব-ন' সীংগীই নায়বাইখাফন, কীরীইফন কু-নু জাগাফা-ন'। মানয়া হিনখাই তাই তা-ম' খাইসিনানি বাচীই,

মাদুতি

নিরাল খাই ফুরু-ফুরুখাই তঙসিদি, তাই তা-ম' খাইসিনাই।

- : আউ আবতাই খাই-ন' তঙমানি হামসিঅ, অসই-অসই দুখু খায়াই কু-নু লাভ কাঁরাই। আঙ দিবরনি মাই-মুই সংগাই-গীরানাখু, সাইচুঙফা-ন' চানানি নাঙনাই বেলে।

মাদুতি, সমবাতি থাংখা।

মিয়াতি, ফাঙগাইতি ফায়খা।

মিয়াতি

- : কাঙগাইতি নীমা থীয়য়াসানি নন' নীমা বায়াই পুসিলাঙংখা বিসা, নীমা থীয়মানি উ-ল, আঙ পুসিখা বিসা। জতই নিনি অমর বিসিকনীয় আংদরপ আংখা। নীঙ বাই আঙ তিনি কাগলাইখা দ, হিনদি নন' আঙ মাই তুর্গাই চারিঅ, নীঙ মাই-ন' অক পুঙগাই চায়াই থানদি, নন' তাবুক আঙ বাসকাঁরা বলঙ কুথু-গ' তুর্নাই রিয়াইনানি। আঙ নন' তুর্নাই রিয়াই খাই-ন' নীঙবা তিনি হর'-ন' থায়াই থাং-জাউনো। (মিয়াতি আবতাই খাই সায়াই বলঙ কুথু-গ' কাঙগাইতি বিসিকনীয়নি আফসা কাঁলাই বরক-ন' তুর্নাই রিয়াইখা, রি বাই দুলাই বুফাঙ য়াফাঙগ' খায়াই। ব কাঙগাইতি আফসা কাঁলাই-ন' বলঙগ' তীলাংগাই থাংফুরুঅ কুতিলা হিনাই বাঁরাই খরকসা নুরীগাই তঙখা।)

মিয়াতি, কাঙগাইতি থাংখা।

কিতিয়া, বিতিয়া ফায়খা।

কিতিয়া বাই বিতিয়া সাপুঙ ডান' তানলায়াই ডা-ন' তীয়মাঅ বালাই তুবুই খাকা উচালি-ন'।

সাইরিগ সানজাঅ বলঙনি বাসাই-নক তাঙজাক বিসিঙ-গ' হাবাই সীরাপসা তঙলাইখা।

আংখাই-ন' বরগ তঙমানি গানানি বুফাঙ তলাঅ চেরাই কীলাই খরকসা-ন' কাপমানি খীনাখা।

খীনালাই রিলাইঅ, যাং আবলঙগ' মীসা পুঙলাই-মানি-ব' আউম-আউম সিমা কীরাই আংলায়ীই তঙখা।

বিতিয়া : হাই দাদা, তা-ম' উয়াংনি বুফাঙ তলা ফায়সিংগ' তা-ম' চেরাই কীলাই কাপমানি খরাঙ হাই, খীনাই নাই সীলাই দাদা।

কিতিয়া : আউ কুবুইখাই তা-ম' সীলাই, তা-ম' বলঙ কুথুক-গ' বুরাসা আকন দে সিকিরি তা-ম'? খীনাই নাইলা সীলাই কাহামখাই চেরাই কীলাই খরাঙ হাই দা?

বিতিয়া : মীসা-ব' পুঙগীই তঙবাইখা আউম-আউম খায়ীই। আ-ব' চেরাই বীসানি খরাঙ হাই-ন' দাদা। আ-ব' বলঙনি বুরাসা সিকিরিয়ানা, চেরাই কীলাইন' কাপনা। ফায়দি দাদা থাঙলাই নায়লাইয়ীই-ন' ফায়লাইয়ানী খাই হিমদি।

কিতিয়া : আকন থাংগীই নায়নানি-ন' মীসাসে আউম-আউম পুঙলায়ীই তঙগ' বলঙ গীনাঙগীই তা-ম' খাই থাংলাইনানি।

বিতিয়া : নীঙ দা-ন' ছলাই কুবুকখাই যা-গ' তীইদি, আঙ হমচাঙ খায়ীই যা-গ' তীইয়ানী মীসাফা-ন' মায়ুঙ-ফা-ন' গানাঅ ফায়খাই তাফিয়কদি, থীয় কি থাঙ রিখীলাই রিদি মুকুম-চীরাবীই। আঙ সীকাঙ হিমানী নুঙ উ-ল' হিমদি। তাখারলাইদি দাদা।

কিতিয়া : কুবুই খাই কুবুই যাফা বুদি।

বিতিয়া : কুবুই খাই কুবুই (হিনীই যাফা বুলাইখা)।

[কিতিয়া বাই বিতিয়া তাখুকনীয় দক দাক খাই
নখরলাই থাংলাইখা বলঙ বিসিঙগ' বরগ তঙমানি
জাগানি, বিতিয়া সীকাঙ হিমখা, বাঁতা কিতিয়া খাই
উ-ল' হিমাই থাঙলাইখা অ চেরাই কীলাই কাবাই
তঙমানি জাগাঅ]

- বিতিয়া : (সীকাঙ থাংগাঁই নুগাঁইখাই-ন' হিনখা) অ দাদা
চেরাই কীলাই বাঁসা-ন' তিতে নায়ফায়দি ই-ক'।
- কিতিয়া : (নায়াঁই হিনখা) আউ কুবুই-ন' চেরাই আফসা
কীলাই-ন' তিতে, তাবুক তা-ম' খাইলাইনানি
সীলাই মীনাই?
- বিতিয়া : তীলাংগাঁই থানানিতা তাই তা-ম' খাইনানি
সীলাই।
- কিতিয়া : বুত দে অীংখা পেরেত দে অীংখা হি-ন'
কিরিমিসিসা।
- বিতিয়া : বরনি বুত বরনি পেরেত হি-ন, মকল বাই
নুকয়া-ন' বিসাস তা থানদি, মকল বাই নুকমানি-ন'
বিসাস থানদি।
- কিতিয়া : আঙলে খচারাগয়া, নীঙন' খচাদি মীনাই।

[বিতিয়া খচাই নাহরীই বাঁমাই বরগ তঙমানি জাগাঅ তুবুই ফায়খা]

- কিতিয়া : মীনাই ম চেরাই কীলাই বাঁরাই দে চীলা নায়াঁই
নায়গীরাদি। সা-বনি বাঁসাবা অীংজাখা চীঙ ফায়াঁই
সকফাইয়াইসে দীলা, অীংয়া খাই মীসা তীলাংগাঁই
জে চাতাঁই খায়াঁই খিবখামন, হিমদি দাকতি-ন'
চীঙ তঙমানি জাগাঅ তাঁইদি।
- বিতিয়া : ম বাঁরাই-সে দাদা, কাহাম-ন' অীংখা নীঙ মন-ন'
পুসিসিদি। আঙ হামজাকসুকখা ম চেরাই
কীলাই-ন' মানমানি।
- কিতিয়া : হিমদি তাঁইসিদি অীংখা।

কিতিয়া, বিতিয়া থাংখা ।
চাকসিয়া, মিয়াতি ফায়খা ।

[মিয়াতি বীসাই হাতিনি ফায়ীই সকফায়নানি
অজন অীংখাই-ন' কাপমাসি অীংসর্গীই তঙখা'
মুকতীয় থিকিলায়ীই খাকীলাপ বুয়ীই কীপাল-ন'
বুয়ীই অ দাদানি বীসা আনি রাঙচাক-বা নন' বাহাই
মীসা বাঙখারীই তীলাংগীই থাংখা অ রাঙচাকবা
হিনীই । মিয়াতি কাপমাসি খাইয়ীই কাবীই তঙখা] ।

আঙহাই অবাগি দাদানি বীসা মাসা-ন'
পুসিয়ীই তঙমানি
অ মীসা নীঙ বাহাই তীলাংরাগখা ।
মীসা-মায়ুঙলে বীসানি মায়-ন' খাইনানি সিঅ
অ মীসা নীঙ বাহাই বাঙখাররাগখা ।
য়াখিলিক মিলিক নায়সিক তঙমানি
তাবুক সাব-ন' নাইসিক-নানি
য়াকসি-য়র্গীরা বামীই তঙমানি
তাবুক সাব-ন' বামসি-নানি ।
বীসাক সাকমিলিক মতম সুমানি
তাবুক সাব-ন' সুসিনানি ।
নন' ককবিতি সায়ীই তঙমানি
সাব' বাই সালাই-নানি ।
বলঙনি মীসাইন' সিকারি ককয়ীই
নন' সিকারি ককথুন ।
বলঙনি মীসাই থীয়ীই গেলেয়ীই
অ মীসা থীয়ীই নীঙ গেলেলাংথুন ।
মীসাইনি বার্গীই মাঙ-খঙ থনমানি
মীসালে নাঙগীই থীয়থুন ।
আঙহাই দুখিত' বরক কীরীইনা

মীতাইরগ নায়গিসাই থাংথুন।
আনি বায়কয়া মহাদেবনি বায়ক'
হাঅ তা-কীলাইলাংথুন।

- চাকসিয়া : (অজরাঅ বুই বাই হাতিনি ন-গ' সক-ফাইঅ, হি-ন') নীঙ তামঙগাই আসীক হাইরগাই কাবাই মা-তঙখা সীলাই? তা-ম' অীং সাদি আ-ন' তা-ম' অীঙ।
- মিয়াতি : নীঙলে আনি বীসাই আনি কক-ন' বুজিনাই। বুইলে বুজিয়াফা-ন' অীংগাই মা-ন'। চীঙ নীঙ বাই কীনীয় দাদানি বীসাজীক কাঙগাইতি-ন' পুসিলাই-মানি অ বীরাইমা-ন' চিনি নকসা-র' মখলাই তনিমানি ব-ন' মীসা বাঙ'খারাই তীলাংগাই থাংখা, অ সাজীকমা-বা।
[চাকসিয়া বিহিকনি অ ককন' খীনায়াই হাঅ তপসা কীলায়াই লেঙগাই থাংখা অ সাজীকমা হিনাই। চাকসিয়ানি অ তঙমুঙন' নুগাই বিনি লগিনি হাতিনি বরক-রগ নুগাই বখরগ' তীয়-ন' বুয়াই থানদা খায়াই কীলাংখা]

হাতিনি বরক-রগ, চাকসিয়া, মিয়াতি থাংখা।
কিতিয়া, মাদুতি ফায়খা।

- মাদুতি : চিনি কীপাল ফাতেসুকখা, নন' আঙ ই খিপি বাসকীরা বলঙগ' হরনানিসে মুচুঙয়া অীংগাই তঙমানি। মীতাইরগ নন' যাক সয়াই তীলাঙখীনা বাসকীরা বলঙগ' চেরাই কীলাই মাসা তঙগ' হিনাই।
- কিতিয়া : চিনি মাননানি তঙগ' ম চেরাই-ন', আব' বাই-সে

মানাই ফায়র', তাবুক চাঙ কাহাম কাহাম খাই বীসা
অগ হিনাই পুসিলাইনানি নাঙগানী। পুসিয়াই বরক
খায়াই কীলাং নানি নাঙগানী চিনি সীলাই উ-ল'
খায়াই।

মাদুতি

: হাই তামঙগাই পুসিয়া আংনানি সীলাই ?
বীসা-বদে বুইনি বীসা আনি বীসা হিনাই তঙ ?
জত-ন' চিনি নিজিনি বীসা। চাঙ ম বুইনি বীসান'
খগাই তুবুয়া। ফায়দি চাঙ অচাই খামা-ন' নাহারাই
আবুল সুয়াই খিবানী, আবুল সুমানি সা-ল' বিনি
মুঙব' চাঙ ফারাই রিডানী মুঙ কীতাল খায়াই।

কিতিয়া

: নিনি অ কক কাহাম-ন' সাল কাহাম নায়াই বার
কাহাম নায়াই বিনি আবুল-ন' সুনাই কামিঙনি
বরক-রগ-ন' নাহারাই। চিনি চকদিরি-নব'
নাহারাই আবুল-ন' সুডানী-তা হম-হম দম-দম
খাইয়াই-ন'।

মাদুতি

: আউ আবতাই-ন' খাইদি।

কিতিয়া, মাদুতি থাংখা।

কুতীলা বাই বুমা দয়াতি ফায়খা।

কুতীলা

: মা উ সীকাঙগ' তা-ম' কাকা চাকসিয়ানি বিহিক
কাকি-ন'-বা পুসিমানি বীসা-ন' তা-ম' বাসকীরা
বলঙ ফায়সিঙগ'সে বামাই তীলাংগাই থাংমানি
নু-গ' মা। উ-ল' কাকা চাকসিয়া হাতিনি ন-গ'
সকফায় খাই-ন' বলঙনি মীসা বাঙখারাই
তীলাংখা হিনাই কাবাই তঙখা খাকীলাপ
কীপাল-ন' বুয়াই। আ-ব' তা-ম' সীলাই মা আঙ
কুসতামফা-ন' বুজিয়াই মানলিয়া।

দয়াতি

: নিনি আ-ব' কুবুই দে বা মাতিঙ ?

- কুতীলা : আঙ নন' এরেঙ সা-ন' আঙ নুগাঁই তঙমানি কক-ন' বা?
- দয়াতি : হাঁই আ-ব' তা-ম' হিনমানি কক-সীলাই? নাঁঙ কেব-ন' কুসতাম তাসাগীরাডি-খ'। আঙ নীফা বাই সীলাই নায়গীরানা-খ' তেবসা খাঁই।

কুতীলা, দয়াতি থাংখা।
কিতিয়া, অচাঁই চনদিয়া ফায়খা।

- কিতিয়া : দা অচাঁই, তিনি অ আনি সাজীক আচাঁইমানি আবুল সুমানি সাল। নাঁঙন' আনি সাজীকনি মুঙন' ফারাঁই রিনাই থিক খায়াঁই। আঙ বুই-ন' দাগেয়া নন-ন' দাগেঅ, নাঁঙন' খুলাসা খায়াঁই বিনি মুঙন' ফারাঁই রিদি।
- অচাঁই চনদিয়া : আউ নাঁঙ সাখাবা আনি ইসাতাঁই খাঁইন' আঙ মুঙন' ফারাঁই রিডানী, নাঁঙ তা-ডানাদি আঙসে ফারানী দীলা।

মাদুতি, রঙগনি ফায়খা।

- রঙগনি : বা বা অ চেরাঁই কীলাঁইনি মুঙন' ফারাঁই রিলাই-নানিসে আসীক কিসিলাই তঙলাইঅ। আব'বা জেসা মুঙসা-ন' মুঙ হিনাঁই ফারাঁই রিখাঁই-ন' অাঁবেলে।
- মাদুতি : আউ বাচাঁই, মুঙ-ন' ফারনানি বদে আসীক কক বাংলাই তঙলাই, জেসা ফা-ন' থাঁইসা ফারাঁই রিখাঁই-ন' অাঁবেলে।
- কিতিয়া : চাঁঙত' দা অচাঁই বাই মুঙন' ফারলাইনানি কক-ন' বাংলাই তঙলাইখা-ন', নরগ ফারলাইদি খাঁই জেসা ফা-ন' থাঁইসা।
- অচাঁই চনদিয়া : আউ নরগ-ন' ফারলাইদি, নরগ' ফারলাইমানি

- মুঙন' চাঁঙ খীনাই তঙগানী। নরগ বীরীইরগ-ব' ফারলাই মান বেলে, মুঙন' ফারীই রিনানি-বা তা-ম' তঙ ফারীই রিখাই-ন' পাইঅ।
- রঙগনি : আঙ ফারানী হিনখাই থাইসা।
[জত-ন' ফারদি ফারদি হিনীই হিনবাইখা]
- রঙগনি : বলে কাঙগালনি বরক-বা, কাঙগাইতি হিনীই মুঙ ফারখাই তামঙ? আ-ব' চানিয়া দা নরগ তা-ম' হিনবাই।
[জত-ন' চাখা চাখা মুঙ খীনাথক-ন' হিনবাইখা]
- কিতিয়া : আংখা দা অচাই, কাঙগাইতি মুঙ বাইন' মীতাই-ন' খায়ীই অ মুঙ রিয়ীই-ন' মীতাইনি তায় কারসিদি তাই তা-ম' তঙ বা।

কিতিয়া, চনদিয়া অচাই, মাদুতি, রঙগনি থাংখা।

[সীকাঙগ' কাঙগাইতি আচাইমানি জাগা বাসকীরা কামিঙগ'। আর-ন' ব অমথাই থাই কীলাইঅ, আফুরু বুমা বাই বুফা-ব' বিনি আবুল সুফুরু ব-ন' কাঙগাইতি হিনীই-ন' মুঙ-ন' ফারীই রিঅ, তাবুক-ব' কাঙগাইতি হিনীই-ন' মুঙন' ফারীই রিজকতাই আংলাই থাংখা, অ মুঙগীই-ন' অচাই মীতাই খায়ীই তায় কারীই খিবখা যাংনি অচাই-ব']

চকদিরি, বিহিক হতইতি ফায়খা।

- হতইতি : মিয়াঅ চিনি কামিঙনি কিতিয়ানি বীসাজীকন' আবুল সুফুরু বীসাজীকনি মুঙ কাঙগাইতি হিনীই মুঙন' ফারীই রিমানি নুঙ খীদে খীনাথকজাকখা

	নৌঙ? আঙলে খীনাথক- জাকখা।
চকদিরি	: খীনাথকখা বেলে, তাই বুবতাই খীনাথক মুঙ আংনানি সীলাই। চিনি জাতি-গুসতিনি মুঙবা চিনি জাতি-গুসতিনি হুকুমু-মুকুম-ন' সলরিয়াই মুঙন' ফারনানি নাঙতা। জানি জানি জাতি-গুসতিনি মুঙন' রীগাই-ন' মুঙন' ফারলাইঅ নিয়াদা নায়সিগাই নায়-সীলাই নৌঙ।
হতইতি	: আউ কক-খাইত' আহাই-ন' জানি জা জাতিনি মানি-কক আলকা আলকা নিয়াদা। আব' বাই-ন' জানি জাতিনি জা মানি রীচামুঙ বাই রীচাবলাইঅ, মানি মীসামুঙ বাই মীসলাইঅ। অ রীচাবমুঙ অ মীসামুঙ তাইয়াইন'কুবুনি জাতি-গুসতি বাই বাতাইলাইঅ। নৌঙ বাতাইলাইয়াই পাইয়া হিনখাই বিনি জাতি-গুসতিঅ হাবাই মা-থানাই। ব পাইয়া-খাই-ব'নিনি জাতি-গুসতিঅ। বব' হাবাই মা ফায়নাই।
চকদিরি	: আব' বাই-ন' আঙ আ-র' উ-র' মা-সাত আগিঅ চিনি জাতি-গুসতি-ন' ফীরাঙলাংনাই দাঙগাইমা দাঙগাইফা-সঙ সালাংমানি হুকুমু-মুকুমু-ন' তা খিবলাইদি হিনাই। বরগনি অ হুকুমু-মুকুম-ন' চাঙ খিবলাই রিলাই-খাই চিনি জাতি-গুসতিসে কমরাই থানাই।
হতইতি	: আঙ খিবলাংয়া চিনি জাতি-গুসতিনি হুকুমু-মুকুমু-ন আঙ কীথাঙ তঙসাক, থায়াই থাংখাইসে সায়াই মানলাংয়াবা।
চকদিরি	: আউ আবতাই-ন' আংনানি-তা।

চকদিরি, হতইতি থাংখা।
কিতিয়া, মাদুতি, কাঙগাইতি ফায়খা।

মাদুতি :
(বীসাজীক কাঙগাইতি-ন', ল-ব')।
দিঙ দিঙ বীচাই হিমাই তঙখা আনি সাজীকমা,
তরীই লর্গাই সিকিলা সর্গাই পুসি-সিনাই
চাঙন' চিনি কিতিঙমা।
হিমদি তে-ব' হিমদি, হিমদি তে-ব' হিমদি,
দাকতি দাকতি হিমদি, হিমদি হিমদি হিমদি।

কিতিয়া :
দিঙ দিঙ বীচাই হিমাই তঙখা আনি সাজীকমা,
তরীই লর্গাই সিকিলা সর্গাই পুসিসিনাই
চাঙন' চিনি কিতিঙমা।
য়াফা খরবদি দাউঙ দাউঙ
খরক জাঙগেরে হিমাই ফুনুগ'
খিচিলাঙ দাউঙ দাউঙ
খিচিলাঙ দাউঙ দাউঙ।

মাদুতি :
বলে বইতেয়া হিম-ব' মানতেয়া
জেথানি থাংখাই রীকথারীই থাঙগ' হালে হানতকয়া
কুরমা নুর্গাই কিরি, কেনজুয়া নুর্গাই কিরি,
আ-ব' উরানী সিকিরি জাকখাই
খাইচিগ' গিরি গিরি।
বুমা বীসা-ন' কাগয়া, বীসা বুমা-ন' কাগ'
তরীই লর্গাই থাঙগাই মানখাই তা অীংদি তিরি তিরি,
মাতিঙ নীঙলে তা অীংদি তিরি তিরি।

কিতিয়া :
বীসা হই কাহাম কীরীই, বীসা হই নায়থক কীরীই
বুইনিলে হাময়া আনিলে নাহয়া ককন সানা কীরীই
ককন' সানা কীরীই।

বুমা কীরাই-ব' অীংয়া বুফা কীরাই-ব' অীংয়া,
বুমা বাই বুফা কীরাই হিনখা খাই চিনি বাসাকসে কীরাই।
ফায়দি, ফায়দি ফায়দি খুরিঅ আচুক ফায়দি,
তাকইদি বামজাক-ফায়দি আঙ বাই মিহিমজাক ফায়দি,
আঙ বাই মিহিমজাক ফায়দি।

মাদুতি :

ফায়দি, ফায়দি, ফায়দি, খুরিঅ আচুক ফায়দি,
তাকইদি বামজাক ফায়দি দুদু-ন' চাফায়-সিদি,
দিঙ দিঙ বাঁচাই হিমাই তঙখা আনি সাজীকমা
তরীই লগাই সিকীলা সগাই পুসি-সিনাই চাঙন' চিনি সাজীকমা,
চাঙন' চিনি কিতিঙমা।

কিতিয়া, মাদুতি, কাঙগাইতি থাংখা।

বিতিয়া, বিহিক সমবাতি ফায়খা।

সমবাতি

: বা বা দাদা কতরনি বাসাজীক কাঙগাইতি চিনি
তীয়াসা তখলাই কামিঙগ' ফাইমানিবা বিসি-দক
আংগাই থাংখা বেলে। বুফুরু-ব' আসীক বসর
আংগাই থাংখা সারীগাইসে মানলিয়া আং থাংখা
বালগাই। আগি পুইলা ফায়ফুরু বিনি যাকতীকনি
জন কিসিসাসে, তাবুক তাই কিসা অজন তরীই
আখানি বাঁরীই কাহাম আংগাই তঙখা।

কিতিয়া

: তামঙগাই তরয়া আংনানি-বা, ফাতি-বা মাই-ন'
চারিয়ীই তনিবা তরনাই-ন' তা। অ-বাঁরীইমা বুমা
বাই বুফানি বেজান কক-ন' খীনানাইসে, বুমা বাই
বুফা জে সাঅ আব-নন' খীনাঅ তাই কু-নু কক-ন'
সানানি কীরাই।

সমবাতি

: অমা অ কক-ন' খাই আ-ন' তাসাদি। তাবুকসে ব
রিগীনাই চিকন চিকন রগ-ন', বাঁখাই কীরাই রিসা

- চিকন চিকনরগ-ন' তাগাঁই তঙগাঁই মানখা বুমা
বাই বাগসা-ন' বাগসা। মাই-মুই সংনানি
রীঙমানিসে চায়াঁই নায়দি। আঙ উইসা মীচাখা
বিনি যাকনি মাই-মুই-ন', খুকচাঁই সীলাগাঁই মা
তঙখা থকমানি। বুমা আ-ন' সাঅ ম মাই-মুই আঙ
সংয়া, মাতিঙসে সংগ' হিনাঁই।
- কিতিয়া : উমুঙ-সাঁইমুঙ সুদু-ন' মুঙসা-মুঙসু মানাঁই তঙখা
বেলে। মীখীরা দুলারগ কিসিব-রগ।
- সম্বাতি : ম বীরাঁইমা উ-ল' থাঁইসা আংলাং-গানী নায়দি।
থীয় খাঁইবা নুকলাংনিয়া, থীয়য়াই তঙখাই
নুকলাং-গানী অ চেরাঁইনি তামসা-ন'।
- কিতিয়া : থীয়য়া চাঁঙ, আসাঁক দাকতি দে থীয় থীয়।

বিতিয়া, সম্বাতি থাংখা।
মাদুতি, কাঙগাঁইতি ফায়খা।

- মাদুতি : মাতিঙ আঙ নন' হাঁচাঁকনি খরাঙ জাদু কলিজা
ফাঁরীঙগাঁই রিমামি-ন' মুয়তু দে তঙখ' ? তঙখা
হিনখাই আ-ন' নীঙ রীচাবাঁই খাঁনারিয়াই দে
মান-ন' ? মান-খাঁইবা আ-ন' রীচাবাঁই খাঁনারিদি।
- কাঙগাঁইতি : রীচাবাঁই মা-ন' মা নীঙ ফাঁরীঙগাঁই রিমামি-ন'
আঙ মুখুসত' মানাঁই তঙ বেলে, নীঙ রীচাবদি
হিনখাই আঙ রীচাবাঁই খাঁনারি মা-ন' মা।
- মাদুতি : খাঁনারিদি খাঁই আঙ ফাঁরীঙগাঁই রিমামি নন'।

[কাঙগাঁইতি রীচাবনানি হিনাঁই খাঁনাই
কামিঙনি বরক-রগ ফায়বাইখা।]

কাঙগাঁইতি : রীচা-ব'।

তথাবা হি-ন' কাকদি, তকথুবা হি-ন' খুদি,
 মায়া জালিয়া বীখা হিনমানি বিয়াং-ব' থানাই সাদি।
 নায়থক তিয়ারি তুকুয়ীই নায়দি, পুইলা মালাইয়া মালায়ীই নায়দি
 মামলা মীসা-ন' চাদি।
 হরি বেঙরা-জ' খিতুঙ পীরাকনৌয়া বীখাঅ মায়া তা-আংদি বাগনৌয়
 দৌঙস' আং থানাই জগত' বালা তারক মাননিয়া সানীই।
 কলি-কতিয়া য়াসি তঙমা বাই মকল ফিয়গীই নাইসিক রিমা বাই
 তঙখ' মায়া-ন' রিমানি খা বাই।
 বরক হিনমানি কিসানি ককয়া, নায়সিকদি বিনি কয়া
 ব-ন' নুকখাই চাঙলে আংফায়' মায়া।
 তঙগ' বরকনি সালনিলে সায়া থীয়ীই থাংখাইলে তঙগীইলে মানয়া
 হা-ন' য়াকারীই বলে থাংখা খাই তাইলে কিফিলীই ফায়য়া।
 তঙথক বাজা-র' চাঙ ফায়-লাই'মানি, মা-ফালে পুসিয়ীই চাঙন' তুবমানি,
 জত' জত' বাই খাকায়্যা খায়ীই থানসা খাই তঙলাই' মানি।
 বরক বাই বরক নায়লাইমানি, অ ককরগ-ন' সাব-ন' সানানি
 আব'তীই খায়ীই-ন' চাঙলে তঙলাইয়ীই থাংলাইনানি।

[কামিঙনি বরক-রগ হিনবাইখা, বা বা
 কাঙগাইতি-বা রীচাবনানি, রীঙগ'- ন'তিতে,
 খরাঙ-ব' বেলাই কাহাম, ব উ-ল' খাই থাইসা
 আংলাংনাই, আবতীই হিনীই জত-ন' হিনবাইখা]

কামিঙনি বরক-রগ, মাদুতি, কাঙগাইতি থাংখা।
 রঙগনি, সমবাতি, ফায়খা।

রঙগনি : কীইনি বিহিক, কাঙগাইতিনি-বা কুসতাম মানয়া
 হিনই কীসে কীরীইনা বেলে। তাকমুঙ
 লুবমুঙ-ব-ত' মা-ন' হিনখাই চীলারগ হাই উমুঙ
 সীই-মুঙ-ব'-ত' মা-ন' হিনখাই ব আ-ব' ব-র'
 আসীক মানখা?

- সমবাতি : বুমা সমানাই-ন' ব-ন' ফীরীঙগাই তঙগ' নিয়াদা, তঙতীতীই চাতীতীই কাম খাই তীতীই অ বীসাজীক কাঙগাইতি-ন' সমানাই-ন' ফীরীঙ-মাং তঙগ'। আগি চিকন-ফুরগনি সিমি তাবুক খাই তরীই থাংখা-বা মানসুর্গাই থাংখাতা বাচাই।
- রঙগনি : আবতীই মাননাই হিনীই ---সে তঙগ' নায়সিক-খাই-ন' সাব-সাব খায়ীই।
- সমবাতি : নায়সিকনাই নুকসিকনাই বরক হিনীইসে তঙগ' বাচাই, নায়সিকনাই নুকসিকনাই হিনখাই জেসা ফা-ন' সাব-সাব খায়ীই মাননাই-ন' মাননাই। কাঙগাইতি খাই নায়সিকনাই নুকসিকনাই বীরীই, আব' বাই-ন' ব মা-ননিয়াদা।
- রঙগনি : আউ নিনি কক হিনখাই সইন', নীঙ সায়াই রিবাইদি কইনি বিহিক জত'-নন' কাঙগাইতি হাই-ন' আংবাইদি হিনীই। আঙব' সায়াই রিডানী চিনি কামিঙগ' ব হাই-ন' আংবাইদি হিনীই।
- সমবাতি : আঙব' সাউনী জত'-নন' বাচাই।

রঙগনি সমবাতি, থাংখা।
নাইথকতি, নাইরীঙতি ফায়খা।

- নাইথকতি : নাইরীঙতি, কাকা কিতিয়ানি বীসাজীক কাঙগাইতি-বা কিসানি বরক কাহাময়া বেলে। রীচাবনানি-ব' আসীক-ন' কীরীঙ, মীসানানি-ব' আসীক-ন' কীরীঙ, তাগনানি লুপনানি-ব' আসীক-ন' কীরীঙ, কক সানানি-ব' আসীক-ন' খুক রীবায়-গীনাঙ, আচুকনানি বীচানানি-ব' কীরীঙ', তঙনানি-চানানি-ব' আসীক-ন' কীরীঙ, উনানি-সেবনানি আসীক-ন' কীরীঙ। আঙলে ব-ন' হামজাকসু-গ'।

- নাইরীঙতি : আকন আবতাই বরক-ন' হামজাকয়া হিনখাই তাই বুবতাই বরক-ন' হামজাকনানি বায় নাইথকতি । ফায়দি বায় চাঁঙ উইসা-সীক কাঙগাইতি বাই আচুকলাই কক-ন' সালাইয়ানী কীচাঙ-কীচাঙ খায়াই । আঙলে বইনি সীলাই বন'ন' বিসি খায়াই হামজা-গ' ।
- নাইথকতি : আঙলে ব বাই-ন' বিসি খায়াই বায়াপ-ন' খানানি মুচুঙগ' ফায়দি উইসাসীক বিনি ন-গ' বেরাইনানি হিনাই থাংগাই ব বাই মালাই ফায়লাইনানি, আফুবু খাই চাঁঙ গিলামা কক সালাই ফায়লাই মা-ন' ।
- নাইরীঙতি : হিম-নাবা, আবতাই খাই আঙ বা তঙথগাই হামজাগাইসে তঙগ' । ব সা-ল' থাঙলাইনানি নীঙ আ-ন' সায়াই তইদি বায় ।
- নাইথকতি : আঙ থানানি-ফুবু নন' সাডানী । দ চাঁঙ বুখুক নীয়-ন' থাংলাইনাই কক সালাই সালাই খায়াই ।

নাইথকতি, নাইরীঙতি থাংখা ।
চাকসিয়া, মিয়াতি ফায়খা ।

- চাকসিয়া : উঃ উঃ দাদানি বীসাজীক কাঙগাইতি-ন' চাঁঙ পুসিমানি তাবুকর-গ' তঙখাই সিকিলা সর্গাই থাং-খামন, ব বাই বাগসা বুই আচাইনাইরগ সিকিলা-জীকবার অীংগাই থাংবাইখা, চাঁঙ ব বাই মা-তঙনানি চিনি কীপাল'সে কীরীই, আঙ তাবুক-ব' ব-ন' মুয়তু অীংগাই ফায়খাই চিরিঙ-সা অীংগাই বীখাসে তা-ম' হই অীংগাই ফায়' আনি দাদানি বীসাজীক অগ বেলে ।
- মিয়াতি : আকন নীঙ ব-ন' তামসীক কানি-ন' মুয়তু মাং খায়াই কাবাই মাতঙখা হি-ন' । থীয়নাই বরক থীয়াই-ন' থাংখা । আঙ বা তা-ম' খাইনানি বার্গাই

অ চেরাই-ন' নকসা-র' মখলীই তনিজাকখা
সিয়া-দ। আঙ নক বিসিঙগ' হাপ-সানি হিনখাই
মীসা ফিলিকসা খাই তীলাংগীই থাংখাতা, আঙ
মকল কিনারতীই কিসিসাসে নুরুগসিঅ। অমা
হিনীই রীকথারীই থাংমানি বিয়াং-ব' তীলাংগীই
থাংখা সায়াইসে মারীকলিয়া। চিনি কীপাল-ন'
হাময়া অীংখা ব-ন' মুয়তু তাখাইসিদি।

- চাকসিয়া : আঙ মুয়তু খাইয়া বেলে। আহাই-ন' আচুমসা মুয়তু
অীংগীই ফায়' আনি দাদানি বাসা অগ বেলে।
তাবুক ব তঙখাই সিকিলা-জীক বার অীংগীই
কাইনানিসে অজন অীংগীই তঙখামন।
- মিয়াতি : অীংখামন-ন'তা ব বাই বাগসা বুই সিকিলা
অীংগীই তঙবাইয়া দে বা, কাইয়াই চামারি কীতাল
নুকনানি-বা নুকলিয়াতা চীঙ।

চাকসিয়া, মিয়াতি থাংখা।
কুতীলা বাই বুমা দয়াতি ফায়খা।

- দয়াতি : মাতিঙ, নীঙ আগিঅ চিনি বাসকীরা কামিঙনি
চাকসিয়ানি বিহিক মিয়াতি-ন' বরক পুসিমানি
চেরাই কাঙগাইতি-ন' গাতিতীই খাই বলঙ
ফায়সিংগ' বামীই তীলাংগীই থাং হিনমানি
আব-ন' নীঙ নুগীই তঙগ' হিনমানি অ কক কুবুই
দা? মাতিঙ নীঙ আ-ন' তাই উইসা সায়াই
খীনারিলা।
- কুতীলা : আঙ বলঙ ফায়সিংগ' খিনানি মুচুঙগ' হিনীই
খিনানি থাঙগ', ব আ-ন' নুকয়া আনি গানাতীই-ন'
অ চেরাই-ন' জলে'- জাকমা হাই খাই ফীঙ-ফীঙ
খায়াই বামীই তীলাংগীই থাংগ' মকল কতর কতর
খাই।

- দয়াতি : অ আহাই খাই-বা সীকাল আকন দে রীঙ হিন? সীকাল রীঙগাঁই আকন দে অ চেরাই-ন' বলঙগ' তীলাংগাঁই চায়াঁই আকনাই খিবয়াঁই রিখা তা-ম'? ম কক-ন' আঙ বুই-ন' কিসা সাংগাঁই মানাইসিনাই। অ চেরাইবা তামঙগাঁই কীমায়াঁইবা থাংখা, ম কক-ন' সাব-ন' সাংগাঁই নাইমানিবা হামন'। দাদা খানদল-ন' সাংগাঁই নায়মানি হা-ম'।
- কুতীলা : মা অ কক-ন' বুই-ন' সায়াই রিয়াঁই কক দে বাংলাইয়াঁই তঙন'?
- দয়াতি : বাংয়া, কুবুইনি কক-ন' সায়াই রিমানিবা তা-ম' কক-ন'বা বাংনানি তঙবা বাঙয়া। ম ককন দে আঙ বুই-ন' সায়াই তঙ? আঙ মাসে মাসানাই।

দয়াতি, কুতীলা থাংখা।

চাকসিয়া, মিয়াতি, খানদল ফায়খা।

- চাকসিয়া : দা খানদল, নীসাজীক করমতিমা সিকিলা অাঁগাঁই তঙখীনা-না? তাবুক নিনি নীবাইনাজীক বাই বাগসা-ন' বাগসায়া দে? আনি অ দাদানি বীসাজীক চীঙ বাই পুসি-জাকনাইমা-ব' নীবাইনাজীক হাই-ন' সিকিলা জীকবার অাঁগাঁই তঙখামনতা। খালিচা মীসাবা অ চেরাই কীলাঁই-ন' নকসা-র' মখলাঁই বেরায়াঁই তনিমানি-ন' বাংখারাঁই তীলাংগাঁই চায়াঁই খিবি-রিখা। তাই তা-ম' কক-ন' সাসিনানি, কুসতাম ফা-ন' তাই সানানি হিনাঁই কীরাঁই।
- খানদল : আউ আবব' আচমবক কক-ন', বিনি কীপা-ল' আবতাঁই-ন' সীয়জাক তঙগ'। মীসা বাই উথারাঁই চাজাকনানি হিনাঁই সীয়াই তুবুই ফায়মানি খনদেয়াঁই মানয়া জেসা হিনব'।

- মিয়াতি : মুয়তু অীংখাই তঙগীই মানয়া অীংগীই ফায়' আঙ
পুসি-মানি দাদানি বীসাজীক কাঙগাইতি মা-ন'।
- খানদল : অীংনানি-ন' চাকসিয়ানি বিহিকরগ, নরগলে
আসীকফা-ন' তঙগীইসে মানখা আঙলে আসীক
ফা-ন' তঙগীই-সে মানগীলাক খামন।
- চাকসিয়া : অ বীরীইমা কম নয়থকদে হি-ন' ? উহ দাদা আনি
বীখা তঙগীই মানয়া অীংগীই ফায়' মুয়তু অীংগীই
ফায়খা হিনখাই আনি কাঙগাইতিমা-ন'।
- মিয়াতি : অীংখা মুয়তু তাখাইলাই-সিদি, মুয়তু খাই খাই
খাতাঙ-মাং তঙনাই, মুয়তু খাইয়া খাই-ন' তঙমানি
হা-ম'।

চাকসিয়া, খানদল, মিয়াতি থাংখা।
কুতীলা, করমতি ফায়খা।

- কুতীলা : বায় করমতি, কাকা খুতিয়া-নি বীসাজীক
কাঙগাইতি তঙখা খাই তাবুক চীঙ বাই বাগসা-ন'
বাগসা অীংগীই তঙখামন তা। বসে চিনি সীলাই
কিসিসা অকীরা, তাবুক ব কীথাঙ তঙখাই চিনি
বায়াপসে অীংগীই তঙখামন তা, চিনি লগি-সঙব'
বাংখামন তা না বায়।
- করমতি : আউ লগি-সঙ বাংখামন তা। বিনি আ-ব' তামঙবা
আতকাসাবা আবতীই অীংগীই থাংখা সায়ীই
মানলিয়া। বাহই মীসাবা ব-ন' চায়ীই খিবখা ? অ
পুসিনাই হিনব' কিসা দিস কীরীইনা।
- কুতীলা : আঙ খাই কাঙগাইতি-ন' মীসা চায়ীই খিবখা হিনয়া
বায় করমতি।
- করমতি : নীঙ খাই তা-ম' হিন সীলাই কুতীলা ?
- কুতীলা : ম কক-ন' আঙ মা-ন' সাখা বেলে। আঙ খিনানি
মুচুঙগীই বলঙগ' খিনানি হিনীই থাংফুরু আনি

গানাতাইসে কাকি মিয়াতি বামাই তীলাংগাই
থাংগ'। ব খাই আ-ন' নুকয়া, আঙ খাই ব-ন'
নায়রীগাই হরখাতা অ চেরাই কীলাই-ন' বলঙ
বিসিঙগ' তীলাঙগাই থাংমানি। আঙ খিয়াই
ফায়াই সীরাপসাখাই-ন' মিয়াতি-ন' কাপমানি
খীনাখাতা ন-গ' অমা আনি কাঙগাইতিমা-ন' মীসা
উথারাই তীলাং থাংখা হিনাই।

- করমতি** : হাই আবতাই দা? ব সীকালসে মাননা আহাই খাই।
আব' বাই-ন' বলঙগ' তীলাংগাই থাংগ' উথারাই
চানানি বাগাই। উথারাই-সে চায়াই খিবখীনা
আহাই খাই।
- কুতীলা** : সিয়া দ সায়াই মানয়া তা, ম ককনি বাগাই আনি
মা নিনি বা বাই মালাইনানি কক বেলে। মা দে
মালাইখা সিয়া দ?
- করমতি** : মালাইয়া-খনা, মালাই খাই আঙ ম ককন'
খীনা-খামন।

কুতীলা, করমতি থাংখা।

বাসকীরা কামিঙনি চকদিরি বাই বিহিক কুসুতি ফায়খা।

- কুসুতি** : চাঙ তাকীলাই কামিঙ থাবেঙলাইয়া দা? নরগ
আব-ন' তামঙগাই নিরাল খাইলায়াই তঙলাইখা
সীলাই? যাং বেলে চুইতরনি তাল সকফায়নানি
নায়াই তঙখা। যাং বেলে অচাই হিননানি
নাঙগানী, বারঙটা হিননানি নাঙগানী,
নকবুরুম-বুরুম মাইরঙ-মাইখা খাইলাই তীয়
কারলাইনানি বাগাই চুডাক কীথার তীকসাতীকসু
সংলাইনানি-রগ নাঙগানী।
- চকদিরি** : আঙ নিনি কক-ত' কাহাম-ন'। খাইয়ানীতা, নীঙবা
তামঙগাই আব-ন' বা আসীক ডানাইবা তঙ? আঙ

- কামিঙনি চকদিরिया দে বা? চিনি বাসকীরা
কামিঙনি বর-রগ-ন' সালসা নীঙগীই নাহারীই
সাহর রিহর-বাইয়ানীতা, মীতীই সা-ল' কামিঙ
থাবেঙনানি হিনীই তাই তা-ম' তঙ বা।
- কুসুতি : নীঙলে কামিঙনি চকদিরি বা নীঙন' কিসা বুইনি
সীলাই বিজি-বিজি মা অীংনাইতা। জত'-নন'
সতব-বীই কামিঙ-ন' থানসা খায়ীই তনিনাইবা
নীঙসে হিনখাই, নিনি কাম-ন' বা তাই সা-ব'
খাইনানি বা? নীঙ খাইয়া খাই।
- চকদিরি : আউ খীনা খানদল-ন' নাহারীই কক-ন'
চাপলাইগীরানা তা। বলে কামিঙনি চাকীরা
হিনজাক-নাইবা, ব বাই কক-ন' চাপলাই খাই
উ-ল' কামিঙনি বরক-রগ-ন' নাহারই সালাইয়ানী
তা।
- কুসুতি : কাম-ন' খাইনানি দাকতি খীলায়ীই খিবমানি
হা-ম'। কগ'-ন' তঙগ' কাম কাহাম খাই দাকতি
খাইনানি, কাম হাময়া খাইনানি হিনখাই লেরীই
খাইনানি, নীঙ সায়ীই মানয়া দে বা আ-ব'?
- চকদিরি : সায়ীই মা-ন' আঙ সায়ীই মানয়া তঙ?
কুসুতি : নীঙ সায়ীই মানখাই বুই-ন' সায়ীই কীলাংদি
মীতীই কক-ন'। চিনি সীলাই উ-ল' তঙনাইরগ
কাহাম কাম হিনখাই সীকাঙ-ন' খাইথুন, কাম
হাময়া হিনখাই উানসুগীই উ-ল' খাইথুন।
- চকদিরি, কুসুতি থাংখা।
চকদিরি, খানদল ফায়খা।
- চকদিরি : খানদল, চীঙত' বসর বাইয়া খালি বাইয়া খায়ীই-ন'
বসর বসর কামিঙ থাবেঙলাই ফায়', তাকীলাই-ব'
চিনি কামিঙ-ন' চীঙ থাবেঙলাইনানি নাঙগানী।
চীঙ বুফুরু কামিঙ-ন' থাবেঙলাইনাই সীলাই
খানদল?

- খানদল : আউ দা চকদিরি, তাকীলাই হিন-ব' কামিঙ
থাবেঙ-লাইনানি নাঙলাইনাইনতা বসর বাইয়া
খালি বাইয়া থাবেঙলায়ীই তঙলাই-বা। সালসা
জরা খায়ীই রিদি চাঙ কামিঙ কায়সা আচুকলাই
সালাইনানি বাগীই।
- দয়াতি ফায়খা
- দয়াতি : অ দাদা-সঙ বাই মালাইফায়খা কাহাম-ন' অীংখা,
নরগ অ-র' তামনি কক-ন' সালাই তঙলাই সীলাই
গলক-গলক খাইলাইয়ীই ?
- চকদিরি : ই-ক' আগিরগনি হাই তাকীলাই-ব' চিনি
কামিঙ-ন' থাবেঙলাইনানি হিনীই সালাই
তঙলাইঅ খানদল বাই। নীঙ চাঙ বাই কাম
নাঙগীই দে ফায় অ-র' ?
- দয়াতি : আউ দাদা নরগ বাই-ন' কাম কিসা-মিসা নাঙগীই
ফায়মানি, আহাই-ন' কক-ন' কিসা সালাইয়ানী।
আঙ বুইনি থানি কক খীনামানি-ন', কিসা
তঙমানি-ন' আহাই-ন' তঙমানি সীলাই
সালাইয়ানী হিনীই ফায়মানি তা।
- খানদল : তা-ম' কক-ন' সানানি হিনীই ফায়মানি বা নীঙ ?
সাদি অ-র' কে-ব' কীরীই চাঙ জতই নীঙ বাই
বুখুক থাম সুসুঙসে।
- চকদিরি : আউ অ-র' তাই কে-ব' কীরীই, গীলাঙ তাঙফীলা
খায়ীই সায়ীই মা-ন' জ-ত' কক-ন' সানানি
হিনমানি-রগ-ন' খুপুরীই।
- দয়াতি : ককখাই আহাইসে দাদা-সঙ, কাঙগাইতি-ন'
পুসিনাই বুখিরি-জীক মিয়াতি অ চেরাই কীলাই-ন'
বাসকীরা বলঙ ফায়সিং বামীই তীলাংগীই থাংখা
হিনখাই-ন' কীমায়ীই থাংখা হিনতা। আবনি

সীরাপাখাই ব নগ' ফায়ীই কাবীই তঙফায়খা
হিনতা আনি সাজীকমা-ন' মীসা বাংখারীই
তীলাংগীই থাংখা হিনীই। আ-ব' বুবতীই কক
আংখা আঙলে বুজিয়াই মানলিয়া আব বাই-ন'
অ কক-ন' নরগ-ন' সাংনানি হিনীই-ন' আঙ ফায়'
নরগনি থানি।

- চকদিরি : হাই আ-র' তা-ম' হিনমানি কক আংখা সীলাই?
নিনি অ কক কুবুই দে হিন'?
- দয়াতি : কুবুই-ন' দাদা।
- খানদল : মিয়াতি কাঙগাইতি-ন' বলঙ ফায়সিংগ' বামীই
তীলাংগীই থাংমানি সা-ব' নুকনাই তঙ বা দয়াতি।
- দয়াতি : আনি মাতিঙ-সে নুকনাই বলঙ ফায়সিংগ' খিনানি
হিনীই থাংফুরু। ব-ন' ফায়ীই আ-ন' হেগা-হেগা
খায়ীই সাফায়' তা-ম' খাইনানি-ব' বামীই
তীলাংগীই থাংগ' হিনীই।
- চকদিরি : আ-ব' কুবুই ফা-ন' আংগীই মা-ন' খানদল। দয়াতি
চাঙন' তাতাল কক-ন' সাফায়নিয়া।
- খানদল : দয়াতিনি কক-ন' উ-ল' রীর্গীই নায়লাইয়ানী তা।

চকদিরি, খানদল, দয়াতি থাংখা।
কাঙগাইতি, নাইথকতি, নাইরীঙতি ফায়খা।

- নাইথকতি : বায় কাঙগাইতিলে ন-গ' মামাং-ন' তঙগীই মা-ন'
সাইচুঙ-সাইচুঙ। চাঙ-ন' বা নীঙ বায়াপ হিনীইসে
সীংলিয়া। চাঙ বেলে নিনি বার্গীই জান থাংলায়ীই
তঙলাইঅ নন' হামজার্গীই।
- নাইরীঙতি : আউ বায়লে কুকুবুইচাচা-ন' নকনি কুতুলয়া-ন',
ন-গ' মাং আবসীক খাই তঙগীই মা-ন', চাঙ খাই
নন'মাং খাতাঙগীই তঙলাই তা বায়।

- কাঙগাইতি : অ আন' বা নরগ ব-র' বায় নুঙগাঁই বা তঙ
সীলাই? আনি সীলাই নরগসে অকীরা উঙগানী
বেলে। আঙসে নরগনি সীলাই কুসু আংগানী।
- নাইথকতি : নীঙ চিনি সীলাই অকীরাফা-ন' আংথুন কুসুফান'
আংথুন নন' ত-ব' চাঙ বায়-ন' নীঙনানি।
- কাঙগাইতি : নরগনি আবলে কক চায়া দ।
- নাইরীঙতি : চিনি আব-ন' চামানি কক।
- কাঙগাইতি : আঙ বরক হাময়া-ন' নরগ তামসীক আ-ন'
মাহামজাকখা সীলাই? আঙ বেলে হাময়াবা
সাইচুঙ ফুরু-ফুরু খায়ীই তঙতা।
- নাইথকতি : নীঙ বরক হাময়া? নীঙ হাই বরক কাহাম চিনি
হাসাকাঅসে কীরীই। নীঙ জতন'সে মানীই
তঙনাই বীরীই, আব'সে আঙ বরক হাময়া হিনীই
সানানি হিনখাই। উমুঙ মা-ন' সাইমুঙ মা-ন'
তাগমুঙ মা-ন' লুপমুঙ মা-ন', তঙনানি কীরীঙ,
চানানি কীরীঙ, রীচাবনানি-ব' কীরীঙ।
- নাইরীঙতি : বায় নীঙ চাঙন' তাবুক থাইসা রীচাবাই
মা-খীনারিনাই।
- নাইথকতি : নীঙ তিনি চাঙন' রীচাবাই খীনারিয়া খাই চাঙ
নগ'সে থাঙলিয়া বায়। নীঙ জেসা খাই ফা-ন'
রীচাবইসে মাখীনারিনাই চাঙন'।
- কাঙগাইতি : রীচা-ব'।
- সাইনদানি বুদ্ধক পুঙগ'লে তীঙ তীঙ
তসর বুদ্ধকনি খাই-খীনা খীতীঙ
মীনাই চিকন-সঙ রীচাবাই ফায়য়ানী
বাসীকলে কীরীঙ কীরীঙ।
- রীচাবমুঙ তঙগ' বুরুঙলে বুরুঙ
ব-র' থাংগাঁইবা সীরীঙ
- চিকন সাইরানদা তামাই তামাইলে সাব'বা বরগ-ন' ফীরীঙ
রীচাবমুঙ সীরীঙদি বাদুরি আংদি জাতিনি মুকচাক খাইদি
বুইনিলে সীকাঙ হিমদি।

চিনি ছকুমু চিনি মুকুমু নারীগাঁই নায়থক-রিদি
 নারীগাঁই মানয়া কক দা, নীঙন' মায়' বাবুনি হুদা
 খাপাঙ খুলগাঁই বীখা রিখাখাই অীংগাঁই মানয়া দে রাদা ।
 সীরাঙনাই বরক কীরাঙ নায়থগাঁই তঙগ' গীরাঙ
 বীখা খাডারাই সীরাঙগাঁই তঙখাই নীঙন' হিনজাকনাই কীরাঙ ।
 বারতকি বারনাই বুরুঙ সীরাঙয়া মাঙন' বুসুনি বীলীঙ
 বুজিসুক মানয়া হানি তামসা তঙবাইখা ললীঙ বালীঙ ।
 ককনিলে ককথাই তঙগ' বীখানি বীখাখাই তঙগ'
 ককনি ককতমা ব-ন' সাখা খাই নায়সিকয়া মাসিসি অীংগ'
 অ নীঙলে সুবিয়া অীংগ' ।

কাঙগাইতি, নাইথকতি, নাইরীঙতি থাংখা ।
 কিতিয়া, মাদুতি ফায়খা ।

- কিতিয়া** : আঙব' বয়স অীংগাঁই ফায়রীক ফায়রীক ফায়দি
 তাকীলাই চিনি মাতিঙ কাঙগাইতি-ন' চামারি
 তিসায়ীই কাইয়ীই খিবানী ।
- মাদুতি** : অ নীঙ ব-র' তাবুক মাতিঙন' কাইনানি বরনানি
 হিনতীরাঙ তঙ? আয়াং বেলে অ কাইনানি
 হিনজাকনাই খাসে সিসুকয়া-খ' হিনমানি হাই ।
 আব'-নন' যাং বেলে কাইনানি হিনীই তঙখা ।
- কিতিয়া** : হাই কাইয়া খাই ব-ন' তাম' খাইনানি সীলাই?
 কাইখাই কাইয়ীই চিনি কাম-ন' পাইয়ীই
 খিবি-রিমানি হা-ম' । চীঙ থীয়য়া-সানি
 থাঙয়া-সানি চিনি আঙ-সুকনি বুমাখাঙ কিসা
 নায়লাং-নানি-য়া দা?
- মাদুতি** : আহাই হিনলে আসীক দাকতি কাইয়ীই খিব-হিন?
 ব বাই তঙলাই-মানিসে তঙ-পীরাই পীরাই
 অীংগাঁই তংখ' ।

- কিতিয়া : আয়াং বাসকীরা কামিঙনি বরক-সে কক হরীই
তঙখা, তাবুক চিনি মাতিঙ-ন' হামজাগীই সীকাঙ
মঙগল-বারনি সা-ল' হিনখাই চীলানি বুফা ফায়ীই
নায়ফায়নানিসে কক।
- মাদুতি : অ কুবুই দে নিনি অ কক ?
- কিতিয়া : কুবুই-ন' আঙ নন' তাতাল সালাংন' ?

কিতিয়া, মাদুতি থাংখা।

বাসকীরা কামিঙনি মালিয়া, গনিয়া ফায়খা।

- মালিয়া : (কিতিয়ানি ন-গ' ফায়ীই হিনফায়'), ম দে তীয়সা
তখলাই কামিঙনি কিতিয়ানি নক আঙখা হি-ন ?

মালিয়া, গনিয়া, কিতিয়া, মাদুতি ফায়খা।

- মাদুতি : অ সা-ব' আংবাইখা, বিয়াং থাংখা নীঙ ফায়গীরাদি
ই-ক' সা-ব' চিনি ন-গ' বইরাতি ফায়'। ফায়ীই
নায়ফায়গীরাদি বা নীঙ।
- কিতিয়া : অ নরগ দা বাসকীরা কামিঙনি বরক-রগ, নরগদা
তিনি আনি ন-গ' ফায়নানি হিনীই সাহরনাইরগ ?
আনি মাতিঙ কাঙগাইতি-ন' কাইয়ীই খিবনানি
হিনীই কক হরনাই নীঙ দা বাসকীরা কামিঙনি ?
- মালিয়া : আউ আঙন' আমি সাজীলা বাদারাইসা বাই
কাইয়ীই খিবানী হিনীই কক-ন' হরনাই আঙন'।
নীসাজীক -ন' তাগমুঙ-লুপমুঙ কীরীঙ,
উনানি-সেবনানি কীরীঙ, রীচাব-মুসুব কীরীঙ,
তঙনানি-চানানি কীরীঙ, নাখীরাই গীনাঙ হিনীই
খীনাহরীই আনি আঙসীলা বাই দে কাই-ন' হিনীই
আঙ-ন' নিনি ন-গ' কক হরনাই।

- মাদুতি : কাঙগাইতিমা মাতিঙ নীঙ জারি তুবুই চিনি ন-গ' ফায়নাই বইরাতিরগ-ন' য়াকুং সুৰিয়্যাই নক বিসিঙগ' য়াখুঙ বয়্যাই আচুক-ৰিয়্যাইদি।
- গনিয়া : (কিতিয়া-ন' নায়সিগাঁই হি-ন') চাঙ দাদা বাই জতই তাখুকনীয়-ন', আ-ন' আনি দাদা তিনি বিনি লগিঅ তুবুই ফায়' ব সাইচুঙ ফায়নানি নাঙগ' হিন্যাই।
- কিতিয়া : চাঙব' জতই তাখুক নীয়-ন', আঙ বাই আনি সোলাই কুসু বিতিয়া হিনজাকনাই। চাঙ চেৰাই ফুৰু-ন' চিনি বা থ্যয়্যাই থাংখা, মা রানদিসে চাঙন' পুসিয়্যাই তুবুই ফায়'।
- মালিয়া : আউ আঁংখীনা-ন', বুমা হিনমানিবা মেনত থ্যয়্যাই-ন' পুসিজাখাতা।
- কিতিয়া : আনি বোঁৰাইমা কাঙগাইতিমা-ন' নরগনি কামিঙনি বাসকীরা বলঙগ'-ন' মানবুঅ। আনি আঙ-ফায়ুঙ কুসু বিতিয়া বাই চাঙ তাখুকনীয় উা তাননানি হিন্যাই থাংখা খাই বলঙগ' সাইচুঙ কাবাই তঙমানি নুকখাই চাঙ তাখুকনীয় খাচলাই ন-গ' তুবুই পুসিয়্যাই বীসা অগ থ্যয়্যাই খিবখাতা।
- মালিয়া : অ আহাই দা? আঁংথুন পুসিমানি বীসা ফা-ন' আকল কাহাম খাইসে আঁংগ', নিজিনি বীসা অগফা-ন' আকল হাময়া খাই কুসতামফা-ন' সানানি কীৰ্য্যাই। বীসা হাময়া মালাই-খাই মালাইসুক-খাতা।
- গনিয়া : আঁংখা দা নকফাঙ চাঙ নায়লাংখা নুকলাংখা, চালাংখা নীঙলাংখা। চাঙ থাংখা তাবুক, থানানি চা-ল' বলঙনি লামা।
- মালিয়া : খুলুমখা চামাই চাঙ থাংখা। খুলুমখা চামাইজীক।
- কিতিয়া : আউ খুলুমখা চামাই, নরগ দুখু মানজা-বাইখা তা।

মাদুতি : খুলুমখা চামাই, উ-ল' কাহাম-কীরীঙ-খাই তঙখাই
মালাই-ফিরনাই তাই উইসা চুরুপ বাগসা খাই।

মালিয়া, গনিয়া, কিতিয়া, মাদুতি থাংখা।
লামা হিমতীতাই মালিয়া, গনিয়া ফায়খা।

মালিয়া : মীনাই চীঙ তাবুক তীয়সা তখলাই কামিঙগ'
কিতিয়ানি বাসাজীক-ন' আঙ-সীলা নিনি
নীবাইনাসা বাই কাইনানি নায়ীই ফায়মানি
বীরীইমা বা কিসানি নায়থক বীরীইমায়া বেলে।
বিনি বাসাকনি গরন বিসিখাই নায়থ-গ', আঙ তাই
কুবুনি জাগা নীবাইনাসানি বাগীই বীরীই
নায়তুগলিয়া। অ বীরীইমা বাই-ন' কাইয়ীই
খিব-সিনাই নীঙ খাই তা-ম' হিনসীলাই মীনাই?

গনিয়া : কাইয়ীই-ন' তুবুদি আঙখাই মানা খইয়া। অ বীরীইমা
বাই-ন' ফইসিদি। আ-ব' তা-ম' অ বীরীইমা-ন' চিনি
আরনি বাসকীরা বলঙনিসে চেরাই কীলীই বুফাঙ
তলাঅ কাবীই তঙমানি মানবুমানি হিনখাই আগিঅ
চাকসিয়া বাই বিহিক মিয়াতি পুসিমানি চেরাই আকন
দে অীং আংখা হি-ন'? আঙ আগিঅ মিয়াতি
পুসিমানি চেরাই-ন" নুকখা খাঙগার' জন-গীনাঙ।
তাবুক চীঙ ফায়নানি নায়ফুরু চীঙন' ফায়ীই
খুলুমফায়-ফুরু আঙ কাহাম খাই নায়সিগীই নায়খা,
আগি আঙ ব-ন' চেরাই-ফুরু নুকমানি বিনি
খাঙগারনি জন অজন হাই-ন' নু-গ'।

মালিয়া : সিয়া দ অ বীরীইমা আকন দে অীং আং তঙখা
তা-ম' হিনীই সানানি। চিনি আরনি বাসকীরা
বলঙগ'সে উা তাননানি হিনীই থাংফুরুগ'সে
মানবু-মানি হিনখাই আনি অ চামাই-সঙ, অীং
ফা-ন' মানতা।

- গনিয়া : আঙ তা-ম' আবতাই-ন' আংগানী হিনাই বীখাঅ মিথিকগাঁই তঙখা। অ বীরাইমা-ন' হিনখাই উইসায়ী উইসালে সায়ীই মানানী উ-ল' আ-ব' ব-ন' হিনখাই।
- মালিয়া : জেসা ফা-ন' আংথুন আর-ন' নীবাইনা- সা বাই-ন' কাইয়ীই রিসিনাই পালক-রিজাকনাই হিনখাইবা বরক হাময়া দে আংগাঁই থাংবা না মীনাই।
- গনিয়া : অ কাঙগাইতি বাই-ন' কাইদি, ব চিনি যা-গ' কীলাই-খাই কাহাম-ত' কাহাম-ন' তে-ব' বিসি খায়ীই কাহাম মা-আংগানী দাদা।
- মালিয়া : হিমদি চাঙ ন-গ' থাঙগাঁই তাবুক তে-ব' বিসিখাই বিনি খবর-ন' নাহারীই নায়লাইয়ানী।

মালিয়া, গনিয়া থাংখা।

মতিয়া, পাকাইতি ফায়খা।

- পাকাইতি : বায় মতি, কিতিয়া বাই পালক রিজাকনাই বীরাই বাসকীরা বলঙনি তুবজাকনাই বীরাই কাঙগাইতি ব দে চিনি কামিঙগ' ফায়ীই আসীক লায়ীই তঙফাই? ব রীচাবনানি কীরীঙ, মীসানানি কীরীঙ, তঙনানি-চানানি কীরীঙ, কক সানানি কীরীঙ আংগাঁই বিনি কক-মাংসে বুই সালাইয়ীই তঙসিঅ। নীঙ বাই আঙ বাই চিনি কক হিনখাই বুই সাচে সালাইলিয়া।
- মতিয়া : আউ নিনি কক হিনখাই কুবুই-ন' চাঙন' খাই বুই নাসে নায়সিকলিয়া ব-ন' সিমিসে নায়সিকলাই তঙলাইসিঅ। বিনি কক-ন' মাং সালাই, চাঙন' খাই কামিঙনি চীলারগ ককসে হরনাই কীরীই খা, ব-ন' মাংসে কক হরলাই তঙলাইসিঅ।

- পাকাইতি : ব-ন' চাঁও চিনি কামিঙনি রীখীলাই রিহরয়াখাই চাঁও তাই চানানি কীরীইখা। চাঁও ব-ন' নীও বাই জুকতি আংগাঁই জেসা খাই ফা-ন' রীখীলাইয়াই মারিহরনাই, আংয়াখাই চিনি তাই গতি কীরীই।
- মতিয়া : আঙ বা নিনি লগিঅ কানি-ন' তঙগ', আনি বার্গাঁই নীও তা-উনাদি। চাদি নীওদি তঙদি কাঙগাঁইতি-ন' রীখীলায়াই রিহরনানি বুদসি-ন'সে খাইদি। নীও আনি বার্গাঁই কিসা ফা-ন' তা-উনাদি।
- পাকাইতি : উনায় আব' খাই নিনি বার্গাঁই।
- মতিয়া : আংয়া আংয়া-ন' হিনখাই সীকালসে ব মা-ন' হিনীই চংগাঁই খিবাই মারিউনাতা। ব বলে সাইচুঙ, চাঁও খাই পাল ব দে চাঁওন' পাই?
- পাকাইতি : তা-ম' খাই সীকাল হিনীই চংগাঁই রিনানি সীলাই বায় মতি?
- মতিয়া : আব'দে উনাই তঙ নীও?
- পাকাইতি : আঙ খাই উ-ন' উনাত বায় মতি।
- মতিয়া : আ-ব' তামসীক উনাই তঙ' আনি বা-ব' চকদিরি হিনখাই, নিনি নীফা-ব' অচাই কীরীও হিনখাই, ফুঙসাই-ন' সীকাল হিনীই চাঁংগাঁই কামিঙনি বির-খীলাই রি- রিহর-লাইয়ানাতা।
- পাকাইতি : বায় মতি নিনি থানি-ন' বুদদিখাই, আঙ তাই উনালিয়া বায়, ব-ন' চাঁও রীখীলাই রিহরীই মানবাই-খাই-ন' চিনি ফুঙ আইয়াই সাল কায়াই ফায়খাতা। চিনি খাই তাই হর আংলিয়া সাল কায়াই সিমি-ন' তঙসিনাই।
- মতিয়া : খীনানি সিমি-ন' নীও নীফা-ন' সাদি, আঙব' আনি বা-ন' সাউনৌ, আহাই-ন' আংগ' তাই কুসতাম কীরীই।

মতিয়া, পাকাইতি থাংখা।

বিতিয়া, সমবাতি ফায়খা।

- সমবাহতি : চিনি কাঙগাইতি মা-ন' বাসকীরা কামিঙগ' কাইয়ীই রিহরনানি হিনমানি আয়াং চীলা ফায়সিংগ' বুবতাই হিন? বসরনি মাই-ন' চায়ীই চাদরপ নীঙদরপ দে হিন, অ চীলাসাবা বুবতাই-ব' উনানি সেবনানি দে রীঙজা, আবতাই উনানি সেবনানি রীঙয়া খাই আঙলে আ-র' কাইয়ীই রিহরনানি মুচুঙয়া, নীঙলে তা-ম' হিন সীলাই?
- বিতিয়া : বসরনি মাই চায়ীই চাদরপ নীঙদরপ-ন' আংগীই তঙখাই-ন' পাইঅ তাই উামুঙ-সাইমুঙ মা-ন-খাই-ন' আংগ' তাই কুসতামফা-ন' নায়য়া।
- সমবাহতি : অ বরকসানি কামিঙ বা বীসীক-ব' চালীই তঙখা, কামিঙ হাকচাল হিনখাইলে থাংলাইনানি ফায়লাইনানি অসুবিদারগ আংলাইঅ, বলঙনি লামা মীসা-মায়ুঙ তঙগ'।
- বিতিয়া : চালমানি-ত' তা-ম' চালনানি, চীঙ দাদা বাই উাতানীইমানি জাগাতা, বাসকীরা বলঙ হিনজা-গ'। আরনি কামিঙনি মুঙন' বাসকীরা কামিঙ হিনজা-গ'।
- সম্বাহতি : দ কাইনানি হিন-ব' নায়লাই নুকলাই খাইলাইদি তা।

বিতিয়া, সমবাহতি, থাংখা।
নাইথকতি, নাইরীঙতি ফায়খা।

- নাইথকতি : নাইরীঙতি, তাকীলাই হিনখাই জেসা খাইফা-ন' বায় কাঙগাইতি বাই যাঙল-ন' খিললায়ীই হুক তাঙলাইনানি, চীঙ তাই কেব-ন' তীইয়াফানসে আংগ' নীঙ খরকসা আঙ খরকসা তাই বায় কাঙগাইতি খরকসা জতই চীঙ খরকথাম খাই-ন' আংগ'।

- নাইরীঙতি : আসীক খাই-ন' আংগ' চীঙ খরকথাম খাই। বায় কাঙগাইতি বাই য়াঙল-ন' খিললাই খাই গাইরিঙ সাকাঅ কায়াই ব বিনি রীচাবমুঙ-ন' ব-ন' রীচাবরিয়াই খীনালাই মা-ন', ছক-ন' তাঙতীতাই-ব সাইরিকনি সাল খানদা-ফুর হিনখাই-ন' ব-ন' রীচাবরিয়াই খীনালাই মা-ন'।
- নাইথকতি : বায় কাঙগাইতি সিমিদে রীচাবনানি বা, চীঙব' থাইসা থাইসু রীচাবাই তঙ মান বেলে। আহাই খাই-ন' সাপুঙ সাল থাংমানি খাসিনিয়া ব থাইসা ব থাইসা রীচাবখাই-ন'।
- নাইরীঙতি : নীঙ খাই তাম-ন' রীচাবনানি সীলাই বায় ?
- নাইথকতি : আঙখাই মা ফীরীঙ রিমানি মানি কক বাই হাচীকনি খরাঙ জাদু কলিজা-ন' রীচাবনানি তাহি-ন'। নীঙ সীলাই বব-ন' রীচাবনাই নাইরীঙতি ?
- নাইরীঙতি : আঙব' মানি কক বাই রীচাবমানি-ন' রীচাব-নাই তাহি-ন' জাদু কলিজা রীচাবমুঙন'।

নাইথকতি, নাইরীঙতি থাংখা।

রঙগনি, হতইতি ফায়খা।

- রঙগনি : বাচাই উ সীকাঙগ' চিনি কামিঙনি কিতিয়ানি বীসাজীক কাঙগাইতি-ন' বাসকীরনি বরক-রগ কাইনানি হিনাই বীরীই নায়ফায়খা হিনবেলে না ?
- হতইতি : আউ নায়লাই-ফায়খা। চীলানি ফায়সিং চাদরপ নীঙদরপ-ন' হিন বেলে। চীলা উমুঙ-সাইমুঙ কীরীঙ হি-ন', তাঙনানি-তাইনানিব সেব সেব হিনাই খীনাঅ। অ চীলাসা-ন' কাইদা বরক হিনাই-ন' খীনাহ-র'। উল-বা বুবতীই আংন' সায়াই মানয়াতা কাহামফান আংগাই মা-ন' হাময়া' ফা-ন' আংগাই মা-ন' উলনি কক-ন' সাহর মানয়া।

রঙগনি : খাপচাখাই আর-ন' কাইয়াই খিবথুন, আগিঅ সাবনি বাঁসা বাঁতাই-বা আঁংখা, বলঙগ' উা তান-থানিসে মানবুই ফায়জাকনাইবা, বুমা সা-ব' আঁংখা সিনিয়া, বুফাবা সা-ব' আঁংগাঁই তঙখা সিনিয়া, জাতি-গুসতি-ব' সায়াই মানয়া সাবনি বঙস-ব' আঁংগাঁই তঙখা। কাইয়াই রিহর-উানী, আর-ন' থাংগাঁই কাহাম-কাঁরাঙখাই হামাঁই চায়াঁই সুখি খায়াই তঙগাঁইথুন।

হতইতি : আউ কীকাইনি বিহিক আবতাই খাই-ন' হামজীক থাংগাঁই হামাঁই চায়াঁই তঙথুন বুমা বাই বুফা কাঁরাই, বুই বাই পালক-রিজাক নাইবা ব হামজীক থাংফুরু চাঁঙ জত-ন' ব-ন' হামথুন চাথুন হিনাঁই হামবাই-ন' রিহর বাইদি।

রঙগনি, হতইতি থাংখা।

মালিয়া, কানচালাইতি ফায়খা।

কানচালাইতি : নীঙ কীকাই বাই তীয়সা তখলাই কামিঙগ' কিতিয়া হিনমানি বাঁসাজীক কাঙগাইতি-ন' নায়নানি থাংফুরু লামা-ককমারগ' মসক-মীসাঁই হঙমানি দে খীনা-খুনুখা হি-ন'? আবতাই থাংফুরু মসক-মীসাঁই হঙমানি খীনাখা হিনখাই জাতীরা হাময়া হিনজা-গ'। আবতাই হঙমানিরগ খীনাযানা বেলে না? খীনাখাই আ-র' তাই তা-থানসিদি।

মালিয়া : আবতাই খাই খীনায়া চাঁঙ। নীপীরাঙরগ বাই তাখুক নীয় লামাঅ হিমলাই থাঙলাই-ফুরু খীনা-চমলায়াই-ন' থাংলাইঅ মসক-মীসাঁ-ন' হঙমানি দে খীনা হিনাঁই।

কানচালাইতি : নরগ নায়লাইমানি অ বাঁরাইমা খাই বুবতাই সীলাই, কাহাম দে হাময়া বুবতাই নুকবুখা সীলাই?

- মালিয়া : অ বীরাইমানি কক-ন' হিনখাই তাসাদি, তাগনানি লুবনানি উনানি সেবনানি তাঙনানি তাঁইনানি হিনখাই সেম হিনতা, অ কামিঙনি জত' বরক-রগ-সে চাঁঙন' সাত আবতাই হিনাই, আবসে অ বীরাইমা চিনি ম বাসকীরা বলঙগ' মালাংগাই পালক-পুসিজাকনাই হিনতা।
- কানচালাইতি : ব পালক খায়াই পুসিজাকনাই খাইবা তামঙ, আকল হামখাই-সে পাইঅ। থাংদি আর-ন' কক থিক খাইদি অ কাঙগাইতি বীরাইমা বাই-ন', আর-ন' কাইয়াই থিবমানি হাম'।
- মালিয়া : অ কাঙগাতিমা আগিঅ তা-ম' চাকসিয়ানি বিহিক মিয়াতি পুসিমানি বীরাই হাইসে মাতঙগ'।
- কানচালাইতি : অ তা-ম' বুবতাইবা অ বীরাইমা ?
- মালিয়া : আগিঅ মিয়াতি পুসি-ফুরু অ চেরাইনি থাঙগার' জন নুকয়া দে বা, তাবুক চাঁঙ বীরাই নায়াই ফায়মানি অ বীরাইমানি জন-ব' আবতাই-ন' আবতাই সলসুগাই তঙখা। নাঁঙ নুকখাই সিনিয়াই মান- খামন।
- কানচালাইতি : কাইয়াই তুবুই ফায়খাই জেতাই-ন' নুকগীলাক দে ?

মালিয়া, কানচালাইতি থাংখা।
কিতিয়া, কাঙগাইতি ফায়খা।

- কাঙগাইতি : বা নাইথকতি বাই নাইরীঙতি ছক তাঙলাইনানি বাগাই আ-ন' য়াঙল খিলফায়নানি-ফন। খরকথাম খরকথাম খাই য়াঙল খিললায়্যাই ছক-ন' তাঙখা-খাই তাই কিসা কাম আগগাই মানানী।
- কিতিয়া : তঙগীরাদিখ' মাতিঙ, তাই কিসানি বাগাই আঙ সাক কুসুঙনীয় গাইরিঙ বীখাক-গীনাঙ তাঙগাই

- পাইয়াই খিবরিগীরানাখ' আফুরু নরগ যাগুল
খিল্লাই হুক তাঙনাইরগ অ গাইরিঙগ' কায়াই
নায়-খীলাই-ফুরু হুকনি মাই ডাকসা খারমানি
নুর্গাই তঙগানী দুবুই দুবুই খাই। নরগ আফুরু অ
মাই ডাকসা খারমানি-ন' নুর্গাই গাইরিঙ সাকাঅ
কায়াই নায়খীলাই রীচাব-মুসুব খায়াই তঙলাই
মানলাইয়ানী তঙথ'থক খায়াই।
- কাঙগাইতি : নাইথকতি বাই নাইরীঙতি খীনা-ন' ফায়নানি
হিনাই তঙখা বেলে সীলাই বা, তাবুক তা-ম'
খাইনানি সীলাই?
- কিতিয়া : তাবুকয়াখ', তাবুক বরগ-ন' তা' তুবদি-খ', আঙ
গাইরিঙ তাঙগাই পাইয়াই খিবয়াই রিগীরানাখ'।
খাইরিঙ তাঙবাইয়াই পাইখা হিনখাই আফুরু খাই
বরগ বাই যাগুল-ন' খিললাইদি।
- কাঙগাইতি : আউ খাই বা, নীঙ গাইরিঙ তাঙবাই পাইখা
হিনখাই উ-ল' বরগ বাই যাগুল খিললাইয়ানী
হিনখাই।

কিতিয়া, কাঙগাইতি থাংখা।

কাঙগাইতি, নাইথকতি, নাইরীঙতি ফায়খা।

- নাইথকতি : বায়, আঙ বাই নাইরীঙতি খীনা আই-খাই চাঁঙ
নিনি হুগ' ফায়নানি আংখাতা নন' যাগুল খিলনানি
বাগাই।
- কাঙগাইতি : তাবুক তাফায়দি-খ' নরগ। বা গাইরিঙ সাক
কুসুঙ-নীয় তাঙগাই খিব-গীরাথুন, তাঙগাই
খিববাইখা হিনখাই উলসে যাগুল খিললাইদি
হিনাই সাঅ বা খাই। ব গাইরিঙ তাঙবাই
গীরাথুনতা, উ-ল' খিললাইয়ানীতা চাঁঙ।

- নাইরীঙতি : আঙ খাই নন' মাং যাগুল খিলাই কাম-ন' খাইনানি মুচুঙগ'।
- নাইথকতি : আঙব' আহাই-ন' নীঙ বাই মাং যাগুল খিলাই কাম-ন' খায়াই তঙনানি মুচুঙগ'। আঙ বা নন' তামসীক হামজাকখা সিয়া দ।
- কাঙগাইতি : নরগ আ-ন' তা-ম'সীক মা-হামজাক সীলাই? মীলাই-সঙ আঙ নরগ-ন' তা-ম' খীলায়ই মান বা অসই নরগ আ-ন' তামনি আসীক মাহামজাক বা?
- নাইরীঙতি : বায় নীঙ বব' মানয়া তঙ বা, রীচামুঙ মীসামুঙ তাগমুঙ লুবমুঙ ডামুঙ সাইমুঙ জতসে নীঙ মা-ন' হিনখাইবা নন' তামঙগাই হামজাকয়্যাই তঙনানি বা? কক সাথানিরগ'-ব' কক রীবায় খুকরীবায় তঙগ' হিনখাই আব বাই-ন' নন' মা-হামজাকতা।
- নাইথকতি : নীঙ চাঙন' রীচাবমুঙরগ-ব' ফীরীঙগাই রিঅ হিনখাই নন' ব-র' চাঙ হামজাকয়া আংনানি বা?
- কাঙগাইতি : নরগন'-ত' আঙ রীচাবাই খীনারিখা নরগ তিনি আ-ন' থাইসা রীচাবাই মা-খীনারিনাই। অ আঙ সামানি-নন' রীচাবাই খীনারিদি নরগ।
- নাইথকতি : সীকাঙ তিনি নাইরীঙতি মারীচাবনাই।
- নাইরীঙতি : আঙ দে রীচাবনানি?
- কাঙগাইতি : নীঙন' মারীচাবনাই, নাইথকতি তাই উইসা ফুরু রীচাবথুন।
- নাইরীঙতি : রীচা-ব'।

ডাতীয় দুবুই দুবুইনি আসার, চিনি তঙথকনি বাজার

কানি-ন' নন' খাতাঙগাই তঙগ'

খা বিসিঙ থাংখা কীসার।

নন' মুয়তু মাং আংগাই তঙগ' হাজারে হাজার

সালনি সাল বিসিঙ সাজার

তাখুকনি বিসিঙগ' নীঙন' বারা-বাইচিঙগ' কীচার।

ডাতীয় ডামানি তীয়সা তীয় বারে

খুমুলৌগ' দে যঙখাজি সারে

তীয়মুঙ তররীরীক মুয়তু আংরীরীক খাপাঙ দে

আরে আরে ।

নয়ন বিখিনি তঙ মান দে আরে, নীঙ বাইলে খাডানী মারে

হামজাকমা বিসিঙগ' তে-ব' হামজাক তঙগামা

আনি বীখানি কারে ।

হাদুক দুক কলক হির্মাই আঙ তঙগ' কক সাখাই ককন' বাংগ'

কীনীয় তঙনানি হিনাই বাবেয়ীই আঙলে নক বীসা তাঙগ' ।

হাতিনি চাঙদুক খাঅ বীচাঙগ', চাকীরারগন' খুলুম' যাকুংগ'

আনি হামজাকমা বরক হিনখাইবা

মুয়তু-ন' খায়ীই চায়া ফাতিবা তঙগ' ।

কাঙগাইতি, নাইথকতি, নাইরীঙতি থাংখা ।

মালিয়া, গনিয়া, কানচালাইতি, যাচঙতি ফায়খা ।

গনিয়া

: দাদা নীঙ বুফুরং তীয়সা তখলাই কামিঙনি
কিতিয়ানি বীসাজীক কাঙগাইতি-ন' কাইনানি
বাগাঁই থিক খাইনানি সীলাই? কাইনানি হিনখাইবা
দাকতি-ন' কাইয়ীই খিবদি, বসর-ব' থাঙরীক
থাঙরীক ।

কানচালাইতি

: আউ কীকাই নিনি অ কক কাহাম-ন' । আঙ নিনি
দাদা-ন' বকালে-ন' নীঙ তাবুক ব-ন' সামানি
কক-ন' সাখা কাইনানি হিনখাই দাকতি-ন' কাইলাই
খিবমানি হা-ম' হিনাই । নিনি দাদা-সে তা-ম'
সাকনাঙয়া হাই আংগাঁই তঙগ' ।

যাচঙতি

: আউ বাচাঁই কতর, কাইখাই কাইয়ীই খিবমানি-ন'
হামতা । ব-ন' তা-ম' খাইনানি খাতিমানি হাইখাই
তনিনানি, দাকতি কাইয়ীই খিবমানি-ন' হামতা ।

- গনিয়া : দাদা নীঙ রাইবাই কায়সা থিক খাইদি সালায়্যাই ।
অ রাইবাই-ন' থাংগাই অ বৌরাইমানি বুফা বাই
মালায়্যাই ব সা-ল' কক সাংগাইনানি থিক খায়্যাই
ফায়থুন । ব সা-ল' কক-ন' সাংগাই-নানি তিনি
রগ'-ন' সালাইয়্যাই খিবদি রাইবাই-ন' নীঙগাই ।
- কানচীলাইতি : আবতাই-ন' খাইদি কীকীই সামানি হাইখাই নীঙ ।
মালিয়া : আউ আবতাই-ন' খাইয়ানীতা । তিনি সাইরিগ'-ন'
আঙ রাইবাই-ন' থিক খাইয়ানী, দাকতি কাইখাই
কাইয়্যাই-ন' খিবনানি হা-ম' বসর-ব' থাঙরীক
থাঙরীক ।
- য়াচঙতি : চীঙ বাচাই বাই বুখকনীয় হিনখাই আনি দাদা
কতরনি বৌসীলা বাদারাইনি সাদিনি বাগাই
আয়াজীক আয়া জাগলুয়া তাই সাদিনি সা-ল'
কাইজাকনাই চীলা বাই কাইজাকনাই বৌরাই-ন'
তুকুরিনানি বাগাই তীয় খকনাই তীয় হুকতি-ন'
ফাতাই রিনাই হিনখাই চীঙন' সাদি চীঙ বাচাই
বাই কীনীয়ন' । আঙ খাই দাদানি বৌসীলা
বাদারাইনি সাদিঅ থাংনাই-ন' থাংনাই ।
- কানচীলাইতি : হিমদি নরগ বুখিরিজীক আকসঙ, নরগ সাদিঅ
থাংয়াখাই তাই সা-ব' থানানি সীলাই? নরগ-ন'
সীকাঙ সীকাঙ লামা-ন' সলাইনাইরগতা ।

মালিয়া, গনিয়া, কানচীলাইতি, য়াচঙতি থাংখা ।

মালিয়া, মাখুরু ফায়খা ।

- মাখুরু : দাদা নীঙ তামঙগাই নীঙ সীলাই আ-ন'? তা-ম'
আসীক সামুঙ দ-র' নাঙখা নীঙ আঙ বাই? সাদি
আঙ নকনি কাম-ন' খিবাইসে ফায়' নীঙ নীঙগ'
হিনাই । কাম-ন' খিবাই নিনি থানি ফায়' ।

- মালিয়া : নন' আঙ রিঙমানি কক খাই আহাইসে , নীঙ খীনা
আয়াং তীয়সা তখলাই কামিঙ-সে থাংগাঁই মা
ফায়গীরানাই কিতিয়ানি ন-গ'।
- মাখুরু : আ-র' তা-ম' খাইনানি থানানি, কামরগ দে নাঙ
তা-ম'?
- মালিয়া : নীবাইনাসা বাদারাইনি কক সাংনানি সাল-ন' থিক
খায়াঁই কাবুনানি আ-ব' নুঙ-য়াখাই অঁংনিয়া আব'
বাই-ন' নন' আঙ অর' রিঙগাঁই তুব্বাই ফায়' নীঙ
বাই কক-ন' কিসা সালাই রিহরডানী হিনাই।
- মাখুরু : অ আবতাই কক দা? আঙ খাই তাই কুবুনি আকাম
চুকাম কক দে হিনাইসে, অ আব খাই থাংগাঁই
মা-ন', থাংগাঁই কক-ন' সাংনানি সাল থিক খায়াঁই
ফায়নানিবা তা-ম' তঙ, খীনা আইখাই-ন' আঙ
থাংনাইতা, বলঙনি লামাবা দাকতি থাংগাঁই
দাকতি-ন' ফায়াঁই নন' আঙ আ-র' থাংমানি
কক-ন' সাফায়নাইতা, নীঙ নকনি তা কুতুলদি,
আ-ন' নায়সিংগাঁই তঙদি।
- মালিয়া : নীঙ বাই আসাঁক-ন' কক মাখুরু।
- মাখুরু : আউ দাদা, আসাঁক-ন' কক আঙ থাংখা।

মালিয়া, মাখুরু থাংখা।

মাদুতি, চমাঙ, মাখুরু ফায়খা।

- মাখুরু : ম দা তীয়সা তখলাই কামিঙনি দা কিতিয়া হিনমানি
নক অঁংখা হি-ন'? ব বা নগ' দে তঙ সিয়া দ?
- মাদুতি : অ নীঙ খাই বরনি বরক-ব' অঁংখা হি-ন'?
- মাখুরু : আঙ খাই বাসকীরা কামিঙনি বরক-সে।
- মাদুতি : তা-ম' নীঙ চিনি নকনি বরক বাই কাম দে নাঙ
তা-ম', কাম নাঙ খাই আ-ন' সাদি তা-ম' কাম-ন'
নাঙগাঁই ব বাই মালাইনানি ফায়।

মাখুরু : আ-ন বাসকীরা কামিঙনি দাদা মালিয়া রিহ-র' বীসীলা বাদারাই-সানি কক সাংনানি সাল-ন' থিক খায়ীই তীলাংগীই থানানি বাগীই। আন' ব-ন' দাগেয়ীই হ-র', আব'বাই-সে আঙ চমাঙ বাই খরকনীয় খায়ীই নিনি ন-গ' ফায়'।

মাদুতি : অ আবতীই দা? অ আহাই খাই আঙ ব-ন' নীঙগীরানাখ' খাই। অই ফায়-গীরাদি চিনি ন-গ' বরক ফায়'। ব উ ফুলাঙতি-সঙনি ন-গ' কাম নাঙগ' হিনীই থাংগ' তাবুক-ন' সকফায়য়ানী। আচুক-বাইদি নক বিসিঙগ'।

কিতিয়া ফায়খা।

কিতিয়া : আচুকবাইদি আচুকবাইদি, নরগ ফায়খাবা কাহাম আংখাতা, আঙব' বুফুরু কক-ন' সাংফায়-নানি হিনীই খবর হরনানি হিনীই' তঙগ'। কক-ন' সাংনানি তারিখন' নরগ বাই-ন' থিক খায়ীই রিহর-সিনাই।

চমাঙ : আউ তা-ম খাইনানি বাগীই তাই সালাই তঙসিনানি বা, তিনি-ন' চীঙ-বাই সালায়ই থিক খাইলাই মানি হা-ম'।

মাদুতি : বরগ-ন' চিনি বীরীইমা-ন' হামজাকখা হিনখাই চীঙব' অ বরকসা-ন' হাম-জা-গ' হিনখাই তাই তা-ম' খাইনানি বাগীই কক-ন' বাংলাই তঙলাইসিনানি-বা? সালাই রিহরলাইদি তিনি-ন' ব সা-ল' ফায়ীই কক-ন' সাংলাই-ফায়নানি। জে সা-ল' সাংফায়নানি কক অ সাল-ন' ফায়ীই সাংফায়থুন।

মাখুরু : আউ বাচীই নিনি কক সামানি-ন' সেই, ব সা-ল' কক-ন' সাংফায়মানি হাম-ন' সালাই হরদি দাদা।

- কিতিয়া : সীকাঙনি তালনি সালসিনিনি সা-ল' ফায়ীই কক
সীংফাথুন হিনীই সায়ীইদি। অ আঙ সামানি
সাল-ন' ফায়ীই কক-ন' সীংফায়সিথুন, যাংগ'
চাঙব' রাঁউ-জিমা খাইসর্গীই তনিনানি নাঙগানী
বেলে সীলাই।
- মাখুরু : আউ দাদা নীঙ সামানি সাল'-ন' ফায়ীই কক-ন'
সীং-ফায় থুন, আঙ আবতীই-ন' সায়ীই
রিয়ীইয়ানী।
- চমাঙ : চাঙ থাংখা খাই দাদা বাই বাচীই, নরগ-ন' খুলুম
বাইখা।
- মাদুতি : আউ হামীই চায়ীই তঙবাইদি।
- মাখুরু : দাদা চাঙ থাংখা-দ।
- কিতিয়া : লামাঅ মীসা মায়ুঙ চিবুক সিনদীরাই নায়ীই থানদি
দ। বলঙনি লামা কিরিমিসিসা নায়ীই নুর্গীই-ন'
থানানি নাঙগ'।

মাদুতি, চমাঙ, কিতিয়া মাখুরু থাংখা।
মতিয়া, পাকইতি ফায়খা।

- পাকইতি : বায় মতি চিনি কামিঙনি কিতিয়ানি বাসাজীক
পালক রিজাকনাই বীরীই-ন'-বা সীকাঙনি তালনি
সালসিনিনি সা-ল' হিনখাই কক সীংনানি অীংসে
তঙখা হিন বেলে? তাবুক ব-ন' তা-ম' খাইলাইনাই
সীলাই বায় মতিয়া?
- মতিয়া : তাই তা-ম' খাইনানি বন-বা, আয়াং চীলানি
ফায়সিংগ' কাঙগাইতি সীকাল কীরীঙ হিনীই
সাহরীই রিখাই-ন' চীলানি ফায়সিংনি ফায়ীই
কক-ন'-সে সীংফায় গীলাক, কাইয়ীই
তীলাং-নানিলে জেমন তেমন।

- পাকাইতি : নিনি আ-ব' আংয়া-খ'। বায় কাঙগাইতি-ন' চাঙ সীকাল মা-ন' হিনাই চাঙ সাখাই চাঙন' উ-ল' বুই বাই মানজাগাই থানাই। বুই চাঙন' সীকাল বুবতাই খাই মানবা হিনাই সাংখাই চাঙ সায়াই মাননিয়া, বুই বাই হিনজাগাই থীয়য়ানী।
- মতিয়া : তাই তা-ম' খায়াই কাঙগাইতি-ন' চাঙ মেচেননানি সীলাই? ব-ন' মেচেনাই মানয়া হিনখাই জিবন কুসুঙসা চিনি সীলাই কাপীলাই-মাং আংগাই তঙসিনাই, ব-ন' মেচেননানি-সে নাঙনাই চাঙ।
- পাকাইতি : অ আঙ বুদদি থাইসা মানখা বায় মতি।
- মতিয়া : তা-ম' বুদদি-ন' মানখাবা নীঙ পাকাইতি?
- পাকাইতি : নীঙব' সাদি নিনি নীফা-ন' আঙ ইমাঙগ' কাঙগাইতি-ন' তাখুক আংগাই বির্রাই থাংমানি নু-গ' হিনাই। আঙব' সাডানী আনি বা-ন' তিনি ইমাঙগ' কাঙগাইতি-ন' তইলিঙ আংগাইসে বির্রাই থাংমানি নু-গ' হিনাই। আ-ব' তা-ম' হিনাই সাংদি নীফা-ন', আঙব' সাংগানী আ-ব' কাহাম দে হাময়া হিনাই অ তইলিঙ নুকমানি আ-ব' তা-ম' আংন' হিনাই।
- মতিয়া : আউ নিনি আব-ব' সই কক-ন' তিতে, কিসা তাতাল মাসাসিনাই তা। কুবুইনি ককনি সীলাই তাতাল-ন' বিকিরিয়াই মানতা বিসি খায়াই।
- পাকাইতি : তাবুক তাতালনি হাতি চলাইঅ নিয়াদা বায়।
মতিয়া, পাকাইতি থাংখা।
হতইতি, চকদিরি, মতিয়া ফায়খা।
- মতিয়া : মা নীঙ আসীক মাই-মুই-ন' তা-সঙসিদি, আঙ সাংগানী নিনি মাই-মুই-ন', আঙ তরখা লকখা নিয়া দে। আঙ তামঙগাই সং মানয়া আংনানি-বা।

- হতইতি : মাতিঙ সাজীকবা নীঙ কায়সাজাসে আনি বীসাবা, তাই নিনি তাখুক-বুখুক হিনীই কায়সা'ফা-ন' কীরীই। নীঙন' চিনি হামনানি হিনব' চানানি হিনব। নীঙ কায়সা-ন' চিনি হামনানি চানানি।
- মতিয়া : বা নীঙব' আসীক কামরগ তাই তাখাইসিদি, নিনি বল আঙ তানীই নাহার-ডানী, বলঙগ' নীঙ তাথাংদি আঙ নীসাজীকসে তঙগীই তঙ বেলে। নীঙ তা-ম' আসীক কাম-ন' খীলাইয়াই মা-তঙবা, নীঙ আনি বা আংগীই কিসিসাফা-ন' কাম-ন' খাইরি-নানি মুচুওয়া।
- চকদিরি : নীঙন' মাইলুমা নীঙন' খুলুমা নীঙন' আনি বুমা, আনি তাই সা-বলে তঙবা ? নীঙ আনি মাতিঙব', নীঙ আনি বুমা অগ-ব' আনি তাই কীরীই কে-ব', নীঙন' আনি সাইচুঙ সংদারিমা।
- মতিয়া : বা আঙ তিনি হর' থুয়াই তঙফুরুঅ ইমাঙগ' মানীয় মুঙসা নুকনানি আ-ব' তা-ম' হিনীই মা বাই নন' সাংগীই নায়নানি হিনীই আঙ তঙগ'।
- হতইতি : তা-ম' নুকবা ইমাঙগ' নীঙ ?
- মতিয়া : নরগ দে আ-ন' মুঙসা-সীক হিনীই তঙন' হি-ন' ?
- চকদিরি : হিনয়া নীঙ থুয়াই তঙথানি ইমাঙগ' নুকমানিবা চাঙ তা-ম' হিননানি সীলাই ননবা, সাদি তা-ম' ইমাঙন' বা নুকখা।
- হতইতি : থুয়াই ইমাঙগ' নুকমানি আসীক সানানি লেরীই তঙ ? সাদি, আবদা আসীক লেরীই তঙবা, আব বা ফীলাতসাখাই-ন' সায়াই রিয়াই মান বেলে।
- চকদিরি : সাদি মাতিঙ তাকিরিদি তালাচিদি।
- মতিয়া : আনি ইমাঙগ' নুকমানি হিনখাই আহাইসে। কাঙগাইতিন' তাখুক আংগীইসে বিরীই থাংমানি নু-গ' আ-ব' তা-ম' সীলাই বা ?

- চকদিরি : নিনি অ ইমাঙগ' নুকমানি তা-ম' আংনানি,
ইমাঙবা তা-ম' নুকয়া তঙ তখাবা তা-ম' পুঙয়া
তঙ।
- হতইতি : ইমাঙ নুকমানি-ব' নাঙগ' আবতাই তাহিনদি নীঙ।
কামিঙগ' খায়লাই থাঙলাই দে আংলাই-ন' নায়াই
তঙদি।

হতইদি, চকদিরি, মতিয়া থাংখা।
অচাই, রঙগনি, পাকাইতি, চনতিয়া ফায়খা।

- রঙগনি : নীঙলে অচাই হাঙগীরা-বা, বুই নন' অচাই
হিনফায়-খাইন' আ-র' উইসা উ-র' উইসা
থাংগীই মাতঙগ'। ন-গ' তা-ম' আংলাই তঙ
তা-ম' সকলাই তঙ সায়ীই মানয়া। কক কীচাঙ
কীরীই লাম কীচাঙ কীরীই নীঙ ফাতার ফাতার
আংগীই তঙমানি বাই বুই নন' অচাই
হিনফায়ফা-ন' উইসা উইসু থাংয়াই ন-গ' তঙসিদি
কীচাঙ কীচাঙ খায়ীই।
- অচাই : আকন বুইসে আ-ন' অচাই হিনফায়খা হিনখাই
তাই থাংয়াই তঙগীই মানয়া বেলে। সাবনি খা-ন'
নারীকনানি সাবনি খা-ন' নারীকয়া, জতসে কামিঙ
কায়সানি বরকমাং হিনখাই ব-র' থানানি ব-র'
খাই থাঙয়া, আর-ব' থাংয়া হিনখাই থাংয়া
হিনজাগানী, আঙ তাই তা-ম' খাইনানি-বা ?
- রঙগনি : তিনিলে তাই কুসতাম জাগাঅ থানানি হিনীই
তা-কুতুল সিদি। ই-ক' চিনি মাতিঙ তিনি হ-র'
তাম-ব' ইমাঙ নুক-ফন' বিনি থানি খীনাদি,
খীনায়ীই সাংগীই নায়দি নীঙ ব-ন'।
- অচাই : মাতিঙ নুঙ তিনি হ-র' থুফুর তাম-ন' ইমাঙগ'
নুক কুবুই কক-ন' সাদি, তা-ম' মানীয় ন'-ব'
নুকখা।

- চনতিয়া : সাদি বায় কতর বা বাই মা-ন' বীখা-ন' খুলগাঁই।
নীঙ অ-র' তা-কিরিদি তালাচিদি, অরঅ চাঁঙ নক
কায়সাসে নিয়াদা।
- পাকাইতি : আঙ তিনি হ-র' মুকতীরীইসা থুয়ীই সিচায়ীই
আইচু-গ' তাই উইসা মুকতীরীই থাংফুরু হিনখাই
চিনি কামিঙনি কাঙগাইতি বীরীই সিকিলা-ন'সে
তইলিঙ আংগাঁই বিরীই থাংমানি নু-গ', আ-ব'
তা-ম' সীলাই বা?
- অচাই : আ-ব' তা-ম' আংনানি, ইমাঙবা তা-ম' নুকয়া তঙ
তখাবা তা-ম' পুঙয়া তঙ। ইমাঙনি ককন'দে
রীকলাই তঙ।
- রঙগনি : ইমাঙনি ককন দে রীকলাই তঙ? ইমাঙনি কক
হাই নাঙমানি তাই কীরীই। কাঙগাইতি দে সীকাল
মান-মুনীই তঙখা তা-ম' সানানি। আখানি-ন'
পালক-ন' রিজাকনাই বীরীই বরকনি নগ'দে
মুঙ-সাসীক আংলাই-ন' তাম' হিনীই সানানি।
আমজগলাই তঙলাইদি।
- চনতিয়া : মা কক-ন' সামানি হিনখাই সই-ন'।
- অচাই : মুঙসা-সীক দে আংন' আঙ থিকীনা নায়াই
নায়ানীতা।

অচাই, রঙগনি, পাকাইতি, চনতিয়া থাংখা।
কাঙগাইতি, নাইথকতি, নাইরীঙতি ফায়খা।

- নাইথকতি : বায় নীঙ তিনি কক-রীবাম সায়ীই মা-খীনারিনাই
তিনি খাই। নীঙ চাঁঙ বাই মা-ন'মা
তঙলাং-জানিয়া, নীঙবা বাসকীরানি বীরীই-সে
আংগাঁই তঙগাঁই-য়ানী চাঁঙন' থিবীয়ীই।
- নাইরীঙতি : বায় কাইজাগাঁই হামজীক থাংখা হিনখাই আঙ
তা-ম' খাই তঙনানি, নন' খাতাঙ-মামাং-সে

- মুকতীয় কীলায়ীই মাই-মুই চায়ীই মাননিয়া,
লেংগীই কীলায়ীই থাংগানী, আসীক খাই কানি-ন'
থানসা খাই তঙলাইমানি।
- কাঙগাইতি : আঙ সাইচুঙ দে বুইনি ন-গ' হামজীক থাংনাই,
নরক খাইবা হামজীক থাংগীলাক দে বা ? নরক-ব'
আঙ হাই-ন' হামজীক থানাইরগতা।
- নাইথকতি : তবলে চাঙ তাবুক হামজীক থাংয়া-খ' বেলে নীঙ
হাই।
- নাইরীঙতি : দ বায় নাইথকতি সামানি ককরীবাম সাদি।
- নাইথকতি : নীঙ বাই জেতাই-ন' কাগলাইনানি আংখা, নিনি
মুকুমু নারীকনানি বাগীই সায়াই-সে মাখীনারিনাই
চাঙন'।
- কাঙগাইতি : আঙ হিন-ব' বিসি মানয়া বেলে ককরীবাম-ন'।
- নাইথকতি : নুঙ জেমানমানি-নন' সাদি।
- কাঙগাইতি : কক-রীবাম সাঅ।
- ১। আখাম বারিয়া মাখাম, উরলে আংয়া আংয়াই-ব' তঙয়া
দুর্গা পুজানি কাখাম।
তঙমান দে হাম-ন' থাংমান দে হাম-ন'
তঙগীই থাঙগানী সালখাম।
- ২। সাকা-ব' বারাই খামা-ব' উরাই
বিয়াং থানানি খারীই।
চানানি থাংখাই রিয়ক খিবনানি থাংখাই কথক
আঙলে থীয়মানি দে হাম-ন' কতক-ন' সরীই।
- ৩। দঙগই আয়ীইনি তায়সানি খুমপুই
নন' সাংয়া-য়ীই খলয়া
হাদুক দুক কলক হিমনানি হিনখাই
নীঙ বাইয়া খাইলে হিময়া।
- ৪। তেনতীরীই পুঙগ' বিসিবয়া কমবয়া জ-ন' সুডাসের
নায়লাই তঙগ' বেসের।
নিনি-ব' ফান তঙগ' বুফানি-ব' মুঙ তঙগ'
খীনাথকজাকয়া কেচের মেচের।

৫। নুকয়া খাই নুকয়া বাবাইসা
নুকখাইবা তা-ম' আংন'।
তাঙয়া খাই তাঙয়া বাবাইসা
তাঙখাইবা তা-ম' হিন-ন'।
৬। খাইচিঙ-ব' ডারয়া বিস-ব' কায়া
বিসিকীরা-ব' সায়া
কুমুই-ব' নুঙয়া কারা-ব' থীঙয়া
আনি বায় বাই-ব' কইয়া।
৭। হরি বেঙরা-জ' বলঙ সুডাঅ
খিতুঙ পীরাখনীয় তাইয়াই
রানদা বাই রানদি সিনদুল ফুলাইঅ
বিখিনি গীনাঙ খায়্যাই।
৮। বুইলে নায়্যাই তঙগ' মকল নায়থক তাই
আঙলে নায়্যাই তঙগ' মকল রিয়ক তাই
মকল-লে ককতাই ককতাই
সিয়া সায়াই মানয়া তঙতাই।
৯। বুইলে চায়্যাই তঙগ' ততীরা থকতাই
আঙলে চায়্যাই তঙগ' অক-ন' সকয়াতাই
আদা অগপীরা চাতাই
নুকয়া মাসিসি আংতাই।

নাইথকতি : বায় কাঙগাইতি নীঙখাই জেসা কক-ব' মান-ন'
নীঙ হাই কীরীঙ হাসাকাত আচায়্যাই ফায়মানি
আঙ নুকয়া-খ'।
নাইরীঙতি : আঙব' নুকয়াখ' বায় হাই জেসা কক-ন'-ব' সানানি
কীরীঙ।
কাঙগাইতি : আঙ হিনীই তা-ম' মানজানানি আঙ জে
মানমানি-ন' সায়াই খীনারিখাতা। নরগ বাই উ-ল'
তাই উইসা মালাই-লাইয়ানী দ নরগ বাই।
নাইরীঙতি : তা-ম' তাই উইসা বায় কানি-ন' সে
মা-মালাই-নাই।

নাইথকতি, নাইরৌঙতি, কাঙগাইতি থাংখা ।
কাঙগাইতি, কিতিয়া, মাদুতি ফায়খা ।

- মাদুতি** : চিনি হুগ' গাইরিঙ বীখাক-গীনাঙ সাক কুসুঙনায় খাই তাঙমানি পাইসুগাঁই মানসুগয়া-খ' বেলে । অ গাইরিঙন' তাঙখাই তাঙগাঁই পাইসুগাঁই খিবরিনানি খাইদি । হ-গ' সামুঙ তাঙগাঁই তঙনাইরগ মাইচু তীলাংখাই মাইচু-ন' খেঙগাঁই চানানি জাগা কীরাই, গাইরিঙ তঙখাইলে গাইরিঙগ' মাইচু-ন' খেঙগাঁই চলাই মা-ন' ডাতীয় পামতাই ফায়-ব' তাই উনানানি কীরাই ।
- কিতিয়া** : আউ আবখাই কক-ন', তিনি-ন' থাংগাঁই তাঙগাঁই পাইসুগাঁই রিয়াই ফায়মানি চাঅ । হিমদি নৌঙ আনি লগি, আঙ গাইরিঙ-ন' তাঙগাঁই তঙফুরু আ-ন' ডা-কঙসা কুঙসুলে য়াফারচুরাই মা-ন' লগিঅ তঙখাই । মাতিঙ তিনি নগ' তঙথুন নাইথকতি বাই নাইরৌঙতি-ন' নাহারাই ।
- মাদুতি** : মাতিঙ চাঙ নীফা বাই থাংগাঁই অ গাইরিঙন' তাঙগাঁই পাইসুকরিয়াই ফায়গীরানা-খ', নৌঙ তিনি সালসা নগ' কুমুন তঙসিদি । নাইথকতি বাই নাইরৌঙতি-ন' নাহারাই তঙলাই গীরাদিতা । চাঙ সাইরি-গ' দাগতি-ন' হাবা কারাই ফায়লাইয়ানী । নৌঙ তীয়রগ আকরগ খগাঁই তনসকদি ।
- কাঙগাইতি** : আউ থাংদি মা, সাইরি-গ' দাকতি-ন' ফায়লাইদিখু হাবা কারাই ।

কাঙগাইতি, কিতিয়া মাদুতি থাংখা ।
কাঙগাইতি, নাইথকতি, নাইরৌঙতি ফায়খা ।

- নাইরীঙতি : (কাঙগাইতি-ন' সাঅ) বায় নীঙ চাঁঙন' নীঙগাঁই
তুবুই ফায়মানি নিনি ন-গ' খুব কাহাম-ন' আংখা ।
নিনি নীফা কাকা-ব' কীরীই ন-গ', কাকা বাই কাকি
ন-গ' তঙখাই চিনি খানি কক-ন' সালাইথকয়া নীঙ
বাই আঙ বাই খা-ন' খুলগাঁই ।
- নাইথকতি : আবলে কুবুই-ন' বায়, তিনি খাই জেসা কক-ন'-ব'
বীখা খুলগাঁই সালাইসিদি জেসা কক-ন' ফা-ন' ।
- কাঙগাইতি : সাদি নরগ তিনি তামন' বীখা খুলগাঁই সানানি মুচুঙ
সাদি খাই, আঙ খীনানাই তঙগ' নরগনি কক-ন' ।
- নাইরীঙতি : বায় নীঙ আহাই খাই চাঁঙন' কক-ফিল কিসা
সায়ীই মা খীনারিনাই জেসা খাই ফা-ন' ।
- কাঙগাইতি : আঙ তাম-ন' সানানি ।
- নাইথকতি : নীঙ মাসে সানাই বায় ।
- কাঙগাইতি : (কক-ফিল সাঅ) ।

- ১। অ বাইয়া তানকি রায়াদানি দাসতু লগ-র জগ-র
দানি দাসতু খরপ,
নীঙব' ফায়দরপ আঙব' ফায়দরপ
লামজা-র' মালাই দরপ । (লামাঅ মালাইমানি)
- ২। সিচিঙ সেংমালনি সিচিঙনি যঙরঙ
সিচিঙ ব-রবক সকক ।
সকক রাজানি গাতি বার দরপ
বাদুখুঙ লাগকমানি (নীঙ বাই-ন' আংনানি হিনাই তঙমানি)
- ৩। অ বাইয়া তানকি রায়াদানি
রিগীনাই কানদি যাসকু জরা
য়াথেকসা বারা বারা
বলঙ গেগুমা সাইসা দাগেখা
কক সাখা খারা খারা । (সীরাপসা আঙ বাই কক-ন' সাদি)
- ৪। অ বাইয়া তানকি রায়াদানি
সাকনি খুম বারমা হাক-র' কাইদি
খরক বীখীনাই বারদি
কুরিয়া কুরিদক কায়সিনি
মাইচু বাঁচাঙগ' চুদি । (নীঙ সিকিলা আংখা)

- ৫। গুণ্ডরা কবর যাকতীক
 চাঙরি তলানি য়াফাতীক
 বলঙনি মীসাই বাহারাই থাংগাঁইবা
 তা-ম' ততারা গাঁদীক (নৌঙ উ-ল' আ-ন' মারীকনিয়া)
- ৬। অ বাইয়া রাঙগিয়া মায়া
 কক-ন' তাসাদি খতেব
 তীয়সা খাঙগাঁই বথেব
 য়াকনি য়াসি-ন' লেখায়াঁই খিবদি
 তীমা নৌঙ আ-ন' সতেব। (নৌঙ তামঙগাঁই অ কক-ন' সা-সীলাই)
- ৭। অ বাইয়া তানকি রায়া
 য়াসি লেখামা সিকিদে সিকি
 তা-ম' নয়ন বাই দেখি
 তাল কীরাঁই পাল কীরাঁই
 আমি হাতে কলমে লিখি। (আঙ য়াসি বাই লেখাই তনিঅ সীয়াই)
- ৮। বুউা সকগাঁই দা ছল
 খুনজু সকগাঁই কাছল
 সাদা পুসাক নাই
 আমারে কই করে বাউল।
 (আ-ন' তামঙগাঁই মাহিন আঙ থিক-ন' তঙগ')
- ৯। অ বাইয়া রাঙগিয়া মায়া
 কুকথি কুকথিয়া খাজানি তুকতি
 সাব' রি নন' জুগতি
 কই বীরা বীরা কইঅ খুম বীথাই
 রিনানি দে নন' মুক্তি। (আঙ বীখা বাই-ন' হামজাগাঁই তঙ বেলে)
- ১০। মায়ানি তয়া তয়ানি মায়া
 তা-ম' সকগাঁই মাখিব
 বাইনিক বাই খিনিক কুঙথাই কলমতীয়
 তা-ম' নায়সিগাঁই নৌঙ সিব।
 (তামঙ মানিয়া তয়া-ন' মাখিব আঙ থিক-ন' তঙবেলে)

- ১১। তীয়সা বাসকা যাসকু জরা
 তা-ম' নীঙ লাইসু লাইথাং
 রাঙগিয়া কীথাঙ থুয়ীই তঙলাংব'
 তঙখ' তাবুক-ব' মুকথাঙ।
 (তামঙ তীয়ন' বাসুই মাফায়, আঙথিক-ন' তঙগ')
- ১২। ফানচাই মলেমা উাসা
 জাদুনি মীনীয়-মুঙ থাইসা
 মায়া হরসানি চাকুরূপ-জাকবা
 নন' নায়য়ানী ফানসা। (নিনি কক খাই-ন' তইল' রিয়া)
 ১৩। রাসি রাসিয়া রাসি খাতকয়া
 রুঙ-খুঙগ' মানীয় চাকয়া
 দেপা গানদৌরীই তানীই তুবুয়া
 গদক তামঙগাঁই অীংয়া। (নিনি রাসি বাই আনি রাসি খাতকনিয়া)
 ১৪। লাইচরক হকি দুবুই দাবাইবা
 বিফিরিঙ তামঙ কীলাই
 চুর কিতিঙ কিতিঙ মীসাই তঙমানি
 তামঙ নীঙ ব-ন' সীলাই। (আঙ থিক খাইন' তঙগ'
 নীঙ তামঙগাঁই আ-ন' হিন)
- ১৫। খুমুঙ সেঙ সেঙনি
 খুমু দুরূপুই খুমু উারবক সকক
 জাদুনি সুরাং খাজু বীকীরাঙ
 তা-ম' কক-ন'বা বখক।

(নীঙ তামঙগাঁই বুই-ন' সাথাই রিবা)

নাইথকতি

: বায় নিনি ম ককফিলবা খীনাথক-ন' তিতে, নীঙ হাই ককফিল-ন' সানানি কীরাঙ তাই কীরাইনা হাই মা তঙগ'। নিনি ককফিল-ন' সীরাঙনানি বাগাঁই কানি-ন' আঙ নিনি লগিঅ তঙনাই, নীঙ হাময়া তাহিনদি বায় আ-ন' নিনি লগিঅ তঙগ' হিনাই।

- নাইরীঙতি** : আঙব' নিনি লগিঅ-ন' তঙনানি বায় কানি-ন' নিনি ককফিল-ন' সীরীঙনানি বাগাঁই।
- কাঙগাইতি** : চাঁঙ তাই কিসা হিনখাই যাঙল-ন' খিললাইয়ীই কাম খাইলাইনানিসে মীনাইসঙ, চাঁঙ বুখুকথাম খায়ীই।
(অ জরাঅ হিনখাই হুক ফায়সিংনি মাদুতি-ন' কাবীই ফায়মানি খীনাখা)।
- মাদুতি** : (কা-ব)।
রাঙচাকবা, রাঙচাকবা, রাঙচাকবা, রাঙচাকবা, রাঙচাকবা, রাঙচাকবা,
আনিলে বীসাই আঙ তঙগ' আসাই।
অ মীসা তামঙ নীঙ উথরীই মাখিব
আনিলে আঙসাই, হাময়াথুন বীসাই।
অ মীসা তামঙলে চায়ীই মাখিব।
- কাঙগাইতি** : (আমাঙ-চিমাঙ খায়ীই বুমা-ন' কক সীংগ'), অ মা নীঙ তামঙগাঁই কাবীই মাফায়খা সীলাই সাদি আ-ন' দদর'।
- মাদুতি** : নীফা-ন' মীসা উথরীই তীলাং থাংখা বলঙ কুথুক ফায়সিংগ', গাইরিঙ পাইসুকনানি তাঙনা হিনীই বলঙ ফায়সিংগ' ডা-ন' তান'নানি হিনীই থাংখা হিনখাই অ ডা-ন' তানীই তঙথানি-ন' মীসা উথরীই তীলাংগাঁই থাংখাতা নীফা-ন'। অ রাঙচাকবা চাঁঙ তাই ব-র' নীফা-ন' নুকসিনানি তাই নীফা-ন' নুকলিয়া বেলে তাবুক তামসে খাইনানি।
- কাঙগাইতি** : (কা-ব)।
জম নীঙ তা ফায়দি বাবু-ন' তাতীলাংদি
বাবু-ন' বানচেরি রিদি
বাবু থাংলাংব লামা কাসুদি
অ জম বাবু-ন' কীলাংগাঁই থাংদি।

অ মীসা বা-ন' তীলাংব' বা-ন' তাচাদি
বাবু-ন' বানচেরি রিদি।

আরা অদিননি বাসা আঙ কায়সা
নুগাঁইলে খাইরকসিদি।

মীসাই-ন' নায়সিগাঁই মীসা খুক কারতাই
বাবু-ন' খুক কারাই রিদি।

মীতাইরগ মীতাইরগ
জম রাজা নীঙ তা ফায়দি

কিফিলরি কীলাং থানদি
অ আনি বাবু-ন' কিফিরি কীলাং থাংদি।

নাইথকতি : আংখা আসীক খাই তাকাপদি-খ' জে আংনানি
তান আংগাঁই-ন' থাংখা আসীক তাকাপদি-খ' বায়
চীঙব' থায়নানি সালসা।

নাইরীঙতি : আংখা বাঁচাদি বায়, আবসীক খাই তাকাবদি-খ',
তাবুক কাপলায়ীই আংয়া বুদদিসে মা-খীলাইনাই
চীঙ।

(মাদুতি লেংগাঁই তঙমানি আয়াং উয়াং নাহা-রীই আতকাসা বাঁচায়ই ব-ন' ব-ন'
নায়-সি-গ' লক-লক খায়ীই)

মাদুতি : (কা-ব)।

সাই হিনীই কায়সা কাইজাকমা তঙগ'
মীতাইরগ বানচেরি রিদি।

সাই হিনীই কায়সা সঙমানি তঙগ'
মীতাইরগ বানচেরি রিদি।

বলঙনি মীসা উথারীই তীলাংখা
মীতাইরগ বানচেরি রিদি।

জম রাজা নন' তীলাংনানি হিনীই ফায়লাংব'
মীতাইরগ মানা খাইথুন।

তাল বাই সাল বাইলে নখাঅ তঙগ'

মাইবার খুলবারলে হাঅ ফলেঅ
কুবুই তাবুক-ব' তঙখ'।

নখানি ফেরাঙ বরঅ ককবা
আনি সাগ'সে কগী।

মাদুতি, কাঙগাইতি, নাইথকতি, নাইরীঙতি থাংখা।
মাদুতি, বিতিয়া, সমবাতি ফায়খা।

- সমবাতি** : আংখা বাচাই তাকাপসিদি, চাঙব' জেসাখাই ফা-ন' থীয়নানি-ন' নাঙনাই উাইসা। তাবুক হাম-হুময়া-ফা-ন' নিনি লগিঅ নীসাজীক কায়সা তঙজাঅ কক সাসঙ আংগাঁই, ব-ন' বিসি কাবাই তা ফুনুকদি। ব হাময়া-চায়াফা-ন' কীলাইয়াই থাংগাঁই মা-ন'। দাদা-সে থীয়াই থাংফা-ন' চাঙ তঙখ' বেলে নিনি লগিঅ তাই তা-ম' নীঙ উানানি তঙবা।
- মাদুতি** : আউ আব' কক-ন' ত-ব' বীসাই দাকদাক তঙমানি সীকলে আংয়া, বীসাই তঙমানি তঙমানি-ন' জুদা আংগাঁই তঙগ'।
- বিতিয়া** : তা উানাди বাচাই কতর, চাঙ তঙখ' বেলে। নিনি জেসা কাম-ন' নাঙগাঁই তঙব' চাঙন' সানাবা, চাঙ খায়্যাই রিনাই তঙগ' নিনি কাম-ন'। সায়্যাই সিমি-ন' রিনাবা নীঙ।
- সমবাতি** : আকন বলঙনি জাগাবা মীসা মায়ুঙ চিবুক সিনদীরাই তঙনানি-নতা। তামঙ তঙয়া আংনানি-বা। সব হিনাই কিসাফা-ন' কীরাই সুদু বলঙ সিমি-নবা, ম খাই হাসে হামখ' তেবসে মীসা বাই উাথারাই চাজগ'। বায় নায় নায়্যাইসে তঙদি।
- বিতিয়া** : চাঙ সিরি-সিতি-ন' আবতাই খায়্যাই ফায়লাইখা, বুফুরং-বা চিনি জাতি-গুসতি মুকতি মানজা' বাই-ন' তা-ম' হিনাই সানানি। আফুরং-সে চাঙ ছক খায়্যাই চামানি যাকারজাবাইনানি।

- মাদুতি : বুফুরুবা অ সাল সকফায়নানি চাঙবা মীসা বুখুকনি বুফুরু যকনানি। আবতাই সকফায়খাইত' চিনি জাতি-গুসতি উদার আংগাই থাংখামনতা। চাঙ দে অ সাল-ন' নুকলাং নুকলাংয়া চাঙবা? থায়লাইনানিসে নায়লাই তঙখা তাই কিসা খাই-ন' থায়লাই থাঙলাইয়ানী।
- সমবাতি : আউ বাচাই কতর নিনি অমন' সেই কক।
- বিতিয়া : চাঙ আব' বাই-ন' হানি ন-গ' তঙগাই মানয়া নিয়াদা। মীসা-মায়ুঙ-ন' কিরিয়াই জত-ন' নক চার খাইলাই মাতঙলাইজাঅ।

মাদুতি, বিতিয়া, সমবাতি থাংখা।
অচাই, চকদিরি, বিতিয়া ফায়খা।

- চকদিরি : বিতিয়া' নুবাচাই-রগ-ন' সাদি বিসি কাপলাই-ককলাই তা আংথুন। বলঙগ'বা মীসা তঙনাই-ন'। মীসা তঙখাই-ন' উথার' নাই-ন' জেসা-ন' ফা-ন'। নীঙ ব-ন' কিরিয়াই পাই-ন', থাংফুরু ফায়ফুরু যাপিরি কাইচমাই ফায়নানি নাঙনাই থাংনানি নাঙনাই। বিতিয়া ইক' অচাই-ন' নাহারাই নুখুঙনি উথপ মীতাই-ন' থপচা রিয়াই খিবদি।
- বিতিয়া : নীঙ ব সা-ল' ফায়াই উথপ মীতাই-ন' রিফায় মান-ন', নীঙ জেসা-ল' ফায়নানি হিনখাই অ সাল' ন আঙ রুটা-জিমা খায়াই তনিনাই, আঙ দুসকিরিনি নিয়ম তীয়াই-ন' খীনা-সনিঅন' অচাই হিন ফায়য়ানী। নিনি লগিঅ বারীউা কায়সা থিক খায়াই তনদি।
- অচাই : আউ ফায়নাবা নীঙ, আনি লগিঅ বারীউা খরক-সা-ন' আঙ লগিঅ তুবুই ফায়য়ানী। তা-উানাди নীঙ।

চকদিরি : আউ দাকতি উাথপনি মীতাই খাই খিবমানি-ন' কাহাম, বিসি তালেরদি বিতিয়া, মীতাই-ন' খায়ীই সেমা-তেমা নয়ীই তঙমানি-ন' কাহাম' লেরীই তঙখাই চানিয়া।

অচাই, চকদিরি, বিতিয়া থাংখা।

হতইতি, রঙগনি ফায়খা।

রঙগনি : চিনি কামিঙনি কিতিয়া থীয়ীই থাংজাখা। কিতিয়া কিসানি বরক কাহাম দে বা। কামিঙনি জেসা সামুঙ খাই -ব' ব-ন' সীকাঙ সীকাঙ, কামিঙগ' হাময়া-চায়া অাংগীই তঙব' ব-ন' সীকাঙ সীকাঙ, বিথি-বারাই নাহারনানি-ব' ব-ন' বুইনি সীলাই সীকাঙ থাংগীই নাহারনানি, আবতীইয়া দা বাচাই?

হতইতি : তাই তা-ম' কক-ন' হিনীই সানানি। বরক কাহাম-রগ বিসি বানচেয়া হিনমানি ককখাই সই-ন'। তাবুক অ বীসাজীক কাঙগাইতিন'বা তা-ম' খাইনানি, যাংবেলে বাসকীরা কামিঙনি চীলা বাইসে কক সীংনানি সাল থিক খাইজাক।

রঙগনি : নিনি আব-ব' কক খাই সইন'। আ-ব' কামিঙ কায়সা কামিঙগ' সালাইথুন নরগনি নকনি দাদাসঙ।

হতইতি : বুফা কীরীই হিন ফানলে বুমা তঙখ', বুখীরা বুথিরিজীক তঙখ', চীঙ কামিঙনি বরক তঙখ' তামঙগীই অ আয়ুঙ কাঙগাইতি-মা-ন' চীঙ পাল খায়ীই কাইয়ীই খিবীয়ীই মানয়া অাংনানি-বা? কামিঙগ' নাঙনাই-সকনাই বরক তঙগইবা, অ বীরীইমা খরকসা-ন' কাইয়ীই খিবনানি মানয়া তঙন'?

রঙগনি : চীঙ পাল যাক নাঙখাই কাইয়ীই মানয়া তঙ হিন? আব'বা ব মাইরঙ কিসা সম ম-স কিসা, ব

তায়-হর কিসা রিখাই-ন' সাদি-বা আংগাই থাং
বেলে পাল-ন' পাল চাঁও জত-ন' সাকনাঙখাই।

হতইতি, রঙগনি থাংখা।

অচাই, রঙগনি ফায়খা।

- অচাই : আ-ন' হিনফায়নানি হিনাই বিতিয়া সায়াই রিমানি
বুফুরু ফায়াই অচাই হিনফায়-ন' সিয়া-দ? ফালে
ফায়য়ানী তিনি খীনা-ন'। ম বারুডাসে সাব-ন'
তীলাংনানি আংখা।
- রঙগনি : নিনি লগিঅ বারুডা খরকসা তীলাংনানি দে
আসীক উনাই তঙ? নীও বারুডা-ন' তীলাংনানি
হিনখাইবা উ মাকাই-নন' তীলাংগাই থাংগাই
মানবেলে। ববা আবতীই থানানি হিনখাই
কীসীরাঙ-সে।
- অচাই : আউ মাকাই-নন' তীলাংগাই থাংমানি হা-ম', ব
খাই লগিসে নায়াই তঙগ'। বিতিয়া-সে অচাই
হিনফায়-য়াখ'তা।
- বিতিয়া ফায়খা।
- অচাই : অ ইকৈলে বিতিয়া সকফায়খা বেলে অচাই
হিননানি হিনাই। আচুক-ফায়দি ন-গ', তাবুক-ন'
নিনি মুঙন' খুলাই তঙলাইমানিতা বিতিয়া অচাই
হিনফায়নানি কক তামঙগাই তাবুক জরা
ফায়য়া-খ' হিনাই।
- বিতিয়া : ন-গ' কাম পাইলাইয়া আংগাই তঙগ' দাদা, য়াংব'
থায়লাই থাঙলাই আংলাইয়াই তঙখা হিনখাই
দয়ই ফায়াই মানয়া আংগাই তঙখাতা, তিনি খাই
কাম কিসা হল-স' আংগাই ফায়াই মানখাতা।

- অচাই : আউ অাঁংনানি-ন' কাম পাইলাইয়া'। ব সা-ল' খাইলাই-সিনাই সীলাই মীতাই, আবনি বাগাঁই-ন' ফায়না বীলা নীঙ ?
- বিতিয়া : আবনি বাগাঁই-ন' আঙ ফায়' নিনি থানি ব সাল' থাংগাঁই মান-ন' সানানি হিনীই। সাদি দা অচাই ব সাল-ব' নীঙ থাংগাঁই মানজা-ন'।
- অচাই : সীকাঙনি মঙগলবারনি সা-ল' হিনখাইলে আঙ থাংগাঁই মানানী। নীঙ খাই তা-ম' হিন সীলাই বিতিয়া ?
- বিতিয়া : আউ অ সা-ল' ফা-ন' ফায়সিদি, আঙ রুউ-জিমা খায়ীই তঙসক-গানী। নীঙ দাকতি-ন' ফায়ীই সকফায়দি।
- অচাই : আঙ আনি লগিঅ বারুটা খরকসান' লগিঅ তুবুই ফায়য়ানী বরক কাহাম-ন' নায়ীই।
- বিতিয়া : সেমা-তেমা নায়নানি কীরাঙ নায়ীই তুবদি কু দাদা।
- অচাই : মাকাই-ন' তুবুই ফায়য়ানী আনি লগিঅ।
- বিতিয়া : ব সেমা দে নায়নানি রীঙন' বা ?
- অচাই : মাকাই সেমা-ন' নায়নানি বেলাই কীরাঙ বরক।
- রঙগনি : আউ মীতাই-ন' খাইখাই খায়ীই পাইয়ীই খিবদি। দসা সনতা কাগাঁই থাংথুন, মীতাই খাই খায়ীই নিরাল খায়ীই তঙদি।

অচাই, রঙগনি, বিতিয়া থাংখা।

পাকাইতি ফায়খা।

- পাকাইতি : (সাইচুং-সাইচুং কক সাঅ), আনি বা বাই কাকা বিতিয়া কক সালাইমানি-ন' জত-ন' খীনাচমীই তঙগ' বরগ তামনি কক-ন' সালাই। আঙ আনি বা ন' সায়ীই হরনাই কাকা বিতিয়ানি ন-গ' মীতাই খাইনানি হিনীই নীঙ থাং-খাই সেমা-ন' কাহাম

খাই নায়দি হিনাই। ইথিপি-ন' কাঙগাইতি-ন' সীকাল
 বানগাই রিনানি সেব নাঙগাই তঙখা, ব-ন' অরনি
 কিসা কুতুলরিয়াই রিহরাই মান-খাই-ন' চিনিবা সাল
 কার্যাই ফায়খাতা দাগ দাগ খায়াই। আঙ ইমাঙগ'
 তইলিঙ আংগাই কাঙগাইতি-ন' বিরাই থাংমানি
 নু-গ' হিনাই তাতাল-ন' সামানি আব-ন' কুবুই খায়াই
 থিরাই রিগীরানা, নীঙসে আনি সীলাই কীপীলাই
 আংগাই তঙগাই মাননাই দে? নন' থপচা ফা-ন'
 কীপীলাই খাইয়া।

পাকাইতি থাংখা।

অচাই, চনতিয়া, পাকাইতি ফায়খা।

- পাকাইতি : বা নীঙ, ব সা-ল'-সে কাকা বিতিয়ানি ন-গ' অচাই
 আংনানি বাগাই থানানি হিনখামন? অচাই
 আংনানি থাংখাই দাকতি-ন' ফায়াই সৰফায়দি।
- অচাই : আ-ন' তামসীক দাকতি ন-গ' ফায়রী নানি মুচুঙ
 তঙখা সীলাই মাতিঙ নীঙ? অচাই আংগাই কিসা
 লেরীই থানাই ফায়নানি হিনতে হিনতে।
- পাকাইতি : আঙ নন' উইসা সামানি আঙ থুফুৰু
 কাঙগাইতি-ন' তইলিঙ আংগাই থাংমানি ইমাঙগ'
 নু-গ' হিনাই নীঙ অ কক-ন' মুয়তু দে তঙখ'?
- অচাই : আউ নীঙ উইসা আ-ন' সামানি আ-ব' মুয়তু
 কীরীইখা। নীঙ তাবুক আ-ন' সায়াই রিয়াই-সে
 আঙ মুয়তু মানসিঅ। নীঙ মুয়তু খায়াই রিখা
 হামখা মাতিঙ। কাঙগাইতি-ন' রাগাই নায়য়ানী
 ব সীকাল দে মান।
- চনতিয়া : বা বায় কতর কাঙগাইতি-ন' ইমাঙগ' তইলিঙ
 আংগাই বিরাই থাংমানি নু-গ, হিনখাই
 কাঙগাইতি সীকাল ফা-ন' মানাই মা-ন'।

- অচাই : দ নায়গাঁরানাতা মাতাই খায়ীই সেমা নায়-ফুরু
কাঙগাইতি-ন' রীগাঁই নায়য়ানী ব সীকাল আকন
দে মান।
রঙগনি ফায়খা।
- রঙগনি : নরগ কাঙগাইতিনি ককন' দে সালাই তঙ মাতিঙ?
পাকাইতি : আউ মা, কাঙগাইতিনি ককন'ন' সালায়ীই
তঙলাইঅ সীকাল দে মান-মুন হিনীই বা-সঙ বাই
মীনাই কুসু-সঙ বাই।
- রঙগনি : মানফা-ন' মা-নী কাঙগাইতি সীকাল। বন'
বলঙ-গ' কিতিয়া-সঙ উা তানথানি মানবুই
ফায়খা। তা-ম' হিনীই সানানি বিনি বুমা বা সীকাল
মাতাই হিনজাগাঁই দে বীসা কীলাই-ন' বলঙগ'
তুনসাই রিফায়জাখা তা-ম হিনীই সানানি। নীফা
সেমা-ন' নায়-ফুরু কাহাম খাই নায়থুন, আহাই
খাই-ন' সায়াই মানানী ব সীকাল দে মান মানয়া।
- অচাই : সীকাঙনি মঙগলবারনি সা-ল' চিনি কামিঙনি
মাকাই-ন' তীলাংগাঁই থানাই আনি লগিঅ। ব খাই
আনি সীলাই-ন' সায়াই মা-ন' সেমা নায়মানি
হিনখাই। বব' আনি লগিঅ হিমমানি বালকখা
বেলে।
- রঙগনি : অচাই বরক নাঙমানি ফা-ন' সাদি নাঙয়া ফা-ন'
সাদি আব-ন' সেই আংগাঁই থাংগ' অচাইরগ জে
সামানি কক হিনখাই।
- পাকাইতি : অ অচাই আংমানি সা-ল' দাকতি-ন' ফায়দিকু।

অচাই, রঙগনি, পাকাইতি, চনতিয়া থাংখা।
মাদুতি, কাঙগাইতি ফায়খা।

মাদুতি	: মাতিঙ আঙ তা-ম' লুম-তীতীক সাতীতীক আংগাঁই তঙখা, তা-ম' কিসা কিসা খায়াঁই থিয়াঁই-ব' তঙখা।
কাঙগাইতি	: হাই নীঙবা তামঙগাঁই লুমাই-বা থিয়াঁই তঙখা সীলাই? আঙ বিথি খলাই নাহাৰাঁই তুবুই ফায়গীৰানাখ', নীঙ তঙগীৰাদি-খ' মা।
মাদুতি	: থানদি মাতিঙ দসে দগীৰাদি, আনি বীসাক বাৰেমানি সাকাই বাৰেয়াঁই ফায়', দাকতি বিথি খলাই তুবুগীৰাদি।
কাঙগাইতি	: তা উনাদি মা, আঙ থাংখাই-ন' বিথি নায়তুগাঁই খলাই তুবুই চাৰিফায়য়ানী। আহাই খাই-ন' নিনি বীসাক হামাঁই থাংগানী, নীঙ তা উনাদি মা।
মাদুতি	: আংখা থাংসিদি মাতিঙ, থাংখাই-ন' বিথি খলাই তুবুদি।
কাঙগাইতি	: আঙ থাংখা মা।
মাদুতি	: অমা আঙ তাই বানচেলিয়া, আঙ তাই বানচেলিয়া (হিনাঁই চিৰিখগাঁই দমলায়াঁই থাংখা)।

কাঙগাইতি, মাদুতি থাংখা।

বিতিয়া বাই বিহিক সমবাতি মাদুতি চিৰিখকমানি-ন' খীনাই ফায়খা।

সমবাতি	: অ বাচাঁই কতর, নীঙ তামঙগাঁই সাইচুঙ সাইচুঙ চিৰিখগাঁই মাতঙ সীলাই? তামঙ য়াক য়াকুংগ' দে কীসা চায়াঁই তঙ? অ বাচাঁই অ বাচাঁই তা-ম' নিৰাল সীলাই, ন-গ' কীৰাঁই দে তা-ম? (আবতাঁই হিনাঁই বীসাই-ন' নীঙগ') অই নীঙ ফায়গীৰাদি বাচাঁই-সঙনি নগ' তা-ম' নিৰাল, বীসাজীক বা বিয়াংব' থাংখা, বাচাঁই-বা তাবুক-ন' চিৰিখগাঁই তঙমানি খীনামানি-বা বিয়াং-ব' থাংখা, নক-ব' দগা সয়াঁই তনিজাক।
--------	--

- বিতিয়া : তা-ম' আসীক কাহাম খাই আন'বা মানীওখা
সীলাই, তা-ম' বুবতাই আঙ বাই কাম দে তঙ?
- সমবাতি : তাবুক-ন' অরঅ বাচাই কতর-ন' চিরিখগাঁই
তঙমানি খীনামানি বা তাম' নিরাল সে বীলা। ইক'
নাহারদি নগব' দগা সয়্যাই তনিজাক, নীঙ দগা
ফিয়গাঁই হাবাই নায় সীলাই তা-ম' কেবনি
খরাঙ-ব' খীনায়া সিরিঙ সিরিঙ আংগাঁই তঙখা।
দগা ফিয়গাঁই হাবাই নায়গাঁরাদি থানদি।
- বিতিয়া : (বুবাচাইনি ন-ক দগা খুলগাঁই হাবাই নায়বা বীতা
কিতিয়ানি বিহিক বুবাচাইন' থায়্যাই তঙমানি নুগাঁই
তঙখা থঙগা-র কীলায়্যাই, হিনখা) অ বাচাই
কতর-বা থায়্যাইসে তঙখা বেলে থঙগা-র'
কীলায়্যাই।
- সমবাতি : (নক বিসিঙগ' হাবাই নায়বা কুকুবুই চাচা-ন'
থায়্যাই থাংমানি নুগাঁই তঙখা হিনখা) অ বাচাই
নীঙ ম তা-ম' আতকাসা মীতাই আংগাঁই থাংখা
সীলাই। অ বাচাই কতর নীঙ চাঙন' ব-র' খিবাই
থাং (হিনাই কাপখা)।

বাচাইবা বাচাইবা বাচাইবা বাচাইবা বাচাইবা,

খরকলে সাকাঅ তইলিঙ তাপুঙদি

বাচাই-ন' খাতাঙ-গানী।

বুফাঙ সাকাঅ তকথু তা পুঙদি

বাচাই-ন' খাতাঙ-গানী।

মুকতীরাই থাংখাই ইমাঙ নুগানী

আঙলে তাম' খাই তঙনাই

গাতিঅ থাংখাই নন' নুগানী

তীয়ন'লে তামখাই খকনাই।

মকললে ফিয়ক খাই নন' নুগানী

আঙলে বুবতাই খাই তঙনাই।

(বিথি-ন' খলাই কাঙগাইতি ফায়খা)

- কাঙগাইতি : মা তামঙ থীয়খা সীলাই কাকি?
- সমবাতি : নীমা থীয়াই থাংখা মায়'।
- কাঙগাইতি : নরগ মা থীয়বাই দে চিনি নগ' ফায় কাকি?
- সমবাতি : চীঙ নুখীরা বাই নীমা চিরিক খকমানি খানায়াই
তামঙ চিরিখগাই তঙখা হিনাই নক বিসিঙগ'
হাব-খা খাই নীমা-ন' কীথীয় নুকফায়খাতা।
- কাঙগাইতি : (কা-ব')।
- জম নীঙ তা ফায়দি মা-ন' তাতীলাংদি
মা-ন' বানচেরি রিদি।
- আরা অদিননি বাঁসা আঙ কায়সা
নুগাইলে খাইরক সিদি।
- মীসাই-ন' নায়সিগাই মীসা খুক কারতাই
আনি মান'লে খুক কারাই কীলাং থানদি
- মীতাইরগ মীতাইরগ,
জম রাজা নীঙলে তাফায়দি
কিফিলরি কীলাং থানদি
- অ আনি মান'ব' কিফিলরি কীলাং থানদি।
- সমবাতি : আঁখা মা তাকাপসিদি, থীয়নাই বরক থীয়াই-ন'
থাংখা। হিমদি কামিঙনি বরকরগ-ন' সাহরুই
রিবাইদি আনি মা থীয়াই থাংখা হিনাই। নীঙ
থানানি নাঙনিয়া নিনি নুখুরা থাংথুন।
- কাঙগাইতি : আনি বা-ব' কীরাইখা মা-ব' কীরাইখা, তাবুক আঙ
সাব' বাই তঙসি'নানি কাকি।
- সম্বাতি : তাবুক নীঙ তঙনানি বাগাই আঙ নিনি কাকি
কীরাই দা? নুখীরা দাগ দাগ তাবুক-ব' তঙখ' নীঙ
তাউনাদি মা, তাবুক হরসিনি' লাইয়ীই
থাংগীরাথুন। তাবুক-ব' তঙখ' নীঙ তা-উনাদি
মা, তাবুক হরসিনি লাইরিয়াই খিবি রিগীরানাখ',
পালে মলে উ-ল' জেসা তেসা।

বিতিয়া	: নীঙ তা-ডানাди मानुडा आङसे तङग'।
सम्बाति	: अ कक-न' आङ व-न' साखा।
काङ्गाइति	: नरग-न' साय्गै मा-न' काका।

वितिया, सम्बाति, काङ्गाइति थांखा।

हतइति, रङ्गनि फायखा।

रङ्गनि	: बाचाई, चिनि कामिङ्गनि वितियानि बाता कितियानि न-ग'वा तामङ्गवा आतकासा नखा फिलिगाई थांमनि हाई आंग्गाई थांखा बेले। कितिया-न' मीसा डाथारमनि हाति बारसासिख' बिहिक मादुति फुङ्साइन'से थाय्गै थांखा किसा लुमतुतुक सातुतुक आंमनि बाईसे। हाति बारसानि विसिङ्ग' बिहिक बाई बासाई थाय्लाइनानि तङ्ग' हिनमनि हाई।
हतइति	: ता-म' हिनई सासिनानि ताई। ताबुक अ बासाज्जक काङ्गाइतिवा साव' बाई तङ्गनि आंखा, आयां बेले पालक-रिजाकनई बाँरई।
रङ्गनि	: ता सालाईदिख' बाचाई, आनि मातिङ्ग पाकाइतिमा थुफुरु इमाङ्ग' नुकमनि हिनखाई काङ्गाइति-न' व-र' तहलिङ्ग आंग्गाई विर्राई थांमनि नुक-फन, ववा साकाल आकन दे मान्नाई तङ्ग' हि-न'?
हतइति	: आनि मातिङ्ग मतिया मान'-व' आङ्गु डाईसा सामानि खानाखा काङ्गाइति-न' ताखुक आंग्गाई विर्राई थांमनि नुक-फन व थुफुरु इमाङ्ग'। काङ्गाइति साकाल-न' मान्नाई तङ्ग' हिनखाई अचाइरग तीय-न' कारफुरु नुले नुगजागानी साकाल दे मान मानया।
रङ्गनि	: उ साकाङ्ग'से नुकजागाई थांखामन कितियानि बिहिक मादुति थाय्गै थांग्गाईसे। आनि नकनि

বরক-ন' বিতিয়া অচাই হিনফায়মানি, মাদুতি
থায়্যাই থাংগাঁই থাং মানলিয়াতা, অ সাল'-ন'
সীকাল দে মান মানয়া সায়্যাই মানাঁই থাংখামন।
মাদুতি থায়্যাই থাংখাই থাংগাঁই মানলিতা।

হতইতি, রঙগনি থাংখা।
মতিয়া, পাকাইতি ফায়খা।

- পাকাইতি : বায় মতি, ম থিপি খাই চিনি তে-ব' আঁসুকখা
কাঙগাইতি-ন' সীকাল বানকনানি। ব-ন' সীকাল
বানগাঁই চিনি কামিঙনি নখররিয়্যাই রিহরাঁই
মানয়া-সাক জরাতাঁই চিনি তাই সানতি কীরাঁইখা।
- মতিয়া : আউ আবতাঁই-ন' বুমা নক বিসিঙ সাইচুঙ থায়্যাই
তঙফুরু হিনখাই কাঙগাইতি নগ'সে কীরাঁই
হিনবেলে। পাকাইতি নীঙব' নীফা কাকা-ন' সাদি
তাই উইসা কাহাম খায়্যাই। আঙব' তাই উইসা
সাউনানী আনি বা-ন' কাহাম খাই।
- পাকাইতি : নীঙ সায়াফা-ন' আঙ খাই কাহাম খাই-ন' সায়্যাই
খীনারিখা আনি বা-ন'। আঙ তাবুক থাংগাঁই তাই
উইসা সাউনানী।
- মতিয়া : তাবুক আঙ ন-গ' থাংগাঁই তাই উইসা খায়্যাই
সানাই-ন' সানাই আনি বা-ন'।

মতিয়া, পাকাইতি থাংখা।
কাঙগাইতি, নাইথকতি, নাইরীঙতি ফায়খা।

- নাইরীঙতি : বায় আ-ব' তামঙগাঁইবা আসীক দাকতি দাকতি
খায়্যাই থায়্যাই মা-থাংখা সীলাই নিনি মা-বা। আঙ
আতকাসা নিনি মা থায়্যাই থাংমানি-ন' কাহাম খাই
উনাসুকখা তামঙগাঁইবা আবতাঁই আঁংখা হিনাঁই।

- নাইথকতি : আঙব' অ কক-ন' খীনায়াই আতকাসা থরসাসে
সুনদুরাই থাংসিঅ বীখাঅ মীলাঙ চায়াই।
- কাঙগাইতি : আঙব' অ সা-ল' মা-ন' দরপসাখাই থীয়ানী
হিনাই সায়াই মানয়া আঙ। কিসা লুমতুতুক
সাতুতুক আংগ' হিনাই আ-ন' সাখাই আঙ বলঙগ'
থাংখা বিথি খলাই তুবুই চারিনানি হিনাই। বিথি
খলাই তুবুনানি হিনাই বলঙগ' থাংসানি খাই-ন'
য়াং ন-গ' মা থীয়সক তঙখাতা সাইচুঙ।
- নাইরৌঙতি : নীঙ তাবুক সাব' বাই তঙজা-সিনানি সীলাই বায় ?
- নাইথকতি : ব তাই সাব' বাই তঙসিনানি-বা, বিনি কাকা
বাই-ন' মাতঙসিনাই তা, তাই সাব' বাই
তঙসিনানি-বা ?
- নাইরৌঙতি : আংয়া খাই আঙ বাই ফা-ন' ফায়দি বায়।
- নাইথকতি : নাইরৌঙতিনি আ-র' আংয়া খাই আঙ তালাংগাই
থাংফাইয়ানী বায় নীঙ কিসাফন' তা-উনাদি চাঙ
নিনি বাগাই তঙগ'। আঙ কীরাই খাই ব কীরাই
দা, বায় নীঙ কুসতামফা-ন' উানা সেরে- সেরে
তাআংদি চাঙ কীরাই দা।
- কাঙগাইতি : আনি মা বাই বা থীয়াই থাংফা-ন' আনি কাকা
অগ আনি কাকি অগ-সঙ তঙগ', বরগ কারাই-ব'
আনি অরঅ জাইতি-গুসতি তঙগ', বরগ-ন'
কারাই-ব' নরগ আনি মীনাই-সঙ তঙগাই আঙ
তাই তামনি উনাই তঙনানি-বা ? উানায়া নরগ
জত-ন' তঙগাই।
- নাইরৌঙতি : চাঙ তঙসাক নীঙ কুসতামফা-ন' উানানি
কীরাই।
- নাইথকতি : তাসে তা উনাদি বায় চুঙ তঙসাক।
- কাঙগাইতি : উানায়া মীনাই-সঙ আঙ নরগ তঙসাক।

কাঙগাইতি, নাইথকতি, নাইরীঙতি থাংখা।
অচাই, বিতিয়া, রঙগনি ফায়খা।

- বিতিয়া : দাদা, উ সীকাঙগ'-ত' চিনি নুখুঙনি উাথপ মীতাই-ন' খায়ীই মানলিয়া আনি ন-গ' বাচাই কতর খায়ীই তঙগীই। ম খিপিঅ নীঙন' ফায়ীই খায়ীই মারিফায়নাইতা, ব সাল-বা নীঙবা থাংগীই খায়ীই রিয়ীই মানজা-ন'।
- অচাই : থানানি হিনখাইবা সীকাঙনি মঙগলবারনি সাল-ন' থাংগীই মাখাইয়ানীতা বার কাহাম-ন' নায়ীই। নীঙ তাবুক থাংগীই মীতাই খাইনানি বাগীই রীডা-জিমা খায়ীইদি, অ সা-ল' আঙ মাকাই-ন' বারুডা হিনাই তীলাংগীই থাংগানী নীঙ ন-গ' থিক খায়ীই তঙসকদি।
- বিতিয়া : দাদা, তামঙগীই আনি নগবা আসীক দসানি সাকাই দসাবা নাঙগীই তঙখা মীতাই খায়ীই তঙফুরু সেমা-ন' কাহাম খাই মানায়নাই নীঙ। তকবুক কিচিক কাপীলা দে বীথা বীথাইবা কাহাম দে আবব' কাহাম খাই মানায়নাই দা অচাই।
- অচাই : নায়য়ানী নীঙ আবনি বাগীই তাউনাদি বিতিয়া।
রঙগনি : কাই বিতিয়ানি ন-গ' হিনখাই দসা নাঙসীকখা-ন' তালসানি বিসিঙ-সে বীতা বাই বুবাচাই খায়ীই থাংনানি হিনখাই। থানদি নীঙ থাংগীই মীতাই খাইফুরু সেমা-ন' জুইত খাই নায়দি বিনি নগবা তা-ম' দসাবা নাঙখা।

অচাই বিতিয়া রঙগনি থাংখা।
বিতিয়া, সমবাতি ফায়খা।

- সমবাতি : নীঙ থাংগীই অচাই হিনমানি বরক ফায়নানি দে আঁংখা? ব সা-ল' ফায়নানি হিন সালাই দে ফায়খা?

- বিতিয়া : মিয়া-ন' আঙ থাংগাঁই সালাইখা বেলে, সীকাঙনি মঙগলবারনি সা-ল' ফায়নানি কক হিনীই থিক খালাইখা।
- সমবাতি : অচাই ফায়ীই মীতাই খাইফুরু হিনখাই সেমা-ন' কাহাম খাই নায়থুন তামঙগাঁই দাদা-সঙনি নগ'বা আবতাই আংলাইখা তালসানি বিসিঙগ'-ন' বরগ হিসাকনীয় দদপ-দাদাপ খায়ীই কীলায়ীই থীয়লায়ীই থাংলাইখা। অ-র' জেসা ফা-ন' মুঙসা আংগাঁই তঙখাতা, মাগীনাই তালসানি বিসিঙ খরকনীয় থীয়য়া। অচাই সেমা কাহাম খাই নায়খাই জেসা মুঙসাফা-ন' নুকজাকনাই সীকাল ফা-ন' আংথুন মীতাই ফা-ন' আংথুন।
- বিতিয়া : নায়গীরানাতা সেমা-ন', আফুরু নুকজাগানীতা। সীকাল দে আংন' মীতাই দে আংন'। নীঙন' সেমা-ন' কাহাম খাই সীংদি।

বিতিয়া, সমবাতি, থাংখা।
অচাই, মাকাই ফায়খা।

- অচাই : চীঙ ফায়খা বিতিয়া, ই-ক' আনি লগিঅ মাকাই-ন' তুবুই ফায়খা বারুউ খায়ীই। ব-ক' মীতাইনি উরগ সীনামজাক-বাইখা দা ?
- বিতিয়া : সীনামজাকবাইখা দাদা, তাবুক নীঙ তুকুই-মুসুই ফায়ীই মীতাই-ন' খাইনানি সিমিসে।
- মাকাই : ব-ক' তুবু-বাইদি খাই মীতাই খাইনানি মানীয়-রগ। মীতাইখাই খায়ীই পায়ীই থিবদি দা অচাই, সাল চুগাঁই তঙখা।
(অচাই উথপ মীতাই-ন' খাইখা ইলিম-ন' সায়ীই, উথপ মীতাই-ন' দুউই রিয়ীই তক রাখারীই তকখীই তকবুক নায়খা। সেমা দে হাম

হিনাই নায়খা। বিতিয়ানি নুখুঙগ' তা-ম' নাঙ
 তঙখা হিনাই নায়খা। জ-ত' বীরাইনি মুঙন' খুয়াই
 সীকাল দে রীঙ মীতাই দে রীঙ হিনাই কায়সা
 কায়সা খায়াই রীগাই নায়খা। নায়বা
 কুসতাম-ফা-ন' নুকয়া। বীখা বিসিঙগ' অচাই
 উনাজাকখা। আফুরুখাই বীসাজীক ব-ন' সামানি
 আতকাসা মুয়তু অীংখা। অ আ-ন' আনি
 আঙসাজীক পাকাইতি কক থায়সা সামানি তঙগ'
 আঙ খুয়াই তঙফুরু কাঙগাইতি-ন' তইলিঙ
 আংগাই বিরীই থাংমানি নু-গ' হিনাই। আঙ
 কাঙগাইতিনি মুঙ রি-নী, সীকালসে খায়াই বুখা-র'
 হিনাই সায়াই রিনাই। আঙ লে অচাইবা তাতাল
 সাফা-ন' কুবুই সাফা-ন' আনি কক-ন' হিনখাই
 বুই পুয়তু থাংনাই)

- মাকাই : আঙলে মীতাই খাইথানি সেমা-ন' কাহাম খাই
 নায়সিগাই নায়মানি কুসতামফা-ন' নুকমানি
 কীলাইয়া দা অচাই।
- অচাই : নীঙ নুকয়াফা-ন' আঙ নুকখা মাকাই।
- মাকাই : সাব' সীলাই সীকাল।
- অচাই : খীয়নাই কিতিয়ানি বীসাজীক পালক-রিজাকনাই
 কাঙগাইতি-তা।
- মাকাই : আ-ব' সীকাল দে মানবা?
- অচাই : কাঙগাইতি বেজান সীকাল জুলুমসে। আঙ
 তকসানি বুবুক বীথাই-ন' নায়থানি-ন' দাগ দাগ
 নুকজাগাই তঙখা অ পালক-রিজাকনাই মা-ন'।

অচাই, মাকাই থাংখা।
 বিতিয়া, অচাই, মাকাই ফায়খা।

- বিতিয়া : দা অচাই, নীঙ মীতাই খাইবাইখা বা আচুক ফায়দি। মাকাই বারুডাব' আচুক-ফায়দি। মাকাই নীঙ চুডাক চমীই তায়-ন' কারীই রিদি, অচাই চেঙয়া-সানি নীবাচুই অচাই-ন' সেমা সীংফায়থুন।
- মাকাই : আউ বাচাই-ন' সেমা-ন' সীংফায়থুন, ব-ন' সেমা-ন' সীংনানি মীচাঙগ'। বাচাই-ন' নুঙগীই নাহারদি দা বিতিয়া।

সমবাতি ফায়খা।

- সমবাতি : আ-ন' নুঙনানি নাঙয়া, আঙ ফায়নানি হিনীই-ন' তঙগ', হরদি আরাক খুরি-ন' আঙ সেমা সীংনানি।
- অচাই : ফায়দি সেমা-ন' সীংফায়দি খাই বিতিয়ানি বিহিকরগ।
- সমবাতি : (আরাক খুরি-ন' অচাইনি যাকুং গানাঅ রিয়ীই খলুমীই সেমা সীংগ') বাহাই দাদা, সেমা তেমা বা কাহাম দে হাময়া?
- অচাই : বাবাই সাখাই কাহাম, বাবাই সাখাই হাময়া। আঙ অচাই বরক কক-ন' সামানি বা নরগ বিসাস দে থাংন' থা থাংয়া আব' বাই-ন' সারাগয়া হাই অীংগীই তঙমানিতা, সাখাই-বা নরগবা তা-ম' হিন-ন' হিনীই।
- সমবাতি : দ সাদি দাদা চীঙন' তা কিরিদি তালাচিদি। গীলাঙ তাঙফীলা খায়ীই-ন' সাদি অ-র' তাই কে-ব' কারীই চীঙ নক কায়সানি বরকসে।
- বিতিয়া : সাদি দাদা নীঙ সেমা নায়মানি, নিনি সেমা বুবতীই সাদি কাহাম দে হাময়া। কাহাম খাই কাহাম হিনীই সাদি, হাময়া খাই হাময়া হিনীই সাদি।
- অচাই : আঙ সাসুগীই রিনাই, নরগ হাময়া তাহিনদি আ-ন'।

বিতিয়া	: সাদি দাদা বীখা খুলাসা কারেয়্যাই-ন'।
অচাই	: নরগনি নুখুঙগ' দসা ফীনাঙগীই চাকুরংবীই তঙনাই-বা নরগনি নুখুঙনি বরকসে বীলা। তাই তাম-ন' সানানি কক-ন' কিতিয়ানি বীসাজীক পালক-রিজাকনাই কাঙগাইতি-সে সীকালনি ইলিম মানীই নরগনি নুখুঙ-ন' চাকুরংবীই তঙনাই ব'সে আসীক সা-ল'। আঙ তাবুকলে গীলাঙসাখাই মুঙ সায়ীই রিখা।
বিতিয়া	: অ পালক-রিজাকনাই বীরীই কাঙগাইতি দে চাকুরংবীই তঙ? সীকালজীকমা নন' আঙ নারীকয়া, আনি দা-ন' ছল-গীরানাখ'নন' তিনি-ন' তানীই খিবি-রিনানি। সায়ীই মানানী নন' আঙ তাম' খাই খিব।
সমবাতি	: আহাই তা অীংদি-খ' নীঙ। বুই খীনায়াই থাংগানী।
অচাই	: উ-ল' সালাইদি কীচাঙ কীচাঙ খায়ীই।
মাকাই	: তাবুকয়া-খ' দাদা বিতিয়া, উ-ল' নক কায়সা সালাইদি।

অচাই, বিতিয়া, মাকাই, সমবাতি থাংখা।

সম্বাতি, কাঙগাইতি ফায়খা।

সমবাতি	: নন' অচাই সীকাল হিনীই চংগীই কীলাঙগীই নিনি কাকা নন' তানীই খিবনানি হিনীই বিনি যাকনি দা-ন' ছলীই তঙখা। হিমদি নন' নাইরীঙতি-সঙনি ন-গ' থাংগীই তুনীই রিয়ীই ফায়মানি হা-ম'।
কাঙগাইতি	: অ কীপাল আঙ সীকাল রীঙয়া কাকি। বুই আ-ন' কীরীঙ হিনীই পুয়তু থাংব' নীঙ পুয়তু তাথাংদি, আঙ সীকাল রীঙয়া কাকি।
সমবাতি	: নীঙ সীকাল রীঙফা-ন' রীঙয়াফা-ন' উ-ল' সাদি তাবুক তাসাদিখ'। তাবুক সাক বানচেয়ীই খিবরিগীরাদি, হিনমদি দদি তাবুক।

সমবাতি, কাঙগাইতি থাংখা ।
কাঙগাইতি, নাইথকতি, নাইরৌঙতি ফায়খা ।

- নাইরৌঙতি : অচাই হাঙগীরাসে নন' অসই সীকাল হিনাই
চংথারাই রিবা, নীঙ তা-উানাডি বায় চাঙ নিনি
লগিঅ তঙগ' ।
- নাইথকতি : চাঙ কামিঙ সুদানি বরক-রগন'খাইত' পাইনিয়া,
খরকসা খরকসা খাই ফায়থুন চাঙব' বীরাই-ন' ।
- নাইরৌঙতি : আ-ব' অচাইনি ককলে আংলিয়ানা বুই
কায়সা-সীক বাতগাই সাখীনা অ অচাই-ন' । আব'
বাইসে বুইনি কক বাই ব নন' সীকাল হিনাই
সাখীনা । অব-ন' সানাই মানলে মানজাগানী
উইসালে উইসা নায়াই তঙদি বায়, আঙ সায়
সাইমা সাখা ।
- নাইথকতি : তাবুক নায়চমলাই তঙদি । খীনা-ব' নায়চমলাই ।
তঙদি সা-ব' অ কক-ন' সানাই । বায় কাঙগাইতি
বিসানি বরক কীলাই ফায়মানি দা সীকালনি
ইলিম-ন' মানীই তঙনানি ? অ কক-ন' খীনাই দে
বুই পুয়তু থাংন' ? থাংয়া ।
- কাঙগাইতি : আঙ সীকাল মানয়া, আনি অ কক-ন' নরগ কাহাম
খাই পুয়তু থাংবাইদি । আঙবা বুইনি না-ল' খা-ল'
কীলায়ই তঙজানাই বীরাইসে । বুই আ-ন' সীকাল
হিনাই পুয়তু থাংফা-ন' নরগ পুয়তু তাথানদি
মীনাই-সঙ ।
- নাইথকতি : থাংয়া বায় নন' সীকাল মা-ন' হিনাই ।

কাঙগাইতি, নাইথকতি, নাইরৌঙতি থাংখা ।
চকদিরি, অচাই, রঙগনি, হতইতি ফায়খা ।

- চকদিরি : অচাই নীঙ ব-র' বিতিয়ানি ন-গ' অচাই আংগাই সেমা নায়ফুরু কিতিয়ানি বীসাজীক কাঙগাইতি বরগনি নুখুঙগ' সীকাল আংগাই বুমা বাই বুফা-ন' বুথারাই খিবাই নুখুঙ লান-সান খাইয়াই খিবখা হিন? আব' কুবুই দা নিনি সেমা নায়থানি নুকজাক হিন? আব' কুবুই-ন' না?
- অচাই : জে আনি সেমাঅ নুকমানি খাইত' আহাই-ন'। তকবুক কিচিক বীথাই হাময়া, আঙ জ-ত' কামিঙনি বীরাইরগনি মুঙন' খুয়াই কায়সা কায়সা খায়াই রাঁগাই নায়খা, কাঙগাইতি-মাংন' ফর-ফর খাই নুকজাকফায়' আব বাই-ন' বন'ন' মাহিনখাতা।
- রঙগনি : আসীক সিকিলা তরসীকয়া-সানিসে আবতাই খাই বরক বুথারাই তঙগাই মা-ন হিনখাই উ-ল' সিকিলা জুগবার আংখাই ব তাম' আংনাই, তনিনিয়া চিনি কামিঙনি বরক-রগন' চায়াই খিব-বাইয়ানী জত'-নন' সাব খায়াই।
- হতইতি : আঙলে বিসি পুয়তু থাঙয়া মীতাই ককন', তামঙগাই হিনবা ব-ন' বলঙগ' বিসানি বরকসে মানবুমানি হিনখাই ব ব-র' সীকাল রাঁগাই তঙনানি-বা? দ ম কক-ন' উানসুকলাই নায়-সীলাই।
- চকদিরি : তাই তা-ম' উানসুকথাই তঙসি, সীকাল হিনখাই সীকাল-ন' সীকাল। ব-ন' চিনি কামিঙগ'সে নারীগাই তনিমানি হামলিয়া।
- হতইতি : অ কীপাল ব-ন' ব-র' তনিনানি সীলাই?
- চকদিরি : ব-ন' তাই তা-ম' খাইনানি, চিনি কামিঙনি থাবেঙ-মানি আরি-নি আয়াঙ না-র' খাই তুনাই রিয়াই ফায়দি ব জেথানি ফা-ন' থাংথুন, জেথানি ফা-ন' থায়াই তঙথুন আ-ব' চিনি দায়িয়া।

অচাই
হতইতি

: নিনি ককতাইফা-ন' আংথুন দা চকদিরি।
: আরা অদিননি বরক আরা অদিন বাই-ন'
থায়সিনাইতা।

চকদিরি, অচাই, রঙগনি, হতইতি থাংখা।
লুকুরগ ফায়খা।

লুকুরগ জত-ন' কুথুমলাইয়াই পাল-পাল
খায়াই কাঙগাইতি-ন' নায়তুগাই রমাই তুবুই
বাঁচাঙগ' খায়াই সাকাল-সাকাল হিনলায়ই
তুবুলায়ই ফুঙসা-ফুঙসু বুয়ই লামা বুমানি
আরি-ন' পার খায়াই রিফায়খা নীঙ থীয়ই
থাংসিদি সাকালজীকমা, নীঙ বরক-ন' ডাথারাই
চাসিদি তাবুক-লে, হিনাই দাগারাই রিহরখা
কাঙগাইতি-ন'। কাঙগাইতি-ন' দাগারাই রিহরফুরু
কীলায়ই গেরগাই থাংখা দলা-মচা খায়াই।
আফুরুখাই লুকুরগ জত-ন' ব-ন' নায়সিগাই য়াফা
তমাই মীনায়লাইখা হা-হা-হা হিনাই।

লুকুরগ থাংখা।
কাঙগাইতি ফায়খা।

কাঙগাইতিন' আবতাই খায়াই রিহরবাই- খাই
ব আফুরু খাই তীরীক তীরীক খাই লাথা সুংগাই
বাঁচায়ই বলঙনি লামাতাই সাইচুঙ হিমাই ফায়খা।
ফায়ই সাইচুঙ-সাইচুঙ ডানসুগাই আঙবা তাবুক
তা-ম' খাইনানি হিনাই। নায়বা বলঙ বিসিঙগ'
বুফাঙ বুগুরুঙ কায়সা মালাই খাই অ বুফাঙ
বুগুরুঙ-গ'-ন' হরসা থুয়ই হর-ন' আইখা।
কাঙগাইতি মাই অক খাইজকমানি দারাতে বুফাঙ

বীথাই ডা বীথাই চায়ীই আহাই-ন' তঙজাখা ।
 আবতীই অীংতে অীংতে সালসা সালনীয় অীংগীই
 হাতি বারসা অীংগীই তালসা-রগনি বিসি অীংগীই
 থাংখা, যাং বিনি বীসাক হিনখাই যঙ কাথি হাই
 অীংগীই থাংখা । রামীই থীয়াই থানানি সিমি-ন'
 তঙসিঅ । আবতীই অীংতে অীংতে সালসা দরম'
 বাই করম'-ন' লামাঅ হিম-তীতীই মালায়ীই রিখা ।

দরম' বাই করম' ফায়খা ।

- দরম'** : (আতকাসা কাঙগাইতি-ন' নুগীই রিখা ব সাংখা)
 নীঙ সা-ব'-ব' বীরাইমা অীংখা ? নীঙ তামঙগীই
 সাইচুঙ-সাইচুঙ ম বলঙ লামা-ন' হিমীই মাতঙখা
 সীলাই সাদি চাঙন' বীরাইমা ।
- করম'** : সাদি বীরাইমা তামঙ নীঙ মীতীই মা-অীংখা বীখা
 খুলগীই চাঙ-ন' । তাকিরিদি চাঙন' তা লাচিদি সাদি
 নীঙ । আনি মুঙ হিনখাই করম' বিনি মুঙ হিনখাই
 দরম' চাঙন' সাখাই চাঙ নন' তা-ম' খায়ীই মান
 নায়য়ানী ।
- কাঙগাইতি** : আনি কীপালনি কথমা-ন' সানানি হিনখাই
 গিলামা-ন' তঙগ' । আ-ন' আগিঅ বাসকীরা
 বলঙগ' ডা তাননা থাংনাইরগ আন' বিসানি বরক
 মানীই ন-গ' তুবুই ফায়খা । অ ডা তাননাই কিতিয়া
 আ-ন' তুবুই পালক খায়ীই আ-ন' পুসি' ফায়খা,
 অ আ-ন' পুসিনাই বিনি বীসাজীক অক হাইখাই-ন'
 আ-ন' তনিখা । বরগ বাইন' আঙ তরীই সিকলা
 অীংখা, উল খাই আনি বা হুগ' গাইরিঙ তাঙগীই
 পাইসুগীই রিনানি হিনীই মা বাই থাংখাই অ
 গাইরিঙ তাঙথানি-ন' অ আনি বা-ন' মীসা
 ডাথারীই তীলাংগীই থাংখা । বা-ন' নগ' মানবুলিয়া

মা সাইচুঙন' কিফিলৌই ফায়খা কাবৌই। আবনি হাতি বারসা উল' খাই-ন' মা আতকাসা লুমতৌতৌক সাতৌতৌই আংগৌই থায়ৌই থাংখা। অ থায়ৌই থাংমানি-ন' কামিঙনি অচাই নাহাৰৌই উথপনি তায় কাৰৌই সেমা নায়ফুৰু হিনখাই আ-ন' সৌকাল চংগৌই সৌকালসে ব হিনৌই আ-ন' কামিঙনি রৌখীলাই রিহরখাই আঙ বলঙ বলঙগ'—মাং তঙগৌই থানানি জাগা কাৰৌই বাই মৌতৌই খাই মাতঙখাতা।

করম'
কাঙগাইতি

: তাই তা-ম' আংখা সাদি কুবুই কক-ন' খুপৌরৌই।
: নরগ খরকনৌয়ত' সাব' আংগৌই তঙখা আঙ কিসাফা-ন' সিনিয়া ত-ব' নরগ-ন' আঙ জে মালাইমানি অ কক-ন' সায়াই খৌনারিউনৌ। খৌনাদি তাবুক আঙ সামানি। সালসা আ-ন' সৌকাল মাননাই হিনৌই রৌখীলাই রিহরখাই আঙ তাই তঙনানি জাগা কাৰৌই বাই বলঙ বিসিঙগ'ফা-ন' সাইচুঙ তঙসিউনৌ হিনৌই বলঙ বিসিঙগ' হাবৌই বুফাঙ বুগুৰুঙ নায়তুগৌই অ বুফাঙ বুগুৰুঙ বিসিঙগ' খাই হ-র' হাবই থুঅ, সা-ল' হিনখাই বুফাঙ বীথাই উনি বীথাই-ন' নায়তুগৌই চায়ৌই তঙখাতা।

দরম'
কাঙগাইতি

: তাই তাম' আংখা সাদি জ-ত' পাইসুগৌই জে আংমানি।
: সালসা হিনখাই আঙ হাঅ তঙতৌতৌই বলঙনি কক বীথাই-ন' খাৰ্গৌই চায়ৌই তঙগ' অ জরাঅ হিনখাই বিয়াংনি-ব' মৌসা কতর-মা ফায়ৌই আ-ন' উথারনানি হিনৌই বলঙ বিসিঙনি বুফাঙ থুনতাঅ খাৰ্গৌই আ-ন' নায়চমাই তঙফায়খা। অ মৌসা-ন' আঙ আবতৌই খাই তঙমানি নুগৌই দদর দদর অ ককনি বুফাঙ সাকাঅ কাঁসায়ৌই থাংখা, আ-ন'

বুফাঙগ' কীসায়ীই থাংমানি নুগাঁই অ মীসা ফায়ীই চপরবীই রিফায়খা, মীসা চপরবীই রিফায়-ফুরু আনি য়াগীরানি য়াকুংগ' বিনি য়াসকু নাঙগাঁই কীসা কতরমা অীংগাঁই থাংখা।

দরম'

কাঙগাইতি

- : আবনি উ-ল' তাই তা-ম' অীংখা সাদি।
- : খীনাদি সালসা আঙ কুসতামফা-ন' মীচায়ী অীংগাঁই মাই অক খীইমানি কুল কীরীইখা অীংগাঁই বলঙনি খুমতু-ন' ফা-ন' কিসা খাগাঁই চাডানী হিনীই থাংগাঁই খাগাঁই চায়ীই তঙগাঁইখা। আফুরুংখাই বরনি-ব' মুইসেলে মাসা জুবীরানি নখরীই আ-ন' চানানি হিনীই খুডাচারাবীই ফায়খা। অ মুইসেলে-ন' আঙ আচুমসা নুগাঁই কাবীই থাংমানি-বা হরুংটাগ সাকানি কীলায়ীই সালসা তাই দিপরসা লেংগাঁই তঙখা। উলসে সিচায়ীই আঙ তঙমানি বুফাঙ বুগুরুংগ' থাংগাঁই রকয়ীই মা-তঙগাঁইখা। অ আ-ন' রীকফেরেনাই মুইসেলে বিয়াংব' থাংখা আঙ সায়ীই মানলিয়া। অ কীলাইমানি জাগা হারেপেক অীংগাঁই আঙ বানচেয়ীই থাংখা, অীংয়া খাই থীয়ীইসে থাংখামন আরন'।

করম'

কাঙগাইতি

- : আবনি উ-ল' তাই তা-ম' অীংখা সাদি জত-ন' পাইসুগাঁই।
- : আঙ জত' তা-ন' খুপীয়ীই সালিয়াফা-ন' কিসা কিসা খাই সায়ীই খীনারি-ডানী নরগ-ন'। আ-ন' সীকাল হিনীই নকনি রীখীলাই হরীই বলঙগ' ফায়ীই গঙ-মাথাই বাইব' ডারনানি হিনীই রীকফেরে-জাকখা, চিবুক কাঙসম বাই-ব' সুকনানি হিনীই রীকফেরে জাকখা, তাই কুবুনি-ব' গিলামা দসা মালাইখা, তাইরকগ-ন' সালিয়া। আগিঅ আঙ মা বাই বা বাই তঙফুরু মাই

অকপুঙসা চায়্যাই তঙমানি তাবুক আঙ মাই হিনাই
 মীচায়া বাই আনি বাঁসাক তামঙ থাংখা নায়সিগাঁই
 নায়দি যঙ কাথি হাহাই আংগাঁই থাংখা, (আবতাই
 সায়্যাই কাব্বাই করম' বাই দরম'-ন' খুলুম', আ-ন'
 উদার খাইয়্যাই রিদি হিনাই, সীংগ' নরগ সা-ব'
 আংবাইখা আঙ বাই সিনিজাকদি।)

- করম' : আনি মুঙ খাই করম' বিনি মুঙ হিনখাই দরম',
 চীঙ দরম' বাই করম' চীঙ খরকনীয় কাগলাইয়া।
- দরম' : নিনি মুঙ তা-ম'?
- কাঙগাইতি : আনি মুঙ কাঙগাইতি।
- করম' : নীঙ তাউনাদি কাঙগাইতি, নীঙ আসীক না-ল'
 খা-ল' কীলাইয়্যাই তঙমানি নন' চীঙ ইলিম থাইসা
 কীলাংগানী, অ ইলিম-ন' নীঙ সাখাই জেসা ফা-ন'
 খায়্যাই মা-ন' জেসাফা-ন' আংগাঁই মা-ন', নীঙ
 কুবুনি জাগাঅ কামিঙ তা-খাদি ম বলঙগ'-ন'
 কামিঙ খায়্যাই তঙদি, উ-ল' নন' বুই জতন'
 রীকথারাই মাফাইবাইয়ানী রুপ রুপ খায়্যাই।
- দরম' : নন' চীঙ সামানি ইলিম-ন' নুঙ মুয়তু নারীকদি।
- কাঙগাইতি : নারীগানী সাদি আ-ন'।
- দরম' : খীনাদি কাঙগাইতি মায়', খীনায়্যাই মুয়তু খায়্যাই
 নারীকাদি।
- কাঙগাইতি : দ সাদি নরগনি ইলিম-ন'।
- দরম' : কেন কেনিয়া কেন কেন, মেনমেনিয়া মেন মেন,
 আনি সীলাই নীঙন' চেন।
- কাঙগাইতি : মুয়তু নারীগাঁই মা-ন' নরগ সামানি ইলিম-ন'।

দরম' বাই করম' থাংখা।

- কাঙগাইতি : ম আঙ তাবুক দরম' বাই করম'নি ইলিম
 মারীক-মানি-ন' পুইলা তা-ম' খাইমানি হামখা?

সীকাঙ মাই-ন' চায়ীই খিবমানি হা-ম' মাই অক
 খাইমানি কুল কীরীইখা। সেইত' কেনকেনিয়া
 কেনকেনে, মেনমেনিয়া মেনমেন, আনি সীলাই
 নীঙ চেন তাবুক-ন' মাইরাঙ ফুতিখক তঙনাই বাই
 মাই খুর-জাকতাই আংগাই তাই বিনি লগি দালদক
 দালসিনি তহান উাহান সংজাক মুই সংজাক
 সকফায়নানি দক। (কাঙগাইতি আবতাই খাই
 ইলিম-ন' সামানি লগি লগি মাই-মুই সকফায়ীই
 চায়ীই বুফাঙ বুগুরুগ' হাবীই থুয়ীই তঙখা মাই
 চায়ীই অক পুঙগাই)।

কাঙগাইতি থাংখা।

মতিয়া, পাকাইতি ফায়খা।

- মতিয়া : পাকাইতি চীঙ নীঙ বাই কাঙগাইতি-ন' জে
 খাইনানি হিনীই চিনি বীখাঅ চংলাই-মানি
 আবতাই-ন' খীলায়ীই মানখা।
- পাকাইতি : তা উানাসিদি বাই মতি, তাবুক চিনি খাই সাল
 আংখা, কাঙগাইতিনি খাই হর আংগাই মীনাগাই
 থাংখা। তাবুক চিনি কামিঙ-বা চিনি য়াফাঅ-সে,
 নীঙব' চকদিরিনি বীসাজীক হিনখাই, আঙব'
 অচাইনি বীসাজীক হিনখাই, সালবা চিনিয়াখাই।
- মতিয়া : পাকাইতি, বাসকীরা কামিনি মালিয়ানি বীসীলা
 বাদারাই কাঙগাইতি বাই আংলিয়া আংগাই তাবুক
 আঙ বাইসে কক হরসিনানি-ফন, আবতাই হিনীই
 আ-ন' বরক কায়সা সামানি তঙগ'।
- পাকাইতি : অ বাদারাইন'বা আঙ বাই-সে কক হরনানি হিনীই
 খীনা বেলে, আঙ বাই-ন' হরথুন আঙ কাইজাক
 খাই কাইজাগাই খিবমানি কাহাম।

- মতিয়া : তা-ম' আঙ বাই কক হরনানি হিনাই খীনামানিবা
 নীঙ বাই আংনানি সীলাই, আব' তাম' হিনমানি
 কক সীলাই?
- পাকাইতি : আঙ বাই খাই কাইজাৰ্গাই মানিয়া দেবা?
- মতিয়া : নীঙ অ বাদাৰাই বাই কাইজাৰ্গাই মানিয়া আঙ
 তঙসাক।
- পাকাইতি : নীঙব' কাইজাৰ্গাই মানিয়া।

মতিয়া, পাকাইতি থাংখা।

কাঙগাইতি ফায়খা।

- কাঙগাইতি : সু আনি ইলিম কেনকেনিয়া কেন কেন,
 মেনমেনিয়া মেন মেন, আনি সীলাই নীঙ চেন,
 তাবুক-ন' অ-র' বাঁখাক-গীনাঙ নক তাঙজাকতাই
 আংগাই সংগাই চামানি সুগাই চামানি মাইরাঙ
 লুতা আনি চার ন-গ' কুপুলীঙ আংগাই থানানি
 নাঙনাই দ। (কাঙগাইতি সামানি লগি লগি-ন'
 আবতাই-ন' আংগাই থাংখা বিনি নক-চার
 কুপুলীঙ মানীয় আংগাই।

কাঙগাইতি তাই উইসা হিনসাউখা) সু আনি
 ইলিম-ন' সাউগীরানা কেনকেনিয়া কেন কেন
 মেনমেনিয়া মেন মেন, আনি সীলাই নীঙ চেন,
 তাবুক-ন' আনি বাঁসা-গ' বাঁকাঁরাঙ আংগাই
 থানানি দ, আঙ নখা সাকাঅ বিৰাই জত'
 মানীয়-নন' নায়াই মাননানি আনি মকল বাই।
 (কাঙগাইতি আবতাই হিনাই সামানি লগি লগি
 বিনি বাঁসা-গ' বাঁকাঁরাঙ খায়াই বিৰাই নায়খা
 হিনতা। নখা সাকাঅ বিৰাই নায়-খীলায়াই নায়বা
 আসাঁক নায়'থথক তাই কাঁরাই-ফন, নখানি
 তলাঅ বরক-রগ তাই পসু-পতিঙগা তা-ম' খাই

তঙলাই হিনাঁই নায়খীলাই নায়খা হিনতা ।
 বরক-রগ-ব' দল দল খাই তঙলাইঅ,
 মীসা-মায়ুঙব' দল দল খাই তঙলাইঅ, মীখীরা
 লেঙগা-পুৰা-রগ-ব' দল দল খায়াঁই-ন'
 তঙলাইঅ । তীয়সা তীয়পেক-ব' কইরিরি কই-থাং
 আবসীক নায়থক তাই কীরাঁই । আবতাঁই নখা
 তলানি হা-ন' নায়থকজাগাঁই বিনি তঙমানি
 জাগাঅ নখরাঁই ফায়খা তপসাখাই বিখিলায়াঁই ।)

কাঙগাইতি থাংখা ।

কানতিয়া, বদন ফায়খা ।

- কানতিয়া** : বদন, উহ তাবুকলে কাঙগাইতি খায়াঁই
 থাংজাখীনা । ব-ন' কামিঙনি বরক-রগ কামিঙ
 থাবেঙমানি সিমনানি আয়াং না-র' খায়াঁই তুনাঁই
 রিহরমানি তালনীয় তালথাম সীক আংগাঁই
 থাং-খীনা বেলে । ব থাংমানি বালকয়া দা ?
 সীকাল-বা মাদে মান মা দে মানায়া ।
- বদন** : সিয়া দ, তা-ম' হিনাঁই সানানি কুবুই দে আংখা
 এরেঙ দে আংখা সীকাল মা-ন' সীকাল মা-ন'
 হিনলাইয়াঁই অ অচাই সামানি কক বাই ।
- কানতিয়া** : অচাই সাখাই-ন' বিসাস থানানি ককয়া, ব-ন'
 খতেয়ই মানায়খাই কুবুই দে এরেঙ দে হিনাঁই ।
 কাঙগাইতি-ন' রমাঁই খায়াঁই তীলাংগাঁই থাংফুরু
 আঙ নুগাঁই তঙগাঁই মানলিয়া মকলনি মুকতীয়
 কীলায়াঁই মাথাংখা ফাঁরাঁই ফাঁরাঁই খায়াঁই, তা-ম'
 সানানি কক-ন' ?
- বদন** : নীসাজীক নাইথকতি বাই আনি নাইরাঁঙতিমা-লে
 হাইরক হাইরক-গাঁই কাপসীকখা বেলে অ বায়নি
 সাকাই বায় হিনাঁই । বরগ সালনীয় সালথাম দীসা

- মাইসে চালাইলিয়া বেলে, তাবুকসে মাইন' খচালাইঅ।
- কানতিয়া : কাঙগাইতি থী দে থীইখা কীথাঙ দে তঙখ' ব-ন' খুজ নাহারলাই নায়লাইদি, কীথাঙ তঙখাই উইসালে সফায়ানী।
- বদন : আউ আব'খাই সফায়নাই।

কানতিয়া, বদন থাংখা।
বাসকীরা কামিঙনি চকদিরি, খানদল ফায়খা।

- চকদিরি : খানদল, তা-ম' কিসা কিসা খীনামানি কুবুই দে অীংখা এরেঙ দে অীংখা কাঙগাইতি চেরাই কীলাই-ন' চাকসিয়ানি বিহিক-রগ বুখিরি-জীক বলঙ ফায়সিংগ' তীলাংগী থাং হিনবা, আব-ন' নুকনাই খাই দয়াতিনি বীসাজীক কুতীলা নুক হিনতা। আব' কুবুই দে হিন খানদল?
- খানদল : আ-ব' কুবুই-ন' হিন বেলে' অ চেরাই-ন' বুখিরি-জীক-ন' বলঙ ফায়সিংগ' বামীই তীলাংগী থাং হিনতা। দয়াতিনি বীসাজীক কুতীলা-ন' বলঙ ফায়সিংগ' খিনানি হিনীই থাংগীই নুগীই হিনতা চাকসিয়ানি বিহিক মিয়াতি বলঙ ফায়সিং বামীই তীলাংগীই থাংমানি।
- চকদিরি : খানদল, নীঙ আহাই খাই দয়াতিনি বীসাজীক কুতীলা-ন' নাহারীই সাংগীই নায়দি বীসীক জরাতীই কুবুই আ-ব'।
- খানদল : আউ দা চকদিরি, আঙ নাহারীই কুতীলা-ন' সাংগীই নায়ানী।
- চকদিরি : চেরাই কীলাই-ন' আবতীই খায়ীই বলঙগ' তীলাঙগীই থাংখাইবা উথারীই চনানি বাগীইসে তীলাঙগীই থাংখীনা, আবতীই হিনখাই

মিয়াতি-ন' কামিঙগ' তনিয়া। মকল কলনীয়-ন'
কানা খাইয়াই কামিঙনি রীখীলাই বিহরনানি, আব'
বাই-ন' চিনি কামিঙগ' বিসি হায়া-চায়া কীলায়াই
থায়লাই বিসি অঁংখীনা। নীঙ খীনানি
বিসিঙগ'-ন' কুতীলা-ন' নাহারীই সঁংদি।

খানদল

: আঙ কুতীলা-ন' নাহারীই সঁংনাই-ন' সঁংনাই।

চকদিরি, খানদল থাংখা।

খানদল, কুতীলা ফায়খা।

খানদল

: কুতীলা, আয়ুঙ বীরীই নীঙ ব-র' আগিঅ চিনি
কামিঙনি চাকসিয়ানি বিহিক-রগ মিয়াতি পুসিমানি
বীরীই কাঙগাইতি কীলাই বাসা-ন' বলঙ
ফায়সিংগ' বামীই তীলাংগীই থাংমানি নুক হিন
বেলে না? আ-ব' কুবুই দা যঙ বীরীই?

কুতীলা

: অ আঙ আবতীই নুকমানি তাবুকয়া, আগিঅ-সে
য়ঙ।

খানদল

: দ তা-ম' নুকখা সালা সীলাই যঙ বীরীই।

কুতীলা

: আঙ দিবরনি মাই চায়ীই বলঙ ফায়সিংগ' খিনানি
হিনীই থাঙগ' অ জরাঅ খাই কাঙগাইতি আফসা
কীলাই-ন' রিবাই দুলাই বলঙনি ফায়সিংগ' কাকি
মিয়াতি-ন' বামীই তীলাংগীই থাংমানি নুকতা।
তাম' খাইনানি বলঙ ফায়সিং তীলাংগীই থাং
আবলে আঙ সায়াই মানয়া যঙ।

খানদল

: নীঙ মীতীই কক-ন' কুবুই দে সাখা।

কুতীলা

: কুবুই-ন' সাখা যঙ।

খানদল

: নীঙ ম কক-ন' আচুকনাইরগনি সীকাঙগ' সায়াই
দে রিয়াই মা-ন' কুবুই কুবুই খায়ীই?

কুতীলা

: সায়াই মা-ন' যঙ জেসানি সীকাঙগ' ফা-ন'।

খানদল, কুতীলা থাংখা।
কাঙগাইতি ফায়কা।

কাঙগাইতি

: (সাইচুঙ সাইচুঙ কক সাঅ), আঙ সীকাঙগ' আনি
মা বাই আনি বা বাই তঙলাই-ফুরুঅ আ-ন'
বাসকীরা কামিঙনি চীলা বাদারাই হিনজাকনাই
আঙ বাই কাইজাকনানি হিনাই কক-ন' হরমানি
তঙগ'। আঙ বিরীই থাংগাই অ চীলা-ন' নায়তুগাই
নায়াইমানি হা-ম' ব কাদে কাইজাকখা কাদে
কাইজাকয়া-খ'। নায়তুগাই নায়গীরানা ব বা তাম'
থাই তঙ। (আবতীই হিনাই কাঙগাইতি বিনি
ইলিম-ন' সাউখা) সু আনি ইলিম কেনকেনিয়া
কেন কেন, মেনমেনিয়া মেন মেন, আনি সীলাই
নীঙ চেন, আঙ তাবুক-ন' তকথু আংগাই থানানি
দ হিনমানি বাগসা-ন' তকথু থাংখা)।

কাঙগাইতি থাংখা।
বাসকীরা কামিঙনি গেদকতি ফায়খা।

গেদকতি

: (নখালা মাই লামজাক তকরীগই তঙগ' ডা কঙসা
তীয়াই মকল নুকপরম কপরম খায়াই তক রীগাই
তঙগ' সিঅ সিঅ) আঙসীক চীলা বাদারাই-ন'
কাইনানি হিনাই তঙমানি-ন' বীরীই মানয়া
আংগাই তঙখা, সীকাঙগ' তীয়সা তখলাই
কামিঙনি কিতিয়ানি বাসাজীক কাঙগাইতি বাই
কক হরীই কাইনানি হিনাই তঙমানি-ব' বুমা বাই
বুফা থীয়াই থাংগাই মা-কাইলিয়া, তাবুক সাব'
বাইসে কাইনানি।

কাঙগাইতি ফায়খা।

- কাঙগাইতি : (তকথু অীংগীই বরগনি নক গানানি থাইপুঙ বেদে-গ' বায়ীই তঙতীতীই অ বীরাইচীক মাই লামীই তক রীকতীতীই অ কক-ন' সামানি খীনারীই তঙখা । ব আফুরু খাই উনসুকখা মসে বেলে অ আঙ বাই কাইনানি হিনীই কক হরনাই বাদারাইনি নক তাবুকলে সায়াই মানখা । কাঙগাইতি হিনখা অ তকথু তীতীই ম বীরাই চীকনি উ-ল' খাই থাংগীই তেবসা খাই সাংগীই নায়য়ানী বাদারাই ব-র' থাংখা হিনীই, আবতীই খাই ব অ বীরাচুক-ন' উলতীই থাংগীই সাংগীই খা) নানা, নানা, নুসুক বাদারাই খাই তিনি ব-র' থাং সীলাই ?
- গেদকতি : ব তিনি হুগ'সে সাপুঙ থাংগ' মাইচু তীলাংগীই কাম খাইনানি বাগীই, ব সাইরিগ'য়াসা সকফায়নিয়া ।
- কাঙগাইতি : নরগনি হুক খাই বিয়াং সীলাই নানা ?
- গেদকতি : চিনি হুক খাই চিনি নকনি পুব-গালা ফায়সিংগ' থাংগীই সাতারাই বুফাঙ ফাঙসা মালাইয়ানী, অ সাতারাই বুফাঙ-ন' চিনি হুক ।
- গেদকতি : নীঙ সা-ব' অীংখা নানা ।
- কাঙগাইতি : আঙ নিনি নুসুক-ন' ।

গেদকতি, কাঙগাইতি থাংখা ।

কাঙগাইতি, বাদারাই ফায়খা ।

(কাঙগাইতি বাদারাইনি বাঁচীই গেদকতি চিনি হুক নকনি পুবগালা ফায়সিংগ' সাতারাই বুফাঙ ফাঙসা মালাইয়ানী হিনীই সায়াই রিহরমানি তাবুক সাতারাই বুফাঙ ফাঙসা মালাইখা, কাঙগাইতি অ সাতারাই বুফাঙ মালায়ীই আয়াং উয়াং নাহারীই

নায়বা গাইরিঙ সাকাঅ চীলা সিকিলা খরকসা
নু'রীই রিঅ। ব তকথু অাংগীই বিরীই গাইরিঙনি
নকসারনি ডাঅ বায়ীই জুইত খাই নায়সিগীই
নায়-খাতা। আবসীক চীলা কাহাম তাই কীরীই,
নুকখাই লেংগীই থানানি অজন। আফুরা খাই
কাঙগাইতি বরকনি রংপ-ন' নাহারীই
রিগীনাই-রিসা কীতাল ইলিম বাই নাহারীই অ
রিগীনাই- রিসা কীতাল-ন' কানীই হুকনি হুচুঙগ'
থাংগীই উইসা নুকজা-গ' উইসা নুগজাকয়া
খায়ীই রীচা-ব'।)

কাঙগাইতি : (রীচা-ব')

আঙলে বিদেসি তকসা, বুফাঙগ' বাফায়খা উইসা

বুবতীই তকসা-ব' সিদে সিনিখা

তঙরীক থাং-সিনাই উইসা।

(বাদারাই আতকাসা কাঙগাইতি রীচাবমানি
খীনায়াই হুকনি হুচুঙ ফায়সিংগ' নাহারীই নায়বা
বরনি সিকিলা-ব' খরকসা রীচাবীই তঙফায়খা
হুচুঙ পিরখক-চারি। ব গুদু গুদু খায়ীই খাইচিগীই
থাংবা বিয়াং-ব' কীমায়ীই থাংগ', উল'খাই, উ-র'
উইসা নুগ' উ-র' উইসা নুকয়া খাই রীচা-ব' বলঙ
বিসিঙ বিসিঙ।)

কাঙগাইতি : (তাই উইসা রীচা-ব')।

আঙলে বিদেসি তকসা, বুফাঙগ' বাফায়খা উইসা

বুবতীই তকসা-ব' সিদে সিনিখা

তঙরীক থাং-সিনাই উইসা।

বুমানি বীসা আঙলে সাক কায়সা

জান বাই আঙ বাইলে বনেয়ীই তঙখা

নীঙ বাইলে আঙ বাই জন' সাক খাগসা অীংখা।

ফাঙননি নকবার তিনি-ন' সি-ব'

বসর কীতাল খাই ফায়'

পুইলা আঙ নন' নুর্গাই বীখাঅ হামজার্গাই থি-ব'।
 উঅ সুর্গ' উঅ সুর্গ' সাইচুঙ বীখাঅ চা-ব'
 আংসিথুন হিনাই আঙলে বাবেঅ
 নীঙ বাই-ন' থীয়নানি হিনাই কা-ব'।
 বলঙনি তকসা খুমুলীঙ বাঅ
 বথপ থুমনানি হিনাই
 দিদা চিকন-ন' আঙলে নুক নুর্গাই
 তিনি-ন' কক-ন' সাঅ।
 বায়াপ চারি-রগ কাদঙন' কাঅ
 মুকুমু নারীকনানি বার্গাই
 নীঙন' আনিলে জানলে সকর্গীনাঙ
 নন' কাবাইলে সাঅ।

- বাদারাই** : নীঙ সা-ব' আংখা সাদি, আঙন' নিনি জাননি
 সকর্গীনাঙ, নীঙ আ-ন' সিনিমুঙ রিয়া হিনখাই
 আঙ তাবুক-ন' কতক সরয়াই থীয়াই থাংসিনাই।
 নীঙ বুত দে আংখা পেরেত দে আংখা তাবুক-ন'
 আ-ন' সিনিমুঙ রিফায়দি, নীঙ আ-ন' সিনিমুঙ
 রিফায়য়া হিনখাই নীঙ বলঙগ' তঙতীতীই
 নাহারীই তঙদি আঙ তাবুক-ন' কতক-ন' সরয়াই।
 থীয়নাই।
- কাঙগাইতি** : আব'তাইয়া-খ' আব'তাইয়া-খ' আঙ বুতবয়া
 পেরেত বয়া, আঙ বরক-সে, আঙ নীঙ বাই
 কক-ন' সাফায়নানি হিনাই-ন' তঙগ'। নীঙ সীকাঙ
 আ-ন' সিনিমুঙ রির্গীরাদি আঙ উল' সিনিমুঙ
 রিউানী।
- বাদারাই** : আঙ বাসকীরা কামিঙনি বরক, আনি মুঙ খাই
 বাদারাই, বানি মুঙ খাই মালিয়া। নন' আনি
 সিনি-মুঙ রিখা, নিনি সিনিমুঙ তাবুক রিদি আ-ন'।
- কাঙগাইতি** : আনি মুঙ কাঙগাইতি, আনি বানি মুঙ হিনখাই
 কিতিয়া, আনি কামিঙ হিনখাই তীয়সা তখলাই

- কামিঙ, মানি মুঙ খাই মাদুতি, নন' তীলাংগাঁই
থাংফায়নানি হিনখাই নীঙ আঙ বাই থাংনাইদা ?
- বাদারাই : আঙ নীঙ বাই থানাই।
- কাঙগাইতি : কুবুই দা সহিত' খাইদি।
- বাদারাই : কুবুই-ন' আঙ সহিত' খাইখা।
- কাঙগাইতি : সীকাঙ তালনি মঙগলবারনি সা-ল' আঙ ফায়াঁই
নন' তীলাংগাঁই থাংফায়নানী। নীঙ গাইরিঙগ'-ন'
ফায়াঁই তঙফায়দি ফুঙনি দিব-র'।
- বাদারাই : আউ আঙ ম গাইরিঙগ'-ন' ফায়াঁই তঙফায়নানী।

বাদারাই কাঙগাইতি থাংখা।
কাঙগাইতি ফায়খা।

(কাঙগাইতি সাইচুঙ সাইচুঙ ডানসু-গ'উ' আঙ
আগিঅ তঙগাঁই চায়াঁই বায়াপ খায়াঁই ফায়'মানি
বরক-রগ-ন' আঙ খাতাঙসুগাঁই তঙখা, তিনি
কিসা বরগ-ন' নায়াঁই মা-ফায়নাই বরগ-বা তা-ম'
খাই তঙলাই-জাবাইখা। আঙ ফারক্ক অাঁগাঁই
থানানি বাগাঁই আনি ইলিম-ন' সাগীরানা। সু
কেনকেনিয়া কেন কেন, মেনমেনিয়া মেন মেন,
আনি সীলাই নীঙ চেন, আঙ তাবুক-ন' ফারক্ক
অাঁগাঁই থানানি দ। লগি লগি-ন' কাঙগাইতি
ফারক্ক অাঁগাঁই থাংখা।)

নাইথকতি, নাইরীঙতি ফায়খা।

- নাইরীঙতি : বায় কাঙগাইতি চীঙ বাই আসীক ডাসেক ডাসেক
ডারেঙ খায়াঁই তঙলাইমানি তাবুক খাই বিয়াংব'
থাংখা চীঙন' নখা বায়াঁই থাংমানি হাই খাই
কীলাংগাঁই, সিরিঙ সিরিঙ খীলায়াঁই হা বাইরিয়াঁই,

- ব বাই দে চাঁও তাই মালাই-লাংসি চিনি জিবন
কুসুঙসাঅ।
- নাইথকতি** : বায় কাঙগাইতিনি কক-ন' আ-ন' তাসে তাসাদি,
বিনি কক-ন' মুয়তু আংগাই ফায়খাই বাঁখাঅ
খিরিঙ-সা আংগাই মুয়তু আংগাই ফায়খাই কাবাই
মাং-সে মাতঙগ'। বিনি কক-ন' আনি সীকাঙগ'
তাসে তাসাদি।
(অ জরাত নায়থকতিনি বাংগুরাঅ বরনি-ব'
ফারুক মাসা ফায়াই বায়াই রিফায়খা পুতুরুকসা
খাই, নাইথকতি ম তা-ম' আনি বাংগুরাঅ বায়াই
রিফায়খা সীলাই হিনাই বাঙগুরানি রমাই নাহারাই
ফারুক-সে মাসা রমজাকতাই আংগাই ফায়'।
ফারুক নাইথকতি-ন' সাংখা নরগ সা-ব'
আংবাইখা।)
- নাইরীঙতি** : হাই বায় নাইথক ম ফারুকবা কক-সে মান বেলে।
আনি মুঙ খাই নাইরীঙতি, বিনি মুঙখাই
নাইথকতি।
- ফারুক** : নরগ তামনি কক-ন' সালাই তঙসীলাই গলক
গলক খাইলাইয়াই ?
- নাইরীঙতি** : সীকাঙগ' চিনি বায়াপ কাঙগাইতি হিনাই কায়সা
তঙগ', ব-ন' চিনি কামিঙনি বরক-রগ সীকাল
মা-ন' হিনাই রীখীলাই রিহরখা অসই-কসই। বিনি
কক-ন' সালাই তঙগ', থাইসিঙগ' নীঙ ফায়য়াসানি
ব-ন' মুয়তু আংগাই চাঁও খরকনায় কাপলাইসে
মা-খিবলাইখা।
- ফারুক** : আঙ নরগ-ন' কাঙগাইতিনি নক ফু নুগাই
রিয়াই-খাই নরগ থা দে থাংন' সাদি।
- নাইথকতি** : নিনি অ কক কুবুই দে বা ফারুক? আঙ থানাই
নীঙ তীলাংগাই ফু নুগাই রিয়াই- খাই নীঙ তাবুক
তীলাংগাই থাংখাই তাবুক-ন' থানাই।

নাইরীঙতি
ফারুক

- : আঙব' তাবুক-ন' থানাই নীঙ বাই।
: হিমদি খাই তাবুক-ন'। আঙ নরগনি সাকা সাকা
খায়াই বিরীই থাংগানী নরগ আঙন' নায়সিগীই
আনি তলা তলা খায়াই হিমাই ফায়দি।
(ফারুক নাইথকতি বাই নাইরীঙনি-ন'
তীলাংগীই কাঙগাইতিনি নকন' ফুনুগীই রিয়ীইখা।
ইকেলে উব'-ন' বিনি নক আবতীই হিনীই ফারুক
তীলাংগীই বরগ-ন' কুনুগীই রিয়ীই খাই-ন' ফারুক
বিয়াংব' কীমায়ীই থাংখা সায়ীই মানলিয়া।)

ফারুক, নাইথকতি, নাইরীঙতি থাংখা।

নাইরীঙতি, নাইথকতি ফায়খা।

নাইথকতি

- : ম ফারুক বা চীঙন' ব জাগা-ব' তুনীই রিফায়খা'
আয়াং নাহার খাই আয়াংব' দলান ফুদুদু, উয়াং
নাহার খাই উয়াংব' দলান ফুদুদু, অর'বা বরঅ
ফায়খা। চীঙন' ফারুকবা থকেয়ীইসে তুবুই
ফায়খীনা ম-ন' নরগনি বায়নি নক হিনীই।

নাইরীঙতি

- : চীঙ তাবুক ম সানজানি হ-র' বিয়াং থানানি সীলাই
বায় নাইথক? চীঙবা ম আদা-গুজাঅসে
কীলাইলাই তঙ-লাইসি বেলে। ম দালান ফুকর'বা
বুতনি নক, পেরেতনি নক' বরকনি নক দে অীংখা
সায়ীই মানলিয়া। হিমদি বায় উ দালান কতরমা
নুহরমানি অ তলাঅ ফা-ন' থাঙলায়ানী থীয়ীই
ফান'-সে থাঙলাই- সিথুন হিমদি আর-ন'।

নাইথকতি

- : হিমদি খাই থীয়খাই চীঙ বুখুকনীয়-ন' থীয়থুন।

কাঙগাইতি ফায়খা।

(কাঙগাইতি রিগীনাই কীতাল রিসা কীতাল
কানীই চুমীই দুমালা সাকানি নখরীই ফায়ীই

নাইথকতি বাই নাইরৌঙতি-ন' আতকাসা নুকমাসি
খায়াই সৌংগ' হাই নরগ তিনি সাইরিক-ফাঙগ'
অ-র' ব-র' সকফায়বাই সীলাই হিনাই, সৌংগ'
নরগ সাব'বাই ফায় হিনাই।

নাইথকতি বাই নাইরৌঙতি, কাঙগাইতি-ন'
আবতাই বেদৌরা নুগাই পুরিনি বৌরুই আকন দে
হিনাই মুকউাগ-চ চালাই-য়াই হাঅ পৌতৌরা
পিতিরি খাই কৌলায়ই উ-ল' খাই কাঙগাইতি
বরগ-ন' য়াক রমরমাই সচা-য়াই আচুকরিবাইখা।
নাইথকতি বাই নাইরৌঙতি হিনখা বায় নৌঙ মৌতাই
আংমান' হিনাই চৌঙ সায়াই মানয়া, হিনাই বরগ
খরকনৌনৌয়-ন' খুলুমখা)

নাইথকতিঙ

: বায় নৌঙ ম দালান নকরগ-ন' বাহাই খাই তাঙখা
সীলাই?

কাঙগাইতি

: আনি সাইচুঙনি বাগাই আঙ দালান তাঙয়া বেলে।
নৌঙ নাইথকতিনি বাগাই খুঙসা নাইরৌঙতিনি
বাগাই-ব' খুসা তাঙগাই তনিখা। আঙ নরগন'
জন' খুঙসা খাই বাগাই রিনানি হিনাই আঙ
তাঙগাই তনিখা দালান নক-ন'।

নরগ-ন' আঙন' কাই-য়াই বরুই অ দালান
নকন' বাগাই রিডানৌতা।

নাইরৌঙতি

: চিনি মা বাই বা খাই ব-র' তঙনানি সীলাই?

কাঙগাইতি

: বরগন'-ব' অর-ন' তুবুই নরগ বাই-ন'
তনিফায়নাইতা।

কাঙগাইতি, নাইথকতি, নাইরৌঙতি থাংখা।

মিয়াতি, চকদিরি, খানদল, তাই কামিঙনি বরকরগ ফায়খা।

চকদিরি

: মিয়াতি নৌঙ আগি পুসিমানি চেরাই আফসা
কৌলাই-ন' রি বাই দুলাই বামাই বলঙ ফায়সিংগ'

তীলাঙগাঁই থাংমানি দে তঙ? নিনি বীখাঅ মুয়তু
খায়াঁই নায়াঁই সালা সীলাই আ-ব' কুবুই দা এরেঙ?
থিক খাই সাদি অসই তাসাদি। অ-র' চাঁঙ কামিঙ
কায়সানি বরক-সে।

মিয়াতি
খানদল

: সিয়া দ আ-ব' আঙ পর্গাঁই থাংখা।
: পর্গাঁই থাংখা, খাদি ব-ন'। উ খাইচিঙ-গীনাঙ
বুফাঙগ' খায়াঁই সাংদি। নীঙ কুবুই কক-ন' সাদি
মিয়াতি নীঙ অ চেরাই কীলীই-ন' বলঙগ'
তীলাংগাঁই তা-ম' খাইখা সাদি মুয়তু খায়াঁই।

মিয়াতি

: আউ চিনি দাদা আনি উই অকীরা, বরগ বাচাঁই
বাই খিঅ কীপাঅ আংগাঁই থীয়নানি নায়াঁই
তঙফুরু বীসাজীক কাঙগাঁইতি-ন' আনি যা-গ'
সমজগাঁই কীলাংগাঁই থাংখা ম চিনি বীসায়
নরগনি বীসাসে, ম-ন' নরগ বুখুকনীয় পুসিয়াঁই
তররিদি হিনাঁই। আবতাঁই হিনাঁই বরগ সাখাই-ন'
আঙব' তুবুই পুসিফায়খা। পুসিয়াঁই বিসানি বরক
আংখা, উ-ল' খাই কাপমানি সামেলৈয়াঁই মানয়া
আংগাঁই জেসাফা-ন' আংথুন হিনাঁই বলঙগ'
বুফাঙ কতর যাফাঙগ' তুনাঁই খায়াঁই রিয়াঁই
ফায়খাতা, উ-ল' খাই আঙব' আনি বীসাই-ন' মীসা
বাঙখারাঁই তীলাংগাঁই থাঙখা হিনাঁই সায়াঁই কাবাঁই
তঙখাতা।

খানদল

: থিক খাই সাদি নিনি অ-র' তেব' কক তঙখ'
মিয়াতি। নীঙ অ চেরাই-ন' চায়াঁই দে খিবিয়াঁই
রিখা সাদি।

মিয়াতি
চকদিরি

: আবতাঁইলে আঙ মাখাইয়া দাদা।
: ব চায়াঁইফা-ন' তঙথুন চায়াঁইফা-ন' তঙথুন ব
বুইনি বীসা-ন' আবতাঁই খাই বলঙগ' থাংগাঁই
তুনাঁই রিয়াঁইমানি মিয়াতিনি মকল কলনীয়
সকগাঁই লামা বুমানি আয়াং না-র' খায়াঁই তুনাঁই

রিয়্যাইদি। থানদি নরগ চেরাই কুরিদক
চেরাই-দক-রগ।

(মিয়াতিন' চেরাই কুরিদক চেরাইদক-রগ
মকল কলনীয় সকগাই লামা বুমানি আয়াং না-র'
তুনাই রিয়্যাই খা।)

চকদিরি, খানদল তাই কামিঙনি বরক-রগ থাংখা।
কাঙগাইতি ফায়খা।

[কাঙগাইতি তিনি মঙগল-বারনি সাল'
তিনি-ন' আঙ বাসকাঁরা কামিঙগ' থাংগাই চিনি
আব-ন' নাহারই আঙ ন-গ' তুবুই ফায়নানি কক
বীলা। আঙ থাঙগীরা নাখী ব-ন' নাহারই তুবুই
ফায়গীরানা। আঙ তা-ম' খায়্যাই থানানি হিনাই
বিনি ইলিম-ন' সায়্যাই উচ্ছ কুঙকাক তক আংগাই
কুচুক হাসে কুচুক হাসে খাই বির্রাই থাংখা উাসক
উা নাঙতাই নাঙতাই বির্রাই। আবতাই বির্রাই
থাংতে থাংতে থাংখাই-ন' লামা-অ বীর্রাইচাক
খরকসা কানি মকল নুকয়া লাথা সুংগাই
কাপতীতাই লামাঅ হিম্মাই তঙমানি নুগাই
খাইরকজাগাই অ বীর্রাইচাকনি গানা বিখালাই
রিয়্যাই বরক আংগাই নুকজাকখা, সাংখা নাঙ
তামঙগাই মীতাই আংগাই হিম্মাই মাতঙ সীলাই।]

মিয়াতি ফায়খা।

মিয়াতি

: আ-ন' আনি কামিঙনি বরক-রগ সীকাল হিন'।
আনি মকল কলনীয়-ন' এখেরেগাই কামিঙ
থাবেঙগাই লামা বুমানি আয়াং না-র' খাই তুনাই
রিফায়খা' তাবুক আঙ বরসে তঙগাইনানি
মকল-ব' কানা খায়্যাই খিবিজাক।

- কাঙগাইতি : নীঙ তা উানাডি হিমদি আনি ন-গ', নন' আনি ন-গ' তীলাংগাঁই থাংনাই, তাবুক নীঙ হিমদি আঙ বাই।
(আবতাই হিনাই অ বারীইচীকন' তীলাংগাঁই থাংখা। অবীইচীক-ন' কাঙগাইতি ন-গ' তীলাংগাঁই থাংগাঁই ইলিম-ন' সায়ীই মকল-ন' আগিনি হাই-ন' হাই কাহাম খাই খিবখা।)
- মিয়াতি : মা নীঙ আনি মাসে, নীঙ আ-ন' সিনিমুঙ রিদি।
- কাঙগাইতি : নীঙ তাবুক আঙ বাই-ন' তঙগীরাদি, উ-ল' সিনি-মুঙ রিলাই-য়ানী।

কাঙগাইতি, মিয়াতি থাংখা।
নাইথকতি, নাইরীঙতি, কাঙগাইতি ফায়খা।

- নাইথকতি : বায় নীঙ ম দালান নকরগ-ন' বাহাই খাই তাঙখা সীলাই? বায় নন'বা বুই সীকাল হিনাই রীখীলাইয়ীই রিহরমানি।
- কাঙগাইতি : আ-ন' তীয়সা তখলাই কামিঙনি সীকাল মা-ন' হিনাই রীখীলাই রিহরজাগাঁই বলঙগ' ফায়ীই সাল গিলামা খায়ীই বলঙনি বুফাঙ বীথাই বলঙনি উ বীথাই-ন' চায়ীই বুফাঙ বখ-র' হাবীই থুয়ীই মাতঙখা। আঙ বলঙগ' তঙগাঁই তঙফুরু আ-ন' মীসা উাথারীই চায়ীই খিবখামন, আঙ কক বুফাঙগ' দয়ীই কীসাসীলাবীই থাংগাঁইসে। মুইসেলে-ব' আ-ন' মনগাঁই চায়ীই খিবনানি হিনাই-ব' ফায়খা আঙ নুগাঁই খাইচিগাঁই থাংসীলাব-সে যগাঁই থাংগ'। আবয়া হিনব' তাই আনি গিলামা দসা কাতেখা আঙ বলঙগ' তঙফুরু। আব'দে তাই নরগ-ন' সাবাইসি, নরগ আঙ বাইন' তঙদি।

সালসা আঙ মালায়ীই ফায়মানি কক-ন' ডান-
 সুগীই কাবীই হিমীই তঙগ' বলঙ বিসিঙগ',
 আফুরু খাই বিয়াংনি-ব' ঢালা খরকনীয় ফায়ীই
 আ-ন' হি-ন, অ বীরীইমা নীঙ তামঙগীই ম বলঙ
 বিসিঙগ' সাইচুঙ খায়ীই কাবীই মা-তঙ সীলাই ?
 আতকাসা আঙ নায়সাই নায়বা চীলারগ
 খরক-নীয় আনি গানাঅ বীচায়ীই তঙগ'। পুইলা
 আঙ বরগ-ন' নুগীই কিরিয়ীইসে থাংখা, উল' খাই
 আঙ সাংখা নরগ সা-ব' হিনীই।

আঙ দরম'-সে হিনীই আ-ন' সিনিমুঙ রিখা।

আঙ খাই করম'-সে হিনীই সাখা। নীঙ তা-ম'
 সান সাদি হিনীই আ-ন' সাংগ'। আঙ সাখা নরগ
 জেসা ফা-ন' কীলাংদি আবতীই হিনীই আঙ
 বরগ-ন' সানখা। দরম' বাই করম' আফুরু খাই
 বাইক' সিদি অীংমানি ইলিম-ন' আ-ন' কীলাংগীই
 থাংখা। আব' বাইসে আঙ দালান-ন' তাঙগীই
 তাবুক অরঅ ফায়', তাবুক আঙ আনি ইলিম বাই
 জেসাফা-ন' খায়ীই তঙগীই মা-ন'। নরগ ম ককন'
 বুইন' কিসা ফা-ন' তাসাদি মীনাই-সঙ।

নাইথকতি

: আঙ ম ককন' বুই-ন' কিসা ফা-ন' সায়া বায়।

নাইরীঙতি

: আঙব' সায়া বায়, নীঙ হাময়া চায়া-ন' ব দে
 হামরিয়ীই মান বায় ?

কাঙগাইতি

: আঙ হাময়া-ব' খায়ীই মা-ন' অয়নাই
 খাইনাইরগ-ন' হিনখাই। ফিয়া হামরি-ব' মা-ন'।
 আঙ তাবুক নরগ-ন' কাই-য়ীই রিনাই।

নাইথকতি, কাঙগাইতি, নাইরীঙতি থাংখা।

বাদারাই ফায়খা।

বাদারাই

: আঙবা অ সা-ল' ইমাঙগ' দে নুকথা মুকথাঙগ' দে নুকথা সায়ীই মানলিয়া। অ বীরীই উ সীকাঙনি মঙগল-বারনি সা-ল' ফায়ীই সকফায়নানি কক বক' ফায়ীই সকফায়লিয়া, আ-ন' থকেয়ীই দে ফায়নানি হিনীই সালাংখা তা-ম' হিনীই সানানি। ত-ব' আঙ ব-ন' নায়সিং গাঁই-ন' তঙনানি উ-ল'দে ফায়-ফুয়ন' (আবতীই খাই নায়সিংতে নায়সিংতে নায়সিংগাঁই আংলিয়া খাই ব হিনখা আঙ তাই কীখাঙ তঙলিয়া কতক সরয়ীই থায়ীই থাংসিনাই)

বাদারাই থাংখা।

কাঙগাইতি ফায়খা।

(কাঙগাইতি হিনখা আঙ নাইথকতি বাই নাইরীঙতি-ন' কায়ীই সাদি খায়ীই রিনানি কক। বরনি চীলা মাননাই উনসুগাঁই তঙতে তঙতে ব আতকাসা মুয়তু আংজাগাঁই রিখা নাইথকতিনি বাগাঁই খাই সরগনি রাজকুমার-ন' নাহারীই রিউনো, নাইরীঙতিনি বাগাঁই খাই পাতালনি পাতাল কইনানি বাসীলা-ন' নাহারীই রিউনো, নাহারীই কায়ীই রিখা কাহাম খাই দুম-দাম খায়ীই-ন'।)

কাঙগাইতি থাংখা।

সরগনি রাজকুমার রীচা-ব' :-

কাগসিনজাগাঁই নীঙ বাই কাগলাইয়া হিনীই,

তামা তুলসি রমখা

জুগিতি কীনায় নীঙ বাই তঙলাইনা

অ সীমাই-ন' তাঙগাঁই থিবখা।

নাইথকতি রীচা-ব' :-

নৌঙ বাই সাক খাগসা রিতুকু কাঙসা
নৌঙ বাই তাইলাইনা হিনাই
কানীয় দা খুঙসা নৌঙ বাই আংলাইখা
তাঙগাই চলাই-না বাগাই।

পাতাল কাইনানি বাসীলা রীচা-ব' :-

মীতাই উা দামা উা জ-র' কাগয়া, চাঙ বাইলে জ-র' কাগয়া।
তকথু পুঙমানলে পুঙ জ-র' কাগয়া,
নৌঙ বাইলে জ-র' কাগয়া।

নাইরৌঙতি রীচা-ব' :-

সাকনি রিতুকু সাকনি কাগ মানয়া, নন' কাগ মানয়া আঙলে
সাকনি সামপিলি সাক-ন' রীকথার-তাই
নন' রীকথারাই তঙনাই
আনি সামপিলি খায়াই।

সরগনি রাজকুমার বাই নাইথকতি রীচা-ব' :-

পুরি তীমা পুরি-ব' মসে বইখনত' পুরি
সালসা নুকয়া খাই তালসা নুকয়াতাই
অ জানবা নন' নুকয়াই আঙলে তঙখা খাই
বাঁখাঅ রিয়াই খীয়ানী সুরি।

সরগনি রাজকুমার, পাতাল কাইনানি বাসীলা,
নাইথকতি, নাইরৌঙতি থাংখা।
কাঙগাইতি ফায়খা।

(কাঙগাইতি তীয়সা তখলাই কামিঙগ' আ-ন'
সা-ব' সীকাল মা-ন' হিনাই আনি মুঙ-ন' পুইলা
সীকাঙ সানাই সা-ব' আব-ন' আঙ কিসা
নায়তু গাই মা-নায়াই-নাই। আঙ থাংগাই
নায়তু গাইনানি জে বরক-রগ আ-ন' সীকাল
বানগাই রীখীলাই রিখা। আঙ তাবুক খাই তখানি

ৰূপ নাহাৰাই থানানি । সু আনি ইলিম কেনকেনিয়া
 কেন কেন, মেনমেনিয়া মেন মেন, আনি সীলাই
 নীঙ চেন' আঙ তাবুক-ন' তথা আংগাই থানানি
 দ, লগি লগি-ন' কাঙগাইতি তথা আংগাই থাংগাই
 বিৰাই থাংখা কা-কা খায়াই পুঙগাই তায়সা
 তখলাই কামিঙনি বসবাই বুফাঙগ বায়াই পুঙগাই
 তঙখা কা-কা খায়াই ।)

মতিয়া, পাকাইতি ফায়খা ।

- পাকাইতি : বায় মতি, ম তথাবা চিনি নক গানানি বসবাই
 বুফাঙগ' বায়াই পুঙগাই তঙফায়মানি তাবুকনি
 সিমিয়া কা সাকাই কা চাৰি তনখা বেলে ।
- মতিয়া : সিয়া দ পাকাইতি, চীঙ কাঙগাইতি-ন' সীকাল
 বানগাই চিনি কামিঙ থাবেঙমানি আয়াং না-ৰ'
 ব-ন' তীলাংগাই তুনাই রিয়াইমানি অ কাঙগাইতি
 আকন দে খায়াই থাংগাই ম তথাবা চীঙন' খবর
 আকন রিনানি হিনাই ফায় ফায়খা হি-ন' ।
- পাকাইতি : আবতাই ফা-ন' আংগাই মা-ন' বায় মতি ।
- মতিয়া : আংগাই ফা-ন' তঙগাই মা-ন' ।

(কাঙগাইতি তথা আংগাই পুঙগাই তঙতীতাই
 পাকাইতি বাই মতিয়া-সঙ কক সালাই তঙমানি
 কক-ন' ব খীনাঙ্গাই তঙখা । উল'খাই কাঙগাইতি
 হিনখা মরগসে আনবা সীকাল বানকনাইরগ
 বেলে । তাবুকলে আঙ সায়াই মানখা হিনাই বিনি
 ইলিম বাই সাখা নরগ আ-ন' জে অসই সীকাল
 হিনাই বানকনাইরগ তাবুক-ন' বিয়াদিনি বেমার
 মানাই থাংবাইদি হিনাই সায়াই রিখা খাই-ন' লগি
 লগি-ন' পাকাইতিনি বাই মতিয়ানি য়াকুং য়াক
 কই-সাই কীসা বীলাব বীলাব চায়াই থাংখা । উ-ল'

বরক অীংগীই কাঙগাইতি পাকাইতি বাই
মতিয়া-ন' সায়ীই কীলাং থাংখা নরগনি নকনি
উতুর গালানি বলঙ বিসিঙগ' দলান পাকা নক
কায়সা তঙগ', অ নকনি গিরিসতি নরগনি ম
বেরাম-ন' হামরিয়াই মা-ন' হিনীই সায়ীই
বিয়াং-ব' কীমায়ীই থাংখা সায়ীই মানলিয়া
কে-ব'।)

কাঙগাইতি থাংখা।

- পাকাইতি : অ বায় মতি, ম বা চীঙ আগিঅ কাঙগাইতি-ন'
অসই সীকাল মানয়া-ন' সীকাল মা-ন' হিনীই ব-ন'
চংগীই রিয়ীই রীখীলাই রিহরমানি-সে অীংগানী
বেলে। তাবুক তঙগীই তঙ নায়সীলাই বীসাক
গীনাঙগীই কীসা-গীনাঙ খায়ীই। অ মাইয়' কীসা
রিয়কমানি তাই কুল কীরীই, ম তাম' খাইসে
তঙনানি তাবুক কীসা-গীনাঙ খায়ীই।
- মতিয়া : আঙ সীলাই, অ মা বীসাক রিয়কমানি তাই সানানি
হাময়া। আঙ খাই তাই বিসি সাল বানচেগীলাক।
হিমদি অ বীরীই চীঙন' সায়ীই কীলাংমানি
জাগা-নন' নায়তুগীই মানায়লাইনাই, মীতীই খাই
দে তাই তঙগীই মান।
- পাকাইতি : হিমদি খীনা-ন' থাংলাইমানি হা-ম'।

পাকাইতি মতিয়া থাংখা।

বাদারাই ফায়খা।

- বাদারাই : উহ আঙ ম বীরীই-ন' নায়সিঙসুকখা তিনি দে
ফায়-ন' খীনা দে ফায়-ন' হিনীই আঙ তালরে
তাল নায়সিং তঙসুকখা। তিনিলে আঙ তাই ব-ন'

নায় -সিংগাঁই তঙলিয়া। ব আ-ন' সায়াই
 কীলাংমানি আঙ তাই উাইসা ফায়ীই নন'
 তীলাংফায়নানি হিনীই সায়াই কীলাংমানি তাবুক
 জরাতাই-সে সকফায়লিয়া হিনখাই আঙ তাই
 কীথাঙ হিনীই তঙলিয়া তিনিনি বিসিঙগ-ন'
 থায়াই থাংসিমানি হাম' কতক সরয়াই (আবতাই
 হিনীই বাদারাই দীখাই-ন' নাহারীই কতক সরনানি
 হিনীই নায়াই তঙফুরু খাই-ন' কাঙগাইতি ফায়ীই
 সক-ফায়খা তকথুনি রূপ-ন' নাহারীই)

কাঙগাইতি তকথু অীংগাঁই ফায়খা।

কাঙগাইতি

: (কাঙগাইতি আতকাসা মুয়তু অীংজাংগাঁই তকথুনি
 রূপ-ন নাহারীই ফায়খাই হিনখা আঙ ব-ন'
 সীকাঙনি মঙগল-বারনি সা-ল' তীলাঙগাঁই থাং-
 ফায়নানি হিনীই সায়াই কীলাংমানি কক-ন' আঙ
 পগাঁই থাংখা। ত-ব' আঙ তিনি থাংগাঁই
 নায়গীরানা তাম-ব' অীংগাঁই তঙখা, তাম-ব'
 হিনীই তঙখা। জেসাফা-ন' অীংথুন ত-ব' থাংগাঁই
 নায়য়ানী হিনীই থাংগাঁই নায়াইখা। থাংগাঁই
 নায়াই-বা কতক সরনানি হিনীই ততীরাঅ দীখাই
 খায়াই গাইরিঙ ফাকীলাইঅ খায়াই বাখীলাইনানি
 নায়াই তঙখা। আবতাই খাই বাদারাই-ন' তঙমানি
 থাংগাঁই নুগাঁই দদর দদর বরকনি রূপ-ন' নাহারীই
 অ কতক সরনানি নায়মানি দীখাই-ন' খেঙগাঁই
 রিয়াই হিনখা) অ রাঙচাকবা আঙ ফায়ীই
 সকফায়য়া হিনব' নীঙ বাহাই আবতাই
 তঙমায়া-চামায়া তঙমুঙ নীঙ তঙগাঁই তঙখা।

বাদারাই

: নীঙ ফায়য়া হিনখাই নিনি মুঙ রিয়াই কতকক
 সরয়াই আঙ থায়াই-ন' থাঙখামন। নীঙ তা-ম'

খাইনানি বাগাঁইবা আ-ন' বানচেরিয়াই রিখা, আঙ
 থায়াঁই-ন' থানানি হিনাঁই তঙমানি ।

কাঙগাইতি : আঙ কুবুনি সামুঙ খায়াঁই তঙগাঁই ফায়াঁই মানলিয়া
 নন' ফায়াঁই তীলাংফায়নানি বাগাঁই । হিমদি তাবুক
 আনি-ন' চায়া আংখা ।

বাদারাই : (রৌচা-ব')

নৌঙ-খাইলে আনি আঙ-খাইলে নিনি, আ-ব' সাব-ন' চাঙলে সানানি,
 সানানি জাগা কীরাঁই ।

নুঙব' হামজাগ' আঙব' হামজাগ', চাঙ কীনায়ে কীনায়ে হামজাকলাই তঙমানি,
 চাঙলে চালা বাই বীরাঁই ।

নখা বাইয়াঁই থাংব' সামনি কুতুলয়া, নন' নায়সিগাঁই আঙ আইসি-য়কয়া
 সামনি দে কুতুল কুতুল ।

ফেরাঙ কক তঙব' গানানি কনরয়া, রাঙচাক নুক তঙব' থাংগাঁই খচায়া,
 নৌঙন' রাঙচাকনি ব্দুল ।

নৌঙ খাইলে আনি আঙ খাইলে নিনি ...
 সানানি জাগা কীরাঁই ।

নকবারলে ফায়াঁই বাই-খীলীক থাংব'
 কাগলাই মানগীলাক চাঙলে ।

চাঙ কীনায়ে কীনায়ে হামজাক মালাইখা
 তীয় কতর ফায়াঁই হা বাইসন থাংব'
 কাগলাই মানগীলাক চাঙলে ।

চালা তঙথানি বীরাঁই মাতঙগ', বীরাঁই তঙথানি চালা মাতঙগ'
 চালা বাই বীরাঁই থানসা তঙয়া খাই
 আব' আংনানি কীরাঁই ।

নুখুঙ খাই চাঅ চালা বাই বীরাঁই
 খিবিহর মানয়া মাইতীক হুমানি তেনা রীসীরাঁই
 কিতিঙ কাতাঙ খাই আ-র' মা-তঙগ'
 মিতিলাংগানী মীরাঁই ।

নৌঙখাইলে আনি আঙখাইলে নিনি ...
 সানানি জাগা কীরাঁই ।



TRIBAL RESEARCH AND
CULTURAL INSTITUTE



I SBN 978-93-86707-34-5

Price : Rs. 100/-